


SSH
Current
Shelves
DU
740
A2
W3
v. 1530



WANIK

Wantok
SSH Current Shelves
UC San Diego
Received on: 12-15-03

Wan Wik, Novemba 6 - 12, 2003

NIUSPEPA BILONG OL PNG STRET

Namba 1530 - K1 tasol

JEK POT
15300
PAIN
REKORDS

INSAIT

p2... Wok long Bogenvil Mama Lo i gohet
p5... Lukim vanila ripot 8 - Polinesen
p17-19... Moting pes

**18 provins redi
long PNG gems
pes 32**

PNG mas pasim dua long ausait trabel

Yakam Kelo i raitim

OL boda bilong Papua Niugini i op long pasin bilong haitim ol manmeri bilong narapela kantri na

kisim ol i kam insait long Papua Niugini.

Long dispela as i bin gat tupela de woksop o trening we ol plisman bilong Australian Federal Polis

(AFP) i bin kam holim wantaim ol plis plisman.

Ol lain i stap long dispela kos em ol opisa bilong polis na kastoms na imigresen na Dipatmen bilong Praim Minista.

Intenal Revenu Komisn rijinol dairekta bilong Kastoms, Michael Otari igo pas long opim dispela kos.

Mista Otari tok dispela pasin bilong haitim ol manmeri na salim i

go long narapela kantri i bikpela hevi tumas long Pa Niugini tasol taim dispela he wok long kamap bikpela em i kamap tu long PNG long bit taim bikos pasin ya i kamap p long ol kantri klostu long PNG.

Boda bilong PNG na Indone long hap bilong Wes Sepik bikpela eria we dispela wok i r kamap strong bikos planti la save wokabaut i go kam long t

Richard Terry em liason op wantaim Australian Commission i tok dispela t bilong haitim ol manmeri na kis go long narapela kantri em bikp hevi nau insait long rijon na i long kamapim hevi long pl atoriti.

Dispela woksop i kamap l skulim ol plisman bilong PNG i save gut long wanem kain ro inap bihain taim dispela he kamap.

Em i tok dispela kos long t bilong haitim na salim ol manm go long narapela kantri bai kar tu long Wewak na Vanimo.

Dispela pasin bilong hait na i awe i go long narapela kantri i painim gutpela sindaun i wok i kamap olsem hevi long ai bilon kantri we kain lain olsem i s laik ronawe i go long ol.

Planti lain husat i save ron lusim kantri bilong ol em ol lain kantri bilong ol i gat bikpela pe kantri i sot long wok na mani bilong kantri i hat long laip na daun bilong ol na sindaun i save gutpela.

Long las yia sampela lain i Saina i bin hait na pulap i bikpela sip na i kam long PNG ol plisman i sekim sip na holir long Kimbe.

Igo moa pe



Ol SVD Misineri selebret - Ol SVD misineri i stap long bikpela bung long Madang long selebretim tupela tumbuna bilong ol i kamap santu. Na tu ol i glasim na skelim ol wok bilong ol long PNG. Hetman bilong olgeta SVD long wol em Fr Anthony Pernia (namba 3 long namel rou) i kam long Rome long stap wantaim ol wanlain bilong em.

Moa stori long pes 4. Foto: FR PHIL GIBBS, SVD

STRONGPELA TRU

Colgate

Toothpaste bilong PNG stret!

PLIS RIPOT

Chuave, Simbu provins:

KUNDIAWA Distrik Kot i givim oda long tripela plisman long baim K300 long wan wan bikos ol i paulim wanpela plis kar.

Kontsabol James Mondo na Max Ane na Sinia Sajent Mark Teine i bin paulim dispela plis kar, na ol i kisim dispela fain o oda bilong kot long peim mani.

Majistret Richard Koronai i odaim dispela tripela opisa long peim dispela mani pas-taim long neks wik Mande (Novemba 10).

Sapos ol i no peim, ol bai inap long go kalabus inap long tupela mun.

Majistret Koronai i tok olsem dispela em i wanpela bikpela rong bilong ol plis long mekim na kot i mas lukluk long givim ol strongpela mekimsave long ol plisman i mekim dispela kain pasin bai ol arapela plisman bai i noken mekim.

Buka, Bogenvil:

OL PLISMAN long Buka plis stesin i bin kisim taim bihain long famili bilong wanpela liklik meri we wanpela man i bagarapim em na kilim em i paitim taim ol i laik go kilim dispela man.

Dispela meri, 14 krismas bilong em i stap long gred 6 long Malasang praimer skul.

Dispela man i bin holim pasim em long Sarere moning na reipim em. Bihain em i pasim win bilong em na kilim em.

Ol manmeri i painim bodi bilong em long Sarere apinun.

Bihain long plis i holim pas dispela man i bagarapim meri ya, famili bilong meri ya i laik go kilim dispela man.

Ol i brukim plis stesin na sutim man ya wantaim naip. Wanpela plisman tu i kisim bagarap long dispela bikpela pait.

Pasim dua long ausait trabel I kam long pes 1

Planti i go bek na sampela i hait i stap. Ol dispela lain i ronawe na i laik go long narapela kantri we ol i ken painim gutpela sindaun bilong sindaun gut.

Narapela grup i bin pulap long sip long Indonesia na i laik go long Australia taim ol ami i holim ol namel long biksolwara bilong Indonesia na Australia. Australia i bin salim sampela i kam long PNG na i go stap long Lombrum kem long Manus ailan.

Dispela pasin em Australia i lukim olsem planti lain long ol hevi kantri olsem i laik ronawe i go painim gutpela sindaun long Australia. Tasol rot ol bai yusim em long Indonesia. Tasol nau i luk olsem PNG bai kamap olsem bikpela rot bilong ol lain i ronawe kam long em na go daun long Australia tu. Australia i pret tu long birua lain o teroris bai i kam olsem long Indonesia, Irak na ol Muslim kantri. Na ol inap kam olsem long PNG na go daun long Australia.

Wanpela bikpela woksop bai kamap long Lae we ol plisman bilong Australia bai skulim ol plisman bilong PNG long wok klostu insait long dispela hevi na was gut long ol lain husat bai i kam long ovasis. Ol plisman bilong Australia i tokaut olsem PNG i sanap olsem wanpela maus rot bilong ol teroris na ol ronawe lain.

PNG nau tu i opim dua long Esia na dispela i soim olsem planti Esia bisnis na Esia lain bai i kam long kantri tu.

Wantok i bin traim long toktok wantaim Plis Komisina tasol em i no stap.

Wok long Bogenvil Mama Lo i go het

Veronica Hatutasi i raitim

BAIPATISEN Nesenel Komiti (BNC) we i wok long go pas long ol wok bilong sanapim nupela otonomi gavman bilong Bogenvil bai bung long toktok na glasim ripot we Atoni Jenerel i mekim long namba tu draf bilong Mama Lo long nupela gavman.

Minista bilong Inta Gavman Rilesens na Bogenvil Sir Peter Barter i tokaut long dispela bihain long em i kisim 200 pes ripot long namba tu Bogenvil Mama Lo draf we Task Fos bilong Atoni Jenerel Francis Damen i bin redim na prisening i go long Minista Barter long dispela wik Tunde.

Sir Peter i tok dispela bikpela ripot i gat ol teknokol samting we komiti i mas glasim na skelim gut tru pas-taim.

Sir Peter i tok Atoni Jenerel i bin i bin mekim sampela askim olsem sapos dispela mama Lo we ol i redim bilong nupela Bogenvil Gavman i bihainim Mama Lo bilong kantri. Na bipo Bogenvil i go het na bihainim nupela Mama Lo ya, ol i mas glasim gut pas-taim.

Em i tok dispela ripot em i wanpela etvaisori dokumen tasol gavman polisi em i samting bilong ol politikel lida.

Em i tok long nau, Baipatisen Komiti em i klostu

glasim ripot, em i stret long bihainim ol etvais o toktok bilong ol bikman na holim ripot i stap inap politikel tingting na rot i kamap.

Em i tok bihain long ol komiti memba i bung. Baipatisen komiti bai givim tok stia long ripot na ol tingting long em. Bihain long dispoela, Sir Peter i tok, gavman bai wok gen wantaim ol Bogenvil Konstitusen memba long stretim ol samting we ol i no klia long em.

Sir Peter i tok i gutpela long gat Mama Lo we i stret na i kam aninit long Mama Lo bilong PNG. Na em i gutpela long stretim olgeta samting, glasim na skelim nau long

painim trupela gutpela sindaun.

Em i tok ol i no glasim tasol ol teknikel na ligel sait tasol ol arapela/eria long polsii olsem kos bilong kirapim nupela gavman, rot we em inap long lukautim em yet taim ol i kirapim na ol kain samting moa olsem.

Em i tok em i amamas olsem ol lida na ol opisel i wok long lukluk nau long sampela long ol samting ya.

Long wankain taim, Nesenel gavman i lukluk long ol pati long Bogenvil long skruim wok na sapatim wok bilong lusim ol gan na ol arapela wok long strongim gutpela sindaun long ailan.

Skul kisim helpim

WANPELA praimer skul long Unggai Bena distrik long Isten Hailans provins em wanpela laki skul tru insait long Papua Niugini long kisim helpim i kam long ol helpim ovasis.

Siokiei Praimeri skul i stap samting olsem 5 kilomita saut-is long Goroka taun. Skul ya i save kisim planti sumatin long wan wan skul ya. Dispela skul i gat 25 tisa na 20 klasrum.

Insait long 5-pela ol arapela krismas i go pinis skul i bin sot tru long planti samting. Tasol insait long wanpela pilot projek we AusAID i bin stap wok wantaim ol, skul i bin trenim na skulim ol sumatin long go insait long ol wok bilong kofi, lukautim kakaruk na ol narapela agrikalsau wok.

Dispela gutpela wok bung i mekim na soim tru gutpela wok long skul na i mekim AusAID i amamas na i laik helpim ol.

Hetmasta bilong Siokiei Praimeri skul, Movis Apite i tok em i amamas long skul bilong em i wok long kisim helpim i kam long ol dona ejensi. Mista Apite i tok em i amamas tu long Japanese Intanesinol Koporesin Ejensi (JICA) long putim kamap wanpela TV antena na tu long givim tupela bikpela televisen set long skul i ken lukim ol telekas program bilong edukesin dipatmen.

Mista Barnes i bin mekim ol dispela bikpela tok amamas bihain long skul bilong em i kisim wanpela moa donesin i kam long Niu Traibs Misin we i stap long Numumohi ausait long Goroka.

Ol lain bilong Niu Traibs Misin i givim wanpela nupela kompiyuta set i go long Siokiei Praimeri skul.

Wanpela misinari bilong Amerika, Mark Barnes, husat i lukautim wok bilong pablik rilesins na komyuniti developmen i bin givim dispela ol samting i go long skul.

Mista Barnes wantaim meri bilong em, Terry i bin kamap long Siokiei long givim donesin i go long skul. Mista Barnes i tok olsem i no long taim i go pinis, ol i bin givim wanpela maikroskop masin i go long skul. Mani mak bilong dispela masin em klostu K10,000. Dispela olgeta helpim Siokiei Praimeri skul i wok long kisim i stap nau mak i winim moa long K50,000.

Ol helt inspekta i no mekim wok

Paul Zuvani i raitim

PLANTI sik i kamap o wankain sik i kamap yet long wanem ol helt inspekta i no mekim wok bilong ol, bipo Memba bilong Tari Sir Matiabe Yuwi i tok.

Sapos ol i mekim wok planti man i no inap kisim sik o ol man i no inap sik olgeta taim.

Sir Matiabe i mekim dispela tok-tok bihain long em lukim olsem planti wok long stap kaikai long ol hap we i pulap long kainkain pipia.

"Gutpela bodi (gut helt) i helpim bodi long stap longpela taim. Sapos nogat man sik i painim man na em i bagarap hariap," Sir Matiabe husat bipo tu i wanpela komuniti helt eduketa i tok.

"Sapos man i save em i ken abrusim ol sik. Klipela pasin bai helpim man long em i no inap long painim sik. Na sapos em i save em bai abrusim ol sik.

"Stap long deti hap, silip long deti hap, gat deti bodi na kaikai wantaim deti inap long bringim ol sik hariap.

"Mi lukim planti manmeri i stap olsem na mi tok olsem ol helt inspekta o ol komuniti helt eduketa i no mekim wok bilong ol.

"Nau yu lukim planti man i salim kaikai long ol stret, ol praim ol mit, kaukau na banana arere long ol rot win i kam, ol ka i ron i go i kam, man i wokabaut, ol lang i holim ol dispela kaikai na ol man i baim dispela kaikai na ol i kaikai.

"Salim kaikai long stret we i nogat klipela pasin i brukim bikpela

mama lo bilong helt. Long brukim dispela lo sas bilong dispela i go antap olsem K1000. Em i olsem yu man i salim kaikai i laik traim bagarapim laip bilong narapela.

So yu lukim sapos ol man i mekim olsem dispela i soim olsem ol helt opisa i mekim wok o nogat?" Sir Matiabe i askim.

"Mi no ting. Ol opisa i silip long ol opis o i wok long ron long ka i go i kam. Sapos ol i mekim wok bilong ol mi ting ol man i no inap stap na mekim olsem," em i tok.

"Tru ol dokta na nes i mekim wok bilong ol tasol ol komuniti eduketa na inspekta i no mekim wok.

"Taim ol opisa i no mekim wok oltaim ol man bai go kisim marasin long wankain sik planti taim.

"Helt Minista Melchior Pep na Helt Sekreteri Dokta Nicholas Mann i save lain long marasin. Sapos Dipatmen i sot long mani orait ol i mas askim long dona mani bai ol i ken mekim kisim helpim mani na mekim ol awenes kempain.

"Long mekim gutpela helt kempain ol Helt Dipatmen i mas wok wantaim Siti Kaunsel, Polis na pablik wantaim long kamapim gutpela sindaun.

"Long Pot Mosbi sik inap kamap long deti toilet, deti strit o ples, taka sop, strit kaikai na dring na ol kaikai bilong aste na hap aste em ol man i salim yet long ol stua.

"Na ol kaikai we taim bilong ol long salim i pinis tasol ol stua man i salim yet," Sir Matiabe i tok.



Nakmai abrusim vot i nogat bilip

GAVANA bilong Wes Nu Briten, Clement Nakmai i abrusim wanpela vot i nogat bilip we i bin kamap egensim em long Proviensel Eksekutyutiv Kaunsol las wik.

Mista Nakmai i bin kisim planti toktok i kam long ol open memba bilong Wes Nu Briten na ol arapela lain insait long ol lokol level gavman husat i tok olsem wok bilong provinsel gavman, aninit long lukaut bilong em i no ron strong.

Presiden bilong Kandrian Inland, Francis Wolong i mekim wanpela mosen bilong rausim dispela vot i nogat bilip. Presiden bilong Gasmata lokol level gavman Stanis Usumgit.

8-pela LLG presiden wantaim olupela memba bilong Talasea, Lucas Waka i vot long rausim dispela vot i nogat bilip. Narapela 8-pela presiden husat

i bihainim memba bilong Talasea open John Vulupindi na Kandrian/Gloucester David Sui.

Klak bilong asembli i tokim ol memba olsem aninit long konstityusen mosen bilong vot i nogat bilip i no inap long kam bek ken long asembli bikos ol memba i vot long rausim pinis.

Ol memba husat i bin vot long larim dispela vot i nogat bilip i stap i no wanbel wantaim toktok bilong klak na ol i singaut long tupela memba long risain.

Ol i tok dispela tupela memba no kisim tok orait bilong PEC, na Mista Nakmai yet i bin makim ol.

Klak bilong Asembli i tok klia olsem dispela tupela memba i bin kisim tok orait bilong Proviensel Asembli na PEC.

Gavana Jenerel i no inap long holim opis yet

MAN we Nesenel Palamen i makim long senisim Sir Silas Atopare, Sir Albert Kipalan olsem Gavana Jenerel i no inap long holim wok bilong em yet na kisim luksave bilong Kwin bilong Ingran yet.

Suprim Kot i tokaut long Tunde olsem Nesenel Eksekutyutiv Kaunsol (NEC) bai i no inap long toksave long Kwin bilong Ingran olsem Sir Albert em i nupela Gavana Jenerel inap long ol i skelim narapela apil na keis i kam long Ombudsman Komisin.

Neks wik em i taim bilong Sir Albert long sainim ol pepa na mekim tok promis long mekim gut wok olsem Gavana Jenerel, tasol nau dispela oda i kam long Suprim Kot i stopim dispela ken.

Ombudsman Komisin i bin kisim palamen i go long kot long ileksen bilong gavana jenerel bihain long ol i painimaut olsem sampela samting


insait long dispela ileksen i no bihainim lo.

Loya bilong Sir Albert, Loani Henao i bin tok olsem wok bilong Ombudsman Komisin em bilong sekim tasol na kisim tok klia bilong kot.

Olsem na em i tokim kot olsem komisin i bin asua/liklik taim em i kisim dispela kes bilong em i go long Suprim kot olsem wanpela referens tasol.

Nau Suprim Kot i tok olsem ol i no inap long toksave long Kwin bilong Ingran olsem Sir Albert em i Gavana Jenerel inap kot i sindaun na skelim keis bilong Ombudsman Komisin.

Planti kainkain toktok i kamap pinis long dispela makim bilong Sir Albert na planti manmeri i wok long lukluk long husat tru bai kamap Gavana Jenerel na makim Kwin bilong Ingran long PNG.



YUMI ol PNG ol lain bilong harim tok, tasol sapos mipela i harim tok i go na sampela kain hevi i painim mipela, mipela bai pait long lukautim skin bilong mipela.

Ol yut bilong Godens maket tu i mas luksave olsem pablik i luksave olsem ol i mekim wanpela gutpela hap wok long bas stop na maket i stap klin, tasol taim ol i save mekim dispela wok, ol i save go na pik poket na paitim ol manmeri nating tru.

Dispela em i no gutpela pasin, olsem na ol pablik i save pait wantaim ol na brukim haus bilong ol.

Yupela save harim dispela hap tok. "das i kirap"? Sapos yu wanpela lokol turis o yu tingting long malolo raun i go long Rabaul taun, yu mas karim skaf, kep na samting long haitm maus bilong yu bikos das bilong maunten Tavurvur na Vulcan i pulap na kapsait.

Das bai i pulap long bodi, het na gras bilong yu.

Wanpela wanwok i bin limlimbur i go long hap na i bin painim olsem ples i orait, maket i gutpela, nogat raskol hevi olsem long Mosbi tasol das i no save isi long pundaun na karamapim ples na man tu sapos em i wokabout o sanap ausait. Long sampela taim, em i save ren das tu ya.

Olsem yu mas redi taim yu go. Tasol taim yu go long Kokopo, em i narakain, nogat das na ples i rait olgeta.

Pilis, inap ol lain bilong Nesenel Fleg Keria bilong mipela i marimari long mipela ol sampela gutpela manmeri i laik go bek lukim ples long kribmas?

Prais bilong balus tiket i wok long go antap tru na ol spesol fe i luk olsem ol ful fe ken.

Gutbai Sir Paul

LAS WIK Sarere, wanpela biknem man bilong Bogenvil na man husat i bin mekim bikpela wok long nesanel politiks tu insait long kantri i bin dai.

Sir Paul Lapun, wanpela papa bilong PNG, i bin opim dua long politiks i go long Bogenvil na long PNG tu.

Leit Sir Paul i bin wanpela Katolik seminariem. Em i bin marit, tasol em i no lus tingting long skul pater na pasin bilong gutpela laip na sindaun.

Em i bin go pas long opim tingting bilong ol pipel bilong Bogenvil long politiks na gutpela wok divelopmen.

Minista bilong Inta-Gavman Rilesen, Sir Peter Barter i bin save gut tru long dispela man Bogenvil, na em i givim sampela toktok long tingim wok Leit Sir Paul i bin mekim bilong PNG na Bogenvil.

"Sir Paul i bin mekim bikpela wok long kisim divelopmen i go long Bogenvil na PNG. Sapos ol manmeri long dispela taim i bin harim ol toktok bilong em, ating sindaun bilong Bogenvil bai orait tasol na PNG bai i stap bung wantaim yet," Sir Peter i tok.

Em i bin kisim mendeit long ol pipel bilong Bogenvil long sindaun long Haus ov Asembli.

Long 1968 ol pipel bilong Bogenvil i salim em i go bek ken long edministresin.

Bihain long 1972 taim ol nupela boda o mak bilong wan wan distrik i kamap, Sentrel Bogenvil tasol inap long makim em long holim wok politiks.

Tasol em i givim sapot bilong em



• **Dokta Alexis Sarei (lephan) namba wan Bogenvil primia wantaim leit Sir Paul Lapun, namba wan PNG man long holim dispela taitel Sir. FAIL POTO**

i go long Pater John Momis long dispela taim wantaim ol arapela kendidet aninit long Navitu pati long Sentrel Bogenvil.

Long nesanel politiks, Sir Paul i bin sapotim Sir Michael Somare, Sir Pita Lus, Tony Voutas, Albert Maori Kiki na ol arapela yangpela kendidet long bung na statim namba wan politikel pati bilong PNG, PANGU, long 1968.

PANGU i bin go het long skulim planti nesanel politisen.

Long mun Julai long 1969, Paul Lapun i kamapim Napidakoe Navitu bilong Bogenvil indipendens.

Long 1970, ol i mekim wanpela anopisel referendum long indipendens insait long Sentral na Saut Bogenvil.

Ol manmeri husat i bin stap

klostu long Panguna kopa main i bin laik bruk lusim PNG, tasol ol lain i stap long Not Bogenvil na Buka i no amamas long lusim PNG.

Long 1964, PNG Haus ov Asembli i bin kamap na gavman bilong Australia i bin holim planti pawa long politiks.

Sir Paul i bin mekim wanpela mosen long kamapim wanpela referendum long tok klia sapos Bogenvil em i hap bilong PNG o nogat.

Asembli i no bin givim tok orait long en.

Sir Michael Somare i bin kamapim wanpela kolisin gavman na em i holim wok olsem Sief Minista.

Long mun Jun, Asembli i kamapim Konstityusenol Plening


Komiti aninit long lukaut bilong John Momis.

Wok bilong dispela komiti em bilong mekim wanpela arensmen o wok progrem bilong tilim pawa i go daun long ol lida bilong Bogenvil wantaim gavman long Pot Mosbi.


Taim ol man i painim kopa long Panguna, na main i stat, ol pipel bilong Bogenvil i no save gut long ol long bilong maining. Leit Sir Paul Lapun i bin pait hat long ol papagraun i mas kisim kompensesen bilong graun bilong ol i bagarap long dispela maining projek.

Planti lida bilong bipo i bin save long dispela man Bogenvil na planti moa bai yusim ol samting we em i bin kamapim long sait bilong politiks na wok divelopmen long Bogenvil na PNG wantaim.


STIHL Chainsaws



The Compact Vaccum Cleaner for a variety of cleaning Jobs



VIKING Power Equipment



PORT MORESBY	LAE	KOKOPO	LIHIR ISLAND
Phone: 325 5766 Fax: 325 0805	Phone: 472 2444 Fax: 472 3342	Corner of Tokua and Gelagela Road Phone: 982 1488 /982 2048 Fax: 982 1489	Phone/Fax: 986 4194
UMW NIUGINI LIMITED		VANIMO	
EXPECT GREAT THINGS		Phone: 857 1437 Fax: 857 1437	

PNG bai tingim ol Wol Woa 1 daiman

Veronica Hatutasi i raitim

WANPELA memoriel sevis selebren bai kamap long neks wik Tunde Novemba 11 bilong tingim ol soldia na ol arapela lain i bin dai long namba wan woa o Wol Woa 1.

Memoriel Sevis bai kamap long Ela Bis long luksave long dispela spesel de ol i kolim long Armistice De we ol i selebretim long olgeta Komonwel na ol Alai pren kantri i bin pren na helpim wanpela narapela long Wol Woa 1. Na ol i luksave long dispela de long olgeta namba 11 de long namba 11 mun long yia na long namba 11 awa.

Riten Sevis Lig (RSL) i go pas long ol samting bai kamap long dispela de.

Wanpela mausman bilong RSL i bin tokim Wantok olsem long dispela de, ol bai tingim olgeta soldia na pipel na i no ol Australia, Nu Silan (ANZAC) tasol PNG na ol arapela moa husat i bin dai long Wol Woa 1.

Hap we ol bai holim selebren em long rot i go insait long olupela Botenikel Gaden long Ela Bis.

Gavana Jenerel bai putim flawa long makim PNG insait long dispela selebren.

Ol lain i makim ol Alais o ol pren kantri long Wol Woa 1 olsem Briten, Frans, Amerika, Nu Silan, Australia, Fiji na Japan na ol arapela moa bai stap insait long dispela selebren.

Plis Bend na ol begpaips bai pilaim musik.

Ol Girl Guides bilong PNG na ol yut i wok long mekim ol wok long klinim na stretim ples bipo long memoriel selebren i kamap long neks wik.

Armistice i min olsem Truce o agrimen ol i sanim long stop long pait.

Komiti i go pas long ol wok redi long dispela de i tok ol i holim selebren long Pot Mosbi na i no long Bomana bikos ol i laikim fokas i go long ol PNG pipel i mas stap insait long dispela na tu, long futja pis o gutpela sindaun we PNG yet i mas go pas long en.

PNG i stap insait long histri bilong Wol Woa 1 we kantri Germani i bin kirapim. Na PNG i bin stap longhan na lukaut bilong Gemeni long dispela taim (bipo long Wol Woa 1). Taim em i lus, em bin givim PNG long han bilong Lig ov Nesens long lukautim olsem Tras Teritori na bihain long samting olsem 1954/55, Lig ov Nesens i bin givim PNG i go long lukaut bilong Australia.



• Samson Jubi (namel) na Ekting Asisten Plis Komisina bilong Sauten Rijen, John Marru (raithan) i toktok long ol niusman las wik.

Hevi kamap long Buka taun bihainim dai bilong skul meri

• • • Bagarapim Buka plis stesen

BUKA Ailan i stap insait long hevi bihainim dai bilong wanpela skul meri long las wiken.

Ol ripot i kam long Buka i tok wanpela skul meri i gat 14 krismas na i skul long Malasang Praimeri skul long Buka Ailan i bin wokabout i go long gaden long Sarere moning na wanpela yangpela man i bin reipim o bagarapim na kilim dai em.

Dispela i bin kamap

klostu tasol long Buka ples balus.

Bihainim dispela birua, ol hauslain bilong liklik meri i belhat na papaitim man i wokim dispela birua wantaim naip na akis na em i stap wantaim bikpela bagarap long Buka Haus sik.

Ol ripot i tok ol hauslain i bin belhat nogut tru na ol i go bagarapim Buka Plis stesen we ol bin brukim olgeta samting long opis

na tu, kisim ol gan samting. Tasol ol bin givim bek ol gan pinis. Wanpela plisman tu i bin kisim bagarap long dispela hevi. Ol hauslain i wokim dispela long plis stesen na ol plis bikos ol plis i bin holim saspek na ol i no bin laik givim em i go long han bilong ol.

Long nau, ol Bogenvil lida, komyuniti, ol meri na sios grup i lukluk nau long stretim dispela hevi.

Australia fisamen wokim stilpasin

• • • na PNG patna ripotim ol

WANPELA PNG patna long fising bisnis i rausim ol patna bilong em long Australia na ol tok orait pepa long wok insait long PNG wantaim em las wik bikos ol i wokim stil pasin long ol kindam na pis bilong PNG na tu, abrusim takis long ol dispela abus kaikai ol i kisim long solwara bilong PNG.

Samson Jubi em Menesing Dairekta bilong Stratchan Island Seafood kampani we i operet o wok long Daru insait long Westen provins i gat ol sip we em i putim ol kepten bilong Australia i ronim long kisim pis na ol abus bilong solwara namel long boda mak long Tores Streit (Australia) na Daru insait long Westen provins (PNG).

Insait long wanpela operesen we ol Daru na Sauten rijen plis, Foren Afeas na Maigresen na Mista Jubi i bin karimaut, ol bin holim pasim tripela fising sip na wanpela trola o mama sip na pulim ol i kam long Mosbi bikos long asua we ol fising patna bilong Australia i bin mekim long kisim planti pis, kindam na baramandi pis long wara bilong PNG na tok em ol dispela i prodak bilong Australia long taim ol i pekim ol long ol bokis. Na tu ol i wok long putim ol giaman mak long hevi bilong ol bokis wantaim ol abus bilong solwara long en.

Foapela sip em long Mama sip Mundi 1 na tripela trola em long Riverlea Star, Prospector na Liberty em ol Plis na Kastoms i bin kisim ol i kam long Mosbi long las wik bilong stretim ol hevi na sas ol i stap long en.

Mista Jubi i bin tokim ol niusman olsem dispela stil pasin long ol pis, kindam, kreipis, baramandi na ol arapela abus bilong solwara na haitim kisim i go long Australia i wok long kamap long sampela taim wantaim nogat man i save long em o putim ol ripot i go long ol PNG atoriti inap nau em bin ripotim.

Em i tok pasin we ol lain patna bilong em long Australia i mekim i brukim Federel lo bilong Australia na PNG wantaim.

Mista Jubi i bin kenselim ol bisnis entri pemit o tok orait pepa i mekim wok long PNG bilong eitpela patna bilong Australia long las wik yet na ol bin lusim kantri long wankain taim long wanpela sata balus we Mista Jubi yet i bin strtetim long ol.

Ripot long dispela samting i bin kamap long ol niuspepa, radio na televisin bilong Australia.

Long wankain taim tu, Ekting Asisten Plis Komisina na Asisten komisina Komanda bilong Sauten Rijen, John Marru i bin tok PNG Konstebuleri, Nesenel Fiseris Atoriti na Maigresen i bin karimaut join reskyu operesen long mekim wok painimaut long ol ripot olsem i gat sampela wok i no stret na i brukim lo bilong PNG long sait bilong painim pis long solwara bilong kantri (PNG) na salim i go long Australia.

Mista Marru i tok ol lo ejensi bilong PNG i bin holim pasim ol fising bot na ol bisnis patna i stap insait long fising bisnis bikos ol (Lo ejensi) i kisim ripot olsem ol dispela opereta i wok long stilim planti kindam, kreipis na baramundi long wara bilong PNG long hait pasin i no stret.



Bikpela bung bilong ol SVD na SSps

Pater Phil Gibbs i raitim

LONG Fraide 21 Oktoba long Madang moa olsem 200 Divain Wod Misineri (SVD) na Holi Spirit Sista (SSps) i bin bung long selebretim Katolik Sios i bin makim tupela tumbuna bilong ol i kamap santu. Tupela em Santu Arnold Janssen husat i bin kamapim dispela tupela lain misineri, na Santu Josef Freinademetz, husat i bin go pas long kirapim misin bilong ol long ples Saina.

Long bung long Madang i gat ol misineri hia long PNG husat i bin kam long planti kantri: Indonesia, na India, na Polan, na Filipins na Gemani na kankain arapela ples i go antap long mak bilong tupela ten kantri. Na tu, ol i gat bikpela amamas long wanem, Fr Anthony Pernia, lida bilong ol Divain Wod Misineri long olgeta hap bilong graun em bin lusim Rom na kam hia long PNG bilong stap wantaim ol long dispela selebren. Pater Pernia em bin stap long Rom long 5 Oktoba taim Pop Jon Pol i bin makim tupela Arnold na Josef i kamap Santu.

Sampela pater na sista bilong PNG i bin go stap long Rom long taim Pop Jon Pol i bin makim Santu Arnold na

Josef. Sista Helen Augusta SSps bilong Wewak em bin stap long ples Ghana long Africa na em bin kam long Rom na nau em bin kam bek long PNG. Em bin stori long experiens bilong em olsem misineri long planti yia long Africa. Pater Samuel Kokut SVD bilong Sepik na Pater Robert Laka Plews SVD bilong Enga, tupela i bin go long ples Rom na ol i bin kam bek na stori long ol kankain samting ol i bin lukim long hap.

Pater Samuel i bin tok olsem nau taim em selebretim pestode bilong ol santu long lotu long hia long PNG, em bai tingting bek long taim em bin stap witnes long Pop i makim tupela man i kamap santu. Pater Robert i bin tok long hau em bin lukim ol gutpela naispela ples long Yurop na em bin tenkim ol ovasis misineri long ol i bin redi long lusim ples bilong ol long kam autim gutnius long hia long 'gutpela ples' PNG.

Ol Divain Wod Misineri na Holi Spirit Sista i bin kam pastaim long PNG moa olsem 100 yia i go pinis. Planti ol i bin wok na kamap lapun na dai na ol i bin planim long hia. Pater Frank Mihalic, "papa bilong Wantok Niuspepa" - em wanpela Divain Wod Misineri.

Lae kakao fektori i kisim moa toktok salens

TOKTOK bilong sanapim bikipela kakao fektori long Lae siti long Morobe provins i wok long ol toktok salens i kam long ol bisnis na ol lain i stap insait long dispela bisnis bilong wok kakao insait long Papua Niugini.

Dispela taim Agmark Limited em wanpela bikipela kampani long Papua Niugini we i save baim na salim kakao i go long ovasis maket i tok dispela tingting bilong kamapim kakao fektori i gutpela.

Tasol toktok bilong dispela fektori bai givim gutpela prais moa mak long 20 na 30 pesen i go antap long prais nau ol i wok long baim kopra em giaman toktok tru.

Agmark i tokaut olsem prais ol i wok long baim kopra long en tude em prais we ol i skelim gut wantaim prais bilong ovasis maket na i sut stret long prais bilong PNG.

Wanem kain tingting o nupela toktok bilong nupela prais we i bikipela moa winim prais bilong tude em giaman toktok tasol.

Na tu kampani i ting dispela toktok bilong askim gavman long rausim 50 pesen long takis bilong dispela kakao fektori bai mekim em i kamap olsem wanpela bisnis tasol bilong baim na salim kakao insait long Papua Niugini na dispela i no stret long ol arapela bisnis na kampani i mekim wankain wok i stap tude.

Agmark em wanpela bikipela kampani long Rabaul we i save baim kakao long ol Niugini ailan provins olsem long Is Nu Briten. Not Solomons na Wes Nu Briten provins

Tupela bikman bilong Papua Niugini Sir Nagora Bogen na Sir Soekandar Tjandra, KBE i tokaut long statim kampani ol i kolim Niugini Cocoa Factory Limited long Lae siti we dispela bai namba wan kampani bilong PNG stret long kamap na baim kakao na mekim ol kainkain samting olsem kek, soklet, ol oil na kainkain kaikai na ol samting ol i save mekim wantaim kakao na salim i go long ovasis maket.

Ol meri long politiks bung long Madang

Michael Novingu i raitim

LAS wik Papua Niugini meri i holim namba tu Nesenel Kongres bung bilong ol long tokaut long save na strong ol meri i ken mekim long ranim kantri PNG.

Dispela bung bilong ol meri long Politik long Smugglers Inn Resort long Madang i bin stat long 27 igo inap long 31 de bilong mun Oktoba, 2003.

Presiden bilong PNG Wimen in Politik (PNGWIP) Au Aruai i tokim *Wantok* long Madang olsem mipela i

wokim awenes long ol man i mas luksave long mipela olsem mipela i ken mekim kain wok olsem ol man i save mekim. Ol i noken lukdaun long mipela olsem mipela bilong haus na gaden wok tasol.

PNGWIP i sapotim strong raits bilong ol meri aninit long Human Raits Lo na ol meri i gat rait long fridom bilong mekim samting na ol birua na hevi i noken bungim ol, meri i gat rait long kisim wok long ol gavman opis, o kampani na ol NGO, sios na ol arapela grup na rait long wok insait na mekim disisen long wok ples wankain olsem ol

man. Em i singaut i go long gavman long stretim edukesen bai planti meri i ken i go skul na kisim save long we bilong lukautim ol yet mekim wok na kamapim gutpela sindaun long komyuniti na kantri bilong ol.

Em i tok nau yet planti meri em ol man i save bagarapim ol nating bikos ol i no save long raits bilong ol.

Em i go moa na i tok aninit long Human Raits Lo ol meri tu i gat rait long joinim wanem kain politikal pati long laikim bilong ol.

Em i singaut long gavman long sapotim ol

meri long raits bilong skruim namba bilong ol meri kendidets long ol politikal pati long ileksen long stretim gut lo bilong Ogenik Lo long Politikel Pati na Kendidet we ol meri i ken resis long ileksen.

Mis Aruai i tok ol i luksave long hevi na strong bilong ol long las ileksen na ol bai traim long stretim na kamapim gut long narapela ileksen i kam.

Ol lain i sponsarim dispela kongres em, AusAID, British High Commission, UNFEM na UNFPA. Ol i luksave long hevi na wari bilong ol meri long PNG na ol i halivim.

Ol Sepik lida laik sevim ol pipel long haiwe birua

FM REDIO STESIN long Is Sepik provins bai givim moa sevis long olgeta pipel bilong Is Sepik provins.

Dispela em tingting bilong memba bilong Maprik na Minista bilong Woks Gabriel Kapris na memba bilong Ambunti Drekkir Tony Aimo.

Tupela memba i mekim dispela toktok long bekim ol toktok bilong olpela primia bilong Is Sepik provins na wanpela olpela bikipem redio mausman Bruce Sambang.

Mista Sambang i tok dispela FM Redio stesin bai i no inap sevim olgeta pipel bilong Is Sepik provins stret na tu bai brukim provins. Dispela stesin bai sanap long Wewak taun.

Tasol Mista Kapris i tok redio em wanpela bikipela samting we olgeta manmeri long provins husat i gat redio bai tanim redio na harim program i kamap.

Sem taim tu Mista Kapris i tok bai bikipela supamakem bilong Papindo bai sanap long Maprik stesin long mekim isi long ol pipel bilong haiwe long noken

westaim taim long kam long Wewak na bungim birua bilong raskol long rot we ol raskol bai hensapim ol na kisim mani na kago o kilim ol long haiwe.

Mista Kapris i tok lida bilong Sepik i mas mekim wok nau long gutpela sindaun na amamas bilong ol pipel na ol i noken tok na lukluk i stap.

Dispela em bikipela sevis tru ol pipel long Maprik, Ambunti Drekkir na Wosera Gawi bai laikim tru bikos ol i ken salim vanilla na ol kago bilong ol long hap isi na kisim wanem kain sevis ol i laik na stap isi long ples na go het long mekim wok bilong ol long ples i go het moa.

PNG na Indonesia stretim boda toktok

Michael Novingu i raitim

PNG na Indonesia i holim namba 22 Join Boda Komiti Miting bilong tupela kantri las wik long Madang.

Rijinol Memba bilong Madang na Minista bilong Inta Gavman Rilesen Sir Peter Barter i opim dispela miting na i tok em i gutpela long tupela kantri i bung wantaim na serim aida na tingting long lukautim na ranim boda na painim we i gutpela long

halivim ol pipel bilong PNG na Indonesia.


Sir Peter Barter i skruim tok i go moa na i tok i gutpela long sainim tok orait namel long tupela kantri long strongim wok bilong tupela long strongim lo na oda igo long ol lain i lukautim boda mak bilong Indonesia na PNG we ol i ken mekim save long ol lain i save laik brukim lo long bhainim rot i go i kam long Jayapura na Vanimo

SPICE TECH LTD


 P.O. BOX 2031, MADANG 511
 Tel: 852 1168 Fax: 852 1169
 email: spicetech@datec.net.pg

Vanila Teknikol Ripot Namba 8


Polinesen (taim bilong maritim flawa)



Step 1.
 Namba wan samting, pulim lebellum i kam daun wantaim nil as bilong flawa long mekim gynstemium i sanap fri.



Step 2.
 Pusim nil i go aninit long rostellum na pusim em i go long as bilong narapela bai stigma bai i stap klia o bai i nogat karamap.



Step 3.
 Long las step, holim anther namel long tupela bikipela finga bilong yu na pusim i go isi isi i go daun pas long stigma we pollinia i mas pas long stigma.

Neks wik ripot 9 bilong vanilla

Yut i lusim spak brus na tanim bel

WANPELA yut long Sauten Hailans husat i bin save groim spak brus na salim inap long 10-pela yia i lusim pasin nogut bilong em na tanim bel.

Thomas Terepo, 24, bilong Koroba long Sauten Hailans provins, i sarena o givim em yet i go long han bilong plis bihain long em i kamautim olgeta spak brus diwai em i bin planim long Ulya viles ausait long Maunten Hagen siti.

Em i mekim wanpela tok promis olsem em bai i no inap long smokim spak brus gen, na plis i harim toktok bilong em na lusim em i go fri.

Thomas i tanim bel bihain long em i bin go long wanpela tu-wik ivenjelikel kruseid bilong ol Seven De Adventis (SDA).

Moa long 25,000 manmeri i bin kam bung long dispela kruseid.

Bihain long em i givim em yet i go long plis, em i tokim ol olsem em i save smuk spak brus bikos i nogat wanpela man i stap bilong lukautim em.

Thomas i tok papamama bilong em i bin ranawe lusim em taim em i bin liklik manki yet olsem na em i stap em yet na smokim spak brus.

Em i tok nau em i luksave olsem spak brus em

i wanpela rabis samting na em i tanim bel pinis na bai em i go lotu olgeta taim.

Thomas i tok olsem spak brus em i no wanpela gutpela samting na inap long bagarapim bodi bilong man. Em i tok ol yut i mas lusim dispela samting nogut na senisim laip bilong ol.

Sinia Konstabol na opisa i go pas long drak skwod, Kunjip Napi i tok kantri i bungim planti hevi na plis i wok hat tru long stretim ol dispela hevi.

"Kain bikpela hevi olsem mariwana o spak brus em komyuniti, sios na plis i mas wok bung wantaim long stretim," em i tok.

Sinia Konstabol Napi i tok olsem planti man i wok long senisim spak brus bilong kisim ol bikpela gan.

Em i tok ol man i save groim na salim bikos em i save kisim bikpela mani tru long liklik taim tasol. Ol i no luksave olsem dispela smok inap long bagarapim bodi bilong ol.

Em i tokim Thomas olsem nau em i mas helpim plis long stapim ol arapela yut husat i wok long mekim wankain samting.

Hagen bisnis helpim bakstua bilong marasin

WANPELA trak bisnis long Maunten Hagen na Masanic Lodge, i helpim helt dipatmen long kisim ol marasin long Lae i go long Maunten Hagen.

Tupela kampani ya bai nonap long sasim helt dipatmen long dispela sevis ol i givim.

Opisa bilong stua bilong marasin long Hagen, Graham Mappa i tok Wagi Valley Trensport i helpim ol bikos ol i nogat rot long kisim ol marasin long Lae i go antap long Hagen long Hailans rijon medikel sto.

Mista Mappa i tok stua bilong marasin em wanpela hap tasol we ol haus sik, edpos na sab helt senta long Hailsna rijon i save kisim ol marasin saplai bilong givim ol sik manmeri.

Em i tok bipo taim ol i nogat rot long karim ol marasin i go, sto i save pinis long marasin saplai.

Ol i bin askim ol trenspot kampani long Lae, tasol ol i bin les bikos Hailans Haiwei i no orait.

Mista Mappa i tok em i bin salim wanpela pas i go long brens mensesa bilong Ela Motors long Hagen, Bob Hall, long helpim ol long karim ol marasin i go antap long Hagen. Taim Mista Hall i kisim dispela pas, em i toktok wantaim Wagi Valley Menesing Dairekta, Doug Sharpe na askim em long helpim.

Mista Mappa i tok Wagi Valley i tok ol bai helpim ol long kisim marasin i go long Hagen olsem wanpela wok komyuniti sevis kampani yet i mekim.

Em i tok Wagi Valley bai helpim ol long kisim marasin i kam long Lae long olgeta mun.

Em i tok tenkyu long Wagi Valley Transport, Maunten Hagen Masanic Lodge na Ela Motors long helpim bilong ol.

Ol Kainantu long Mosbi laik go bek long ples

Joe Ivaharia i raitim

OL manmeri i nogat wok na i stap long ol taun na siti i mas go bek long asples na wok long graun bilong ol.

Dispela em toktok bilong gavman i kam long Minista bilong Hausing na memba bilong Kainantu Yuntuvi Bao long las wiken long Morata setelmen long Mosbi we em i bin bung wantaim ol Kainantu komyuniti long hap.

Dispela bung em wanpela bilong ol planti fan resing wok ol Kainantu pipel i bin mekim long Mosbi long sampela taim i kam long salim samting olsem 500 pipel bilong Kainantu husat i stap nating long Mosbi i go bek long asples long pinis bilong dispela yia.

Mista Bao i mekim bikpela tok amamas i go long Fomu inta klen sosol klap long go pas long dispela progrem long kamap wantaim dispela gutpela tingting.

Olsem na em i tok em i amamas tru long dispela na em bai stap klostu wantaim ol long traim helpim ol long dispela gutpela wok we i namba wan taim tru wanpela kain grup olsem insait long Papua Niugini i laik mekim long go bek long ples long laik bilong ol yet nau.

Go bek long asples we yu gat graun i stap na yu mekim olgeta kain wok bilong mekim mani.

Maski long stap nating long siti olsem Pot Mosbi we laip i wok long go hat tru nau. Mista Bao i tok olsem na em i givim K5,000 i go long dispela wok.

Em i tok dispela gavman bilong Somare na Marat i putim wok didiman o wok agrikalisa olsem bikpela laik na lukluk bilong gavman long strongim na kirapim.

Olsem na olgeta pipel i mas go bek long



• **Minista bilong Hausing na memba bilong Kainantu, Yuntuvi Bao (wantaim flawa raunim nek, namba 2 longraithan), Minista bilong Sosel Welfea, Ledi Carol Kidu na Minista bilong Inta-Gavman Rilesens, Sir Peter Barter, i sanap wantaim sampela ol pipel husat bai go bek long ples. Foto: JOE IVAHARIA**

ples na wok long graun bilong ol long go wantaim dispela sanap na tingting bilong gavman, em i tok.

Wok didiman em bun tru bilong yumi ol pipel bilong Papua Niugini long bipo yet i kam inap tude olsem na ol manmeri i mas strongim na mekim dispela wok i go bikpela bai i kamapim gutpela sindaun long laip bilong yumi. Na maski long go nating long ol

taun na siti long painim mani na gutpela sindaun long hap, Mista Bao i tok.

Mista Bao i tok planti pipel long Papua Niugini i sot long mani na ol samting bikos ol yet i save les long mekim wok o mekim samting na ol i laik stap tasol na wetim gavman long mekim ol samting na ol bai kisim.

Taim i hat tude olsem na yumi no ken sindaun na wetim gavman long mekim samting

long sevim yumi.


"Sapos yumi les long mekim wok, bai yumi i nogat mani na ol samting maski yumi sindaun antap long graun bilong yumi stret.

"Arapela lain bai lukim dispela na ol bai mekim samting na kisim gutpela kaikai bilong ol samting we yumi yet i no mekim na arapela ausait lain i mekim na kisim amamas long en, Mista Bao i tok.

RAD - TEL (PNG) LIMITED
COMMUNICATIONS
SALES & SERVICE

RAD-TEL (PNG) LIMITED
GOROA STREET, GORDONS
PO Box 43, Waigani, NCD,
Papua New Guinea
Phone: 325 2555; Fax: 325 0872
Email: radtel@radtel.com.pg
Website: WWW.radtel.com.pg

LAE Phone: 472 6203
Fax: 472 7577



THE BETTER QUALITY GSM DIGITAL MOBILE PHONES

1. It's the Samsung True Colour Screen Display. Model, SGH-T400 Dual. 65000-Colour TFT LCD. 40 Polyphonic Ringtones & Wallpaper. Mobile Internet (WAP - 1.2) Voice dialing, Voice Command, Voice Memo, Two Original Batteries, Color Games.

Accessories

- Hand set
- Travel Adaptor
- Portable handsfree.

1. It's the LG - G5300 True Colour Screen Display. Model, G5300 GPRS Phones 65000-Colour LCD (128* 128 Pixel) EMS/Ringtone & Picture Down-Load Support 16-Poly-Midi Sound Colour wall paper & Screen saver WAP Browser VER. 1.2.1 Up Grade Internet Access

Accessories

- Hand set, Standard Battery, Neckstrap, Card, User's manual, Travel Adaptor, Portable hands free & the Data Kit/Cd



Oro gavman sakim tok bilong Waigani

ORO provinsel gavman i no bihainim tok bilong dipatmen bilong Pesenol Menesmen (DPM) na i no larim provinsel etministreta we taim bilong em i pinis long dispela opis, Raphael Yibmaramba, long stap yet olsem eking provinsel etministreta.

Gavana bilong Oro, Bani Hoivo, i bin kisim toksave long seketeri bilong DPM, Peter Tsiamalili long lusim

Mista Yibmaramba kamap eking provinsel etministreta inap DPM i makim narapela.

Long wanpela pas i go long Mista Hoivo long Oktoba 8, Mista Tsiamalili i toksave long provinsel eksekutiv kaunsil (PEC) long holim wanpela bung long givim eking provinsel etministreta wok i go long Mista Yibmaramba o long Ross Ungaia.

PEC i bin makim

Monty Derari olsem eking etministreta long Septemba 21, wanpela de bipo long kontrak bilong Mista Yibmaramba bai pinis.

Tasol Mista Tsiamalili i tok olsem PEC i nogat pawa long makim husat i bai holim dispela opis, ol i ken givim nem bilong ol kendidet bilong ol tasol long DPM na ol i bai makim man.

Mista Tsiamalili i tok olsem ating i no gutpela

tumas long Mista Derari long holim dispela opis bikos em i gat sampela Nesanel Kot i bin painim em i rong long mekim sampela pasin we i brukim lo.

PEC i tok Mista Derari i eking provinsel etministreta tasol DPM i tok olsem aninit long Pablik Sevis Regulesen 2003, hap lo namba 5, em i no fit na i no stret long em holim dispela opis na DPM i no inap makim em.

MV Tara Spirit bai helpim ol Galp pipel

GALP Provinsel na Lokel Level Gavman las Trinde i bin kisim maus bilong ol kampani bilong en, Galp Investment Trust ma Sauten Star Limited na kampani em i save wok bung wantaim, Pasifik Frontline (PNG) Limited, long tokaut long kamap bilong MV Tara Spirit long Pot Mosbi.

MV Tara Spirit i wanpela sip we i ken karim 100 pasindia na sampela liklik kago.

Dispela sip bai kisim ol pasin-

dia na kago i go long Galp na Westen provins olgeta wik.

Wok bilong en bai stat long dispela mun na bihain ron bilong en bai kisim em i go long Sentrel na Milen Be provins na Cairns, Australia.

Dispela sip em kam aninit long ol sip bilong Sauten Star Limited. Narapela sip bilong Sauten Star em MV Burai husat i stap long Cairns nau yet long kisim sampela nupela enjin.

Praim Minista, Sir Michael

Somare, bai lonsim ol operesen bilong ol sip bilong Galp Provinsel na Lokel Level Gavman na ol han bisnis bilong en bihain long MV Burai i kamap long Pot Mosbi.

Ol dispela sip i ken mekim sata wok tu.

Dispela ol sip bai helpim tru ol pipel bilong Galp provins na tu ol narapela provins we ol sip i ron go long en. Ol pipel i ken karim tu ol samting ol i laik salim long kisim mani i go kam.



• Ol mangi Offkut i soim stail bilong ol las Sarere nait. Foto: GARY STONEHOUSE

William Natera i raitim

PILAI, Em Rod Bilong Kago, we tieta grup Originz i bin kamapim long St Josephs Intenesenol Katolik Skul Pis Tieta long Pot Mosbi long Sarere nait, i bin ron gut tasol.

Menesa bilong Originz, Gary Stonehouse, i tok planti lain husat i kamap long so i amamas long lukim dispela pilai we i stori long wanpela ples we ol lapun pipel i pilim olsem taim bilong ol i pinis. Tasol i gat wanpela bilip olsem ol i bai singautim ol spirit long opim rot i go long kago. Dispela i bai karim kainkain gutpela samting i kam long ples. Tasol bai ol yangpela amamas long dispela pasin ol i mekim?

Dispela pilai em i nambawan pilai long Papua Niugini we ol i raitim na ektim long 1963 long Madang

Semineri na em i las pilai Originz i mekim long pinisim amamasim bilong ol long 40 yia bilong drama o mekim pilai long PNG.

Mista Stonehouse i tok olsem em i bilip olsem ol i bin makim stret ol dispela 40 yia bilong drama long kantri wantaim ol pilai ol i bin kamapim long dispela yia

"Sampela pilai i bin stori long pait namel long ol kalsa, sampela stori long hevi we stap long sosieta na hevi tu we i save kamap long envaironmen o bus na solwara bilong kantri," em i tok.

Tu hap han bilong Originz, Offkut, we sampela yangpela mangi bilong 5 Mail i kamapim i save amamasim ol lain husat i kam long lukim ol so tu wantaim singsing, pilai na tok pilai bilong ol.

Kros long graun save stapim developmen



• Sir Moi.

PLANTI man o kampani bilong ol narapela kantri i laik kam long Sentrel provins na kamapim bisnis we i ken helpim, tru bisnis bilong ol tasol provins tu, i no inap bikos i save gat planti kros pait long graun, Membra bilong

Palamen bilong Kairuku-Hiri, Sir Moi Avei i tok.

Sir Moi, husat em i Minista bilong Maining na Petroleum, i bin mekim dispela toktok long bung bilong Kairuku lokel level gavman (LLG) las Fonde long Hisiu ples long Kairuku distrik.

Sir Moi i tokim ol pipel long ples olsem ol i mas stap insait long ol wok bilong agrikalasa.

Ol lain husat i stap long dispela bung em ol opisa bilong opis bilong Sir Moi, Minista bilong Sosel Welfea na Developmen, Ledi Carol

Kidu, na ol kaunsila bilong ol foapela LLG, Kairuku, Sorgeri, Mekeo na Kivori.

Sir Moi i tok olsem K250,000 distrik sapot grant na K250,000 bilong diskreseneri mani o mani we em i ken yusim long wanem samting em i pilim long en long helpim ol pipel, i no inap long lukautim gut ol nid bilong ilektoret bilong em.

Sir Moi i tok strong long ol pipel long ples na ol lida bilong ol long kamapim ol baset we i ken helpim em long yusim mani qut long helpim ol.



Makim hos gut • Ol manmeri i lainap ausait long hap bilong putim mani bilong bet long hos long Melbon Kap resis we i bin kamap long Tunde. Melbon Kap resis em long belobek tasol ol dispela lain i sanap long S.P Syndicate, wanpela hos res hap long Boroko long 9 kilok yet long mekim dispela wok. Foto: WILLIAM NATERA

1.5 TON



to...

3.5 TON



Discover the higher standard in material handling with Caterpillar® Forklifts.

Hastings Deering



The new generation Caterpillar Forklift is born from years of industry leading design experience. A new standard is now set for reliability, operator productivity, and safety.

Caterpillar Forklifts delivers on its promise for a cleaner environment with automotive style engine controls that reduce gas emissions and diesel smoke.

- PORT MORESBY - Phone: 300 8300 - Fax: 325 0141
- LAE - Phone: 472 2355 - Fax: 472 1477
- TABUBIL - Phone: 548 9162 - Fax: 548 9155
- RABAUL - Phone: 982 1244 - Fax: 982 1129
- LIHIR - Phone: 986 4105 - Fax: 986 4107



Nogat inap Nu Ailan sumatin long yunivesiti

I NOGAT inap sumatin bilong Nu Ailan i skul long ol yunivesiti na koles insait long PNG na ol hai skul i mas strongim wok edukesen insait long provins, Ekting Provinsel Edministreta bilong Nu Ailan, Robinson Sirambat i tok.

Mista Sirambat i bin toktok long graduesen bilong Utu Provinsel Hai skul las wik.

Em i tok ol hai skul i mas wok hat long strongim tingting bilong ol sumatin long wok hat long skul na givim ol save bilong holim wok na i no bilong raun nating long taun.

Em i tok wan wan sumatin i mas kisim skul bilong lukautim famili, komyuniti provins na kantri tu.

"Ol sumatin bilong Utu Hai skul i mas go stret long ol koles o yuni-

vesiti long kisim moa save bilong holim wok insait long sosaiti," Mista Sirambat i tok.

Em i tok inap long 10-pela yia nau, i nogat wanpela sumatin bilong Nu Ailan o Utu i go stret long ol yunivesiti.

Em i tok bipo, Nu Ailan i save gat moa sumatin long yunivesiti, na nau planti long ol dispela lain i holim ol bikipela posisen na helpim long kamapim developmen insait long kantri.

"Kantri bilong yumi i mas i gat save na han wok bilong go het. Mipela i mas gat save long stap laip. Save i save karim mani na gutpela sindaun.

"Yupela i mas wok hat long kisim save," em i tok.

Ulagunan bai gat nupela pawa stesin

ULAGUNAN viles long Kokopo, Is Nu Briten bai gat wanpela nupela pawa stesin long rausim hevi bilong ol pawa blekaut insait long provins.

Nau yet pawa saplai i go long provins i kam long Warongoi haidro na Kerevat disel pawa stesin.

Sapos dispela nupela pawa stesin i kamap long Ulagunan, em bai helpim long givim moa pawa i go long Kokopo na

Rabaul taun.

Ol pipel bilong Ulagunan i bin luksave long dispela nupela pawa stesin projek long wanpela seremoni.

Long dispela graun breking, Siaman bilong Bod ov Dairektas bilong PNG Pawa, Dokta Moseley Moramoro i tok olsem dispela projek bai inap long K25 milien taim pawa stesin i sanap.

Em i tok olsem PNG Pawa i bin kisim taim long painim wan-

pela hap we pawa stesin inap long sindaun. Tasol long 1995, ol papagraun bilong Ulagunan i givim hap graun i go long ol long sanapim dispela pawa stesin.

PNG Pawa na ol papagraun i bin sainim wanpela agrimen long 2000 bilong givim tok orait long dispela projek long go het.

Dispela projek bai kamapim pawa stesin, ol stua na haus bilong ol wokman bilong pawa stesin.

Namatanai pipel bungim Nu Ailan gavana

• Ol pipel bilong Lenai ples, wod 3, long Lak konstituensi insait long Namatanai distrik i bungim Gavana bilong Nu Ailan, lan Ling-Stuckey.

Poto: ALOIS ROBIN



GAVANA bilong Nu Ailan, lan Ling-Stuckey, i pinisim raun bilong em i go long Namatanai distrik las wik.

Em i tok olsem em i amamas long raun bilong em bikos ol pipel long hap i wok long ting olsem provinsel gavman i lus tingting pinis long ol.

Mista Ling-Stuckey i tok as bilong dispela kain tingting em ol pipel

bilong Namatanai i gat em bikos ol provinsel gavman bilong bipo i no save tingim ol wantaim developmen na ol gavman sevis.

Ol ples we em i bin go raun ol pipel bilong Nu Ailan i save kolim long 'las kona'. Ol dispela ples i kamapim Lak, Kandas, Susurunga na Tanglamet na i nogat gutpela rot i go insait

long ol dispela ples.

Ol manmeri i save bjhainim tasol bus rot na kisim sip.

Mista Ling-Stuckey i tok olsem em i no bin ting olsem em bai lukim ol gavman sevis i go insait long ol dispela hap, tasol em i go raun lukim ol bikos em i laik soim ol olsem provinsel gavman i tingim ol yet.

Em i toksave long wok bilong provinsel

gavman na sindaun na toktok wantaim ol.

Mista Ling-Stuckey i bin go raun long hap taim em i holim posisen olsem memba bilong Kavieng openi.

Em i tok ol pipel bilong Namatanai i tok olsem ol bai wok klostu wantaim Nu Ailan provinsel gavman long kamapim moa developmen insait long viles bilong ol.

Madina Hai skul kisim

K10,000 helpim bilong vanilla fam

MADINA Provinsel Hai skul insait long Nu Ailan provins i kisim K10,000 helpim i kam long Nu Ailan Provinsel Gavana lan Ling-Stuckey long developim vanilla fam bilong ol.

Madina em i wanpela hai skul tasol insait long Nu Ailan provins we i groim vanilla bilong salim long mekim moa mani bilong skul.

Dispela vanilla fam i kamap long tingting bilong hetmasta bilong Madina provinsel hai skul, Gerson Meleng.

Mista Meleng i bin kamapim dispela wantaim-ol arapela liklik projek bilong mekim moa mani long mekim

wok bilong skul.

Skul i bin kisim dispela mani long Mista Ling-Stuckey taim em i bin go lukim greduesen bilong ol.

Madina i rentim wanpela trak i go long Poliamba wel pam esteit na ol i save salim ol gaden kaikai na arapela samting tu.

Ol arapela hai skul i gat ol liklik projek bilong ol, tasol Madina tasol i wok hat na lukluk strong long groim vanilla bilong salim.

Olgeta hai skul insait long Nu Ailan i wok long kisim taim long sait bilong mani i kam long provinsel na nesenel gavman.

Olsem na Madina i lukluk long kisim mani long ol arapela liklik projek olsem vanilla faming.

Mista Meleng wantaim ol arapela tisa na wok manmeri bilong Madina Hai skul i bin toksave long Mista Ling-Stuckey long lukluk bilong skul long kamap self-safisen o stap long hatwok bilong ol yet.

Nau yet, ol i save kisim K13,000 long wan wan yia i kam long trak bilong ol i stap wantaim Poliamba wel pam plentesin.

Ol i tok nau ol bai lukluk mani bai i kam long vanilla bilong ol.

Jumogot tokaut long plen bilong em long provins

Barbara Tomi i raitim

GAVANA bilong Manus provins Dokta Jacob Jumogot i tokaut olsem provinsel gavman bilong em bai kisim K7 milien long Gavman bilong Australia long han bilong em Australian Ejensi Intanesenel Developmen (AusAID) long stretim ol skul insait long provins.

Dispela helpim long AusAID em i kam stret long Kanbera, bik siti long Australia we palamen i stap. Dispela agrimen i kamap olsem bekim bilong ol Australia long larim asailem sika kem long stap long Lombrum. Dispela kem bai stap olsem propeti bilong Australia na long dispela Manus provinsel gavman i tok-tok wantaim ol bikman bilong Australia long Kenbera long halivim ol olsem kompensesen long larim dispela kem i stap long graun na ples bilong ol.

Long makim gutpela sindaun na wokbung, Kenbera i tok orait long givim K7m i go long Manus provinsel gavman long helpim ol long stretim ol skul bilong ol.

Dispela em wanpela plen bilong Gavana Jumogot long mekim provins bilong em kamap

wanpela hap we i gat planti saveman na meri.

Narapela plen bilong em long ol manmeri na pikinini long Manus i mas stap helti. Long dispela as Mista Jumogot i amamas tru long Helt Dipatmen i makim provins bilong em long statim Saplimenri Imunaisesen Eksen (SIA) program we bai givim banis sut bilong Misels, Polio na Vaitamin A long ol pikinini i gat 3 mun i go 10 kris-mas.

Em i tok dispela SIA program bai helpim ol pikinini long pait egensim binatang bilong misels na polio na mekim ol kamap bikipela na strong.

Mista Jumogot i tokaut olsem em i gat plen long stretim Lorengau haus sik na em bai askim helpim bilong ol dona patna long givim K2 milien long mekim dispela wok.

Narapela tingting bilong em long kirapim provins bilong em em long stretim rot. Em i tok gavman bilong em i stat toktok wantaim Wol Benk pinis long halivim ol long mekim dispela wok.

Haiwe rot i bagarap na planti

manmeri i wok long karim maket kaikai bilong ol na wokabaut long kamap long Lorengau long salim ol kaikai bilong ol.

Sampela lain husat ples bilong ol i stap long haiwe i tokim Wantok olsem rot i bagarap tru na planti pipel i save kisim taim long painim rot long kam long Lorengau taun.

Bikos rot i bagarap, planti kar i no save ron i go long hap na tu planti kar i bagarap bikos long ron long kain rot i bagarap.

Namba foa tingting bilong Gavana Jumogot long kirapim Manus provins em long kamapim wanpela pis projek. Dispela i bilong karim mani i kam insait long provins long helpim wok bilong helt na edukesen.

Em i singaut long dona patna long luksave long ol samting ol i laik mekim long kirapim ples bilong ol na mekim sindaun bilong ol pipel bilong ol kamap gut. Mista Jumogot i tok em i amamas long lukim ol dona patna i sapotim SIA program. Em i tok olsem em i laikim dispela kain helpim tu long mekim ol plen bilong em i karim kaikai.



Isi long kaikai buai ya • Dispela lapun man em i no man nating. Nem bilong em em Mathew Tuam na em siaman bilong Kaisarel Kaunsil bilong Manus. Em i bin makim ol Manus pipel na welkamim Helt Seketeri, Nicholas Mann na ol bikmanmeri bilong Helt na ol dona ejensi. Poto: BARBARA TOMI.

Ol bikmeri bilong UNICEF i kam raun

TUPELA bikmeri bilong United Nations Children's Fund (UNICEF) i bin kam lukluk raun long kantri long dispela wik.

Long Tunde, UNICEF Rijinol Dairekta bilong Is Esia na Pasifik Mehr Khan i bin pundaun long Pot Mosbi na long Trinde Eksekutyv Dairekta Carol Bellamy i kamap aste long mekim sampela lukluk raun.

Mis Khan i bin raun long lukim ol komyuniti projek em UNICEF i go pas long en long Pari ples na tu toktok wantaim ol lida bilong ol sios na ol mausman bilong ol NGO.

Mis Bellamy bai opim Developmen Atlas bilong ol PNG Pikinini na Poto so makim sindaun bilong ol Pikinini long PNG.

Dispela etles bilong PNG Pikinini em i wanpela ripot we i soim laip na sindaun bilong ol pikinini na bai soim Milenium Developmen Gol na sapos PNG i bihainim dispela gol. Dispela MDG em olsem skel we gavman na ol oganaisesen husat wok bilong ol em long kamapim gutpela sindaun bilong ol pikinini i ken lukim sapos ol i mekim stret wok bilong na sapos ol i bihainim ol skel i stap insait long dispela gol.

Dispela etles i soim sampela gutpela tok stia o lesen long soim olsem nesenel mak o everij i save haitim ples tru bilong yumi olsem em i gat planti maunten na bikpela ol wara na tu bikpela wok i mas kamap bipo bai kaikai i kamap. Namba tri lesen em olsem sapos kantri i putim moa mani long ol wok bilong kamapim gutpela sindaun bilong ol pikinini, ol dispela gol i stap insait long etles bai karim kaikai.



• Carol Bellamy.

Mis Bellamy em i no meri nating. Bipō long em i wok wantaim UNICEF, em i bin wok olsem Dairekta bilong Yunaited Stets Pis Kops.

Olsem wanpela pis kops em i wok long kantri Guatamala long 1963 i go 1965.

Long 1968 in go inap 1971 em i wok olsem wanpela patna long Cravath, Swaine and Moore lo kampani.

Mis Bellamy i kisim wok long pablik sevis na i wok olsem wanpela pablik ofisel long Niu Yok Stet Senet long 1973 i go 1977.

Long 1978 em i bin namba wan meri long winim wok olsem Presiden bilong Niu Yok Siti Kaunsil. Dispela wok em i bin mekim inap 1985.

Bihain em joinim praivet sekta na wok olsem prinsipal long Morgan Stanley and Co long 1986 i go 1990 na bihain olsem menesing dairekta bilong Bear Stearns & Co long 1990 i go 1993.

Mis Bellamy winim skul wantaim digri long lo long Niu Yok Yunivesiti long 1968 na winim skul bihain long Gettysburg College long 1963.

Tingim helt bilong pikinini, kisim banis sut



• Ol mama long Lowa ples long Manus provins i kisim ol pikinini bilong ol i go long etpos long kisim banis sut bilong misels na polio na tu kisim Vaitamin A long helpim bodi pait egensim ol binatang bilong dispela sik na tu helpim pikinini long gro strong. Ol mama na papa long Manus sekim etpos na helt senta klostu long yu long wanem taim ol helt woka bai kam long givim banis sut na kisim pikinini bilong yupela i go long hap. Dispela banis sut em Helt Dipatmen i kamapim aninit long Saplimetri Imunaisesen Eksen (SIA) program we ol i bin opim long Lorengau las Sarere. Foto: BARBARA TOMI

Mama Lewa so long Sarere

OL MERI atis bai putim kamap wanpela so long Nesenel Miusium stat long Sarere, Novemba 8 na pinis long de 14.

Dispela so bai lukim ol meri wantaim kainkain save long peinting, raitim na ridim poetri, mekim poteri o ol kap na pot wantaim graun na mekim disain long tapa.

Dispela so em ol i kolim Mama Lewa na wanpela grup bilong ol meri ol i kolim ol yet Bis na Profesenel Wimen's Klub (BPW) i go pas long en.

Dispela grup i save givim luksave long ol hatwok bilong ol meri na givim sapat long ol olsem mani long baim skul fi bilong ol meri i laik kisim moa save long wok bilong ol.

BPW i save givim skolasip long ol yangpela meri husat i laik go long hai skul o yunivesiti tasol i nogat mani.

Na dispela so ol i kamapim em bai olsem wanpela we long pulim mani long sapatim dispela wok bilong ol.

Dispela so bai lukim ol atis olsem Winnie Weoa, Jane Wena, Gazallah Bruder, Angie Bisaro na Anna Amos husat em ol i gat nem long kantri na tu ol yangpela atis husat i wok hat long kisim luksave em Maxine Nadile, Henna Joku, Ruth Houji, Mary Gari na Elsie Roroipe. Tripela meri Oro, Mary Gole husat i save mekim ol graun pot (clay pot) na ol tupela susa Agnes Posanai na Vivian Gegeyo bai soim ol kainkain stat long sapa bai stap tu long dispela so.

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, P O Box 1982, Boroko, NCD o ring i kam long telipon 3252500 na toktok long Veronica Hatutasi o Barbara Tomi. Yu ken salim ol stori tu long feks namba: 3252579 o email: word@global.net.pg.

PLEN LONG SEIF MADAHUT



OL SAMTING OL MERI I MAS MEKIM LONG LUKAUTIM OL YET NA BEBI I STAP LONG BEL

• Mama i mas kaikai gutpela kaikai

Mama i gat bel i mas kaikai pis, bin o pinat o mit wantaim ol kaukau na taro o ol gaden kaikai.

Kaikai tripela taim long wanpela de.

Ol kaikai yu kaikai i mas i gat kaikai bilong kisim strong, kaikai bilong banisim sik, kaikai bilong groim bodi na kaikai bilong kisim moa strong.

Mama yu mas save tu olsem, kaikai em i no bilong yu tasol. Yu nau mas kaikai bilong tupela bel, bel bilong yu yet na bilong bebi i gro insait long bel.

Kaikai bilong strongim blut we i no strong em:

Kumu/ bus kumu o kumu gras, Kiau, Mit Kindam na bel, pis, Pesen prut, Muli, Popo na Guava.

SAVE I KEN ABRUSIM BIRUA!!

Kaikai bilong halivim bebi long gro gut:

Pinat, Kau, Pis, Kokonas, Wel na bata, Galip na ol sid, ol grin bin, drai bin na pis, kumu, pamkin, kaukau, rice, popo, muli na guava.

Kaikai bilong halivim ol manmeri long kamap orait:

Kuk pinat, kiau, pis, popo, guava, kumu, rice, kaukau, yam, galik, kawawar, ol grin bin, drai bin na pis, galip na ol sid na kulau wara.

Kaikai bilong kisim strong:

Tapiok, kaukau, yam, banana, rice, kapiak, poteto, bret, kon, mau banana, taro, saksak, kokonas, galip na ol sid, kuk pinat, wel, bata.

Kaikai bilong banisim sik:

Kumu gras, kumu, ol grin bin, popo, pamkin, muli, galik, guava, mango, drai bin/pis, galip na ol sid, kiau.

Kaikai bilong growim bodi:

Drai bin/pis, kuk pinat, galip na ol sid, pis, kindam na ol kina, kiau, susu, rabbit, mit, kakaruk, pato na wel abus.

KAIKAI EM I GUTPELA MARASINII

Tingim madahut em spesol olsem na mekim em i seif tul



RET THAI PIS KARI

Yu mas i gat:


Yusim ol pis em ol i klinim pinis skin bilong ol

60g Thai ret kari peist
400ml ken kokonas krim
hap kap wara
250g grin bin, hapim
750g pis, katim

We long kukim:

- Hatim frai pen na putim kari, kukim long low hit inap long wanpela minit
- Kapsaitim kokonas krim na wara kukim inap em i boil
- Putim ol bin i go insait, kukim inap 2 minit
- Nau kukim pis, karamapim wantaim ai bilong frai pan na larim i stap inap em i kuk gut.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.



Fr. Paul Liwun SVD

SAMPELA mun i go pinis, wanpela yangpela man i kam na toktok wantaim mi long prea laip bilong em. Em i bin tokim mi olsem; "God i no bin bekim wanpela prea bilong mi. Nau mi pilim les tru long wokim prea. I luk olsem God i no laikim mi moa". Mi bin tokim em; "Em i no tru. God i laikim yu yet." Em i bin askim mi, "Hau bai mi save olsem God i laikim mi yet na i harim na bekim prea bilong mi?"

Wanpela lapun man i bin stap long wanpela ples. Em i man bilong prea long God olgeta taim, na em i save helpim olgeta manmeri long ples bilong em.

Wanpela taim bikpela ren i kam long ples bilong ol na kamapim bikpela tait stret. Wara i pulap long olgeta hap. Taim em i lukim wara i pulamapim haus bilong em, lapun i no prët. Em i bilip olsem God bai kam na helpim em. Olsem na em i prea long God na askim God i kam na helpim em.

I no longpela taim, wanpela vilis magistreit i draivim wanpela ka i kam long haus bilong lapun man na tokim em long kalap long ka na go wantaim em bipo long tait i bagarapim haus bilong em na kilim em i dai.

Tasol Lapun i tok; "Mi bilip, God bai kam na helpim mi. Yu noken wari". Na vilis magistreit i lusim em na i go.

Lapun i stap prea strong moa yet, singautim God long kam na helpim em.

Wara i pulap insait long haus, na lapun i kalap na sindaun antap long ruf na prea strong moa moa yet. I no long taim, wanpela helpim tim i kam long wanpela banana bot long helpim em. Tasol lapun i tok strong; "Yupela noken wari. God bai kam na helpim mi". Resku tim i lusim em na i go.

Lapun i sindaun antap long ruf, prea na wetim God i kam. Nau wanpela helikopta i flai antap long haus bilong em na tromoi wanpela rop i go daun na tokim lapun long pulim em yet i go antap long helikopta. Ren i no pinis yet. Wara i karamapim olgeta ruf bilong haus bilong em pinis. Tasol em i no kisim rop bilong helikopta i laik helpim em. Em i tokim ol; "Yupela noken wari, God yet bai kam na helpim mi." Helikopta tu i go.

Wara i karim haus bilong lapun i go na lapun indai long wara. Taim em i go long heven, Santu Pita i larim em i go stret long heven bikos em i wanpela gutpela man long ai bilong God.

Insait long heven, lapun ya i amamas bikos em ken lukim God stret. Tasol em i no amamas na kros long God, bikos taim bikpela ren i stap, lapun i bin prea tasol God i no bin helpim em.

God i bin tokim em; "Yu gutpela pikinini na save bihainim olgeta tok bilong mi. Mi tu save harim na bekim ol prea bilong yu. Taim bikpela ren i bin kamap na yu prea nambawan taim, mi bin salim magistreit wantaim ka bilong em long helpim yu. Yu tok nogat. Namba tu prea bilong yu, mi bin salim helpim tim wantaim banana bot. Em tu yu tok nogat. Namba tri prea bilong yu, mi bin salim helikopta, tasol yu no laik kisim helpim.



"Ol Kristen i bringim mani bilong helpim ol Judea."

Long olgeta samting yupela i save mekim gutpela pasin tru. Yupela i save bilip strong long God, na yupela i save wok strong long tokaut long dispela bilip. Yupela i gat planti save, na yupela i gat bikpela laik tru long mekim wok bilong God. Na yupela i save laikim mipela tru. Orait olsem tasol nau yupela mas mekim dispela wok bilong marimari tu. I no olsem mi laik givim tok bilong yupela i mas bihainim. Nogat. Mi toksave long yupela long pasin bilong ol, arapela manmeri i kirap tru long mekim dispela wok, na long dispela, pasin i olsem, mi traim yupela, bai yupela i ken soim olsem pasin bilong yupela bilong laikim tru ol narapela, em i samting tru. Yupela save long marimari bilong Jisas Kraus. 2 Korin 8: 7 - 9

76 kamap dikon bilong Elevala Yunaited Sios

...Go olsem ol disaipel bilong Jisas

LAS Sande Elevala Yunaited Sios, Hanuabada i lukim 76 manmeri i kamap dikon bilong sios.

Dispela em i wanpela bikpela grup long kisim wok olsem dikon.

Planti manmeri long Pot Mosbi i ting olsem Hanuabada em i hatpela ples long stap we long bilip i gat planti salens.

Tasol ol man husat i stap o wok wantaim ol pipel i lukim bikpela senis.

Tru i gat ol salens tasol manmeri i luk-save na i traim long sanap strong long bilip bilong ol o kam bek gen long bilip bilong ol na pait wantaim ol dispela salens.

Long dispela as em bikpela namba bilong ol manmeri i kamap dikon long dispela taim.

Long taim bilong mekim ol i kamap dikon Elevala Sios Pastor, Ben Gausi bihainim pasin na toktok bilong Jisas long taim em i salim 12 disaipel long go mekim wok i tok: "Yupela i nupela mak na kamap nupela pinis na lusim ol kain kain pasin bilong dispela graun.

"Long wankain olsem Jisas i salim ol

disaipel bilong em mi tok Go! Mi salim yupela olsem sipsip i go namel long ol wulf. No ken kisim wantaim yupela paus mani o beg bilong askim long samting o putim su na long rot no ken stop na gritim ol man.

"Taim yu go insait long wanpela haus namba wan samting yu tok em olsem- bel isi long dispela haus."

"Sapos wanpela bel isi man i stap long dispela haus orait larim griting bilong yu i stap, sapos nogat kisim bek griting bilong yu.

"Stap long dispela haus, kaikai na dring wanem samting ol i givim long yu. Noken i go i kam long olgeta haus.

"Taim yu go insait long wanpela ples o taun, kaikai wanem samting ol i givim long yu, oraitim ol sikman na tokim ol manmeri long dispela hap olsem 'Kingdom bilong God em i kamap klostu pinis.

"Tasol taim yu go insait long ples o long taun na ol manmeri ino kisim yu o harim yu, go long ol strit na tok 'Das na wanem

samting long dispela ples i pas long lek bilong mi mi rausim long wanem yupela i no laikim God na tok bilong em. Tasol yupela i mas save olsem Kingdom bilong God em i kam klostu pinis,' (Luk 10:3-11).

Em i tok olsem Bikpela Jisas i tok, 'Planti kaikai i redi long kisim tasol i nogat inap wokman long kisim. Prea long God Papa bai em i salim inap wokman long kisim ol dispela kaikia (Luk 10: 2).

Pastor Ben i tok moa olsem kain wok i no isi. "Bai i gat planti salens long laip na traim long bilip bilong yupela. Tasol sapos yupela i prea strong na pas wantaim Kraus bai yupela i winim na abrusim ol dispela salens na traim.

"Na ol diken meri mas stap aninit long diken man bilong yupela. Yupela i no ken stap antap long ol. Wankain olsem yupela diken man i mas rispekim ol diken meri bilong yupela. Noken mekim olsem ol i samting nating. Nogat.

"Yupela i mas wok bung wantaim," Pasta Ben i tok (Efesians 5: 21-33).

SVD Asembli i ron gut



Pater Paul Liwun SVD i raitim

I GAT 154 lain SVD Misionaris (Pater na Bruder) i wok nau insait long Papua New Guinea. Ol i bin kam long 24 kantri. Namba wan lain i bin kamap long PNG long yia 1896 na wok inap long tude insait long Is Sepik provins, Madang, Isten Hailans, Simbu, Westen Hailans, Enga na Pot Mosbi.

I gat 107 Bruder na Pater i bin bung na selebretim asembli (bikpela bung) bilong ol long Divine Word University, Madang stat long de 28 - 30 Oktoba 2003. Dispela em i namba wan taim ol i bin wokim dispela asembli bihain long 107 yia ol i bin wok insait long dispela kantri.

Pater Paul Liwun SVD, wanpela misionari bilong Indonesia, husat i go pas long dispela asembli i tok; "Yumi mekim wanpela histori bilong SVD provins bilong Papua Niugini. Yumi holim dispela bung, asembli long selebretim olgeta gutpela hatwok yumi bin mekim inap long 107 yia igo pinis long sapatim sios na pipel bilong dispela kantri."

Ol i bin spendim planti taim long serim; lukluk bek taim

bilong bipo - stat long namba wan taim misionari SVD i bin kamap long dispela kantri i kamap inap long tude.

Wan wan distrik bilong ol i bin presentim na introdusim ol yet long kankain stail. Sampela i wokim long singsing, toktok na soim sotpela video long ol wok ol i mekim long distrik bilong ol, yusim pawa point bilong komputa.

Taim ol i luksave pinis wanem samting i bin stap bipo, ol i bin lukluk long situesen bilong wok na laip bilong ol long dispela taim.

Long helpim dispela, Pater Provinsial bilong SVD long PNG, Pater Jan Zweda SVD i bin givim toktok long situesen bilong SVD nau long PNG na wok ol misionari i mekim long en. I tru olsem namba bilong SVD insait long PNG i go daun, tasol namba bilong SVD bilong PNG yet (as ples) i kamap bikpela liklik. Namba bilong misionari bilong Yurop na Amerika i go daun, tasol namba bilong misionari bilong Asia igo antap long Papua Niugini.

Pater Toni Pernia SVD, em i General Superior bilong ol SVD i kam long Rom na stap wantaim ol SVD long PNG insait long dispela asembli.

Em tu i bin givim tok na autim planti bikpela wari na salens long SVD misionari bilong PNG na narapela hap bilong graun i bungim long wok mision bilong ol.

Olgeta salens Pater Zweda na Pernia SVD i bin autim i bin helpim ol SVD misionari i bin stap long dispela asembli long lukluk na wokim sampela praktikol plen bilong taim bihain, long respons long dispela salens. Olsem na long las de bilong dispela asembli, olgeta SVD i bin pasim tok long mekim sampela pratikol wok long strongim komyuniti bilong ol na bekim nid bilong ol pipel bilong dispela kantri. SVD misionari bai stap yet long dispela kantri long helpim Katolik Sios long PNG yet.

I gat 7-pela bisop bilong lain SVD i stap na wok long Papua Niugini, tasol igat tripela bisop tasol i bin stap insait long dispela asembli. Ol i bin tokaut mipela i nidim SVD yet long helpim ol pater bilong mipela long mekim wok insait long daiosis bilong mipela".

Tasol ol i lukluk na glasim ol salens i stap, ol i bin wokim na autim sampela gutpela tingting bilong helpim ol narapela memba bilong SVD bai go long narapela miting (Chapter) long kamapim wanpela Vision na Mission Statement bilong helpim olgeta memba bilong SVD bilong dispela kantri i ken go het long wok bilong ol insait long PNG".

Bihain long lotu bilong pasim asembli, ol i bin planim wanpela memori diwai. Wan wan distrik (7-pela distrik) i bin bringim graun bilong distrik bilong ol na miks wantaim na planim dispela diwai.

Long de 31 Oktoba 2003, igat wanpela bikpela tenkyu misa i bin kamap long Bikpela haus lotu bilong Madang Daiosis. Olgeta SVD Pater na Bruder, ol SSPS Sista wantaim ol sista bilong St. Theresa na Holi Rosary, na Seikret Hart Bruder - bung wantaim ol pipel bilong Madang Daiosis long selebretim tenkyu misa long tupela nupela santu bilong SVD; em i Santu Arnold Jansen, husat i bin kamapim dispela lain SVD na Holi Spirit Sista (SSpS), na Santu Josef Freinademetz SVD, namba wan misionari bilong SVD i bin wok na dai long Saina.

• Ol Holy Spirit Sista i mekim wanpela danis bilong litaji long taim bilong SVD Asembli bung long Madang.

Planti gutpela toktok i bin kamap long dispela bung.

Poto: PATER PHIL GIBBS SVD.

Barbara Tomi i ripot long opim bilong Saplimentri Imunaisesen Eksen long Lorengau, Manus provins

JICA, AusAID givim K2 milien long SIA program

MISELS em i wanpela sik we i save kilim na mekim planti pikinini long kantri i sik.

I luk olsem sik misels i save bruk o kamap long kantri olgeta 3 o 4 yia long 1990's.

Dispela sik long 2002 em ol save-man i tokaut olsem i bin bikpela stret winim ol arapela bikpela sik we i bin kamap long 15 provins na tu long dispela yia, i bin i gat ripot olsem sampela moa pikinini i bin go long ol klinik na etpos wantaim dispela sik.

Long makim maus bilong Japanese Intanesenel Koporesen Ejensi (JICA) Tatsuhiko Tsukahoshi i tok long dispela as JICA i helpim Nesenel Dipatmen ov Helt (NDoH) na ol arapela developmen ejensi long karim aut dispela Saplimentri Imunaisesen Eksen (SIA) o banis sut program.

Man i go pas long NDoH na Helt Seketeri Dokta Nicholas Mann wantaim ol wokman bilong NDoH na ol dona patna i bin bung long

Lorengau taun long Manus provins long losim nesene SIA program.

SIA bai stat long Manus na bihain i go long ol arapela provins insait long kantri.

Long lons bilong SIA program long Sarere, Novemba 1, Mista Tsukahoshi i tok JICA i tromoi mani mak olsem K2 milien long baim ol marasin bilong sut bilong misels, polio na Vaitamin A, ol samting bilong givim sut na ol arapela saplai long karim aut wok bilong SIA.

Mausmeri bilong Australian Ejensi bilong Intanesenel Developmen (AusAID) Janet Philemon i tokaut olsem AusAID long makim gayman bilong Australia i givim tu K2 milien long sapotim wok bilong SIA program.

Em i tok AusAID em i mekim bikpela wok long kamapim gut sindaun bilong ol mama na pikinini long kantri na dispela SIA program bai soim na lainim ol mama na papa ol gutpela pasin long lukautim gut ol pikinini na helt bilong ol.



• Lwa etpos i soim olsem ol i redi long givim ol banis sut long ol pikinini taim Helt Seketeri na ol bikman meri bilong AusAID na WHO i go lukluk raun.

Manus em namba wan provins long statim SIA program

LORENGAU taun long Manus provins i statim banis sut program long Mande, Novemba 3.

Dispela program em long givim banis sut long sik misels, polio na Vaitamin A long ol bebi abrusim siks-pela mun i go inap 10-pela krismas.

Astingting bilong dispela program em long rausim olgeta sik misels na polio long ol pikinini insait long kantri. Dispela program ol i kolim Saplimentri Imunaisesen Eksen (SIA) em Nesenel Dipatmen ov Helt i kamapim long strongim wok bilong dispela banis sut em ol bebi na pikinini i save kisim taim mama i karim ol na taim ol i stat skul.

Long las yia sik misels i bin kamap long planti hap bilong kantri na kilim planti manmeri na pikinini. Em i bin wanpela bikpela autbrek stret we sik i kilim o daunim ol manmeri na pikinini long 15 provins long kantri. Dispela i soim olsem dispela ol lain i no bin igat binatang bilong pait egensim sik misels insait long bodi bilong ol.

Dispela SIA program nau em long banisim ol pikinini long noken dai long dispela sik na

stapim ol autbrek olsem long kamap gen.

Manus provins bai go pas long statim dispela SIA program bihain long NDoH na ol patna ejensi olsem AusAID, JICA (Japanese International Cooperation Agency), WHO (World Health Organisation) na UNICEF (United Nations Children's Fund) i lonsim dispela program long Lorengau maket long Sarere, Novemba 1, 2003.

Ol dispela ejensi i helpim NDoH wantaim teknikel sapot na mani long kamapim dispela projek we i bai go long ol arapela provins long neks yia.

NDoH i givim taget olsem 95 pesen long olgeta pikinini long kantri i mas kisim ol dispela banis sut bilong misels na Polio na tu Vaitamin A aninit long dispela SIA program. Dispela bai stapim olgeta sik misels na polio.

Oka Nungu, man i go pas long lukautim SIA program long Manus i bilip olsem ol wokman meri olsera ol Medikel Helt Opisa na nes na ol etpos odali i sambai pinis long mekim wok.

Em i tok dispela program inap pinis insait long tupela wik sapos

olgeta mani i redi long helpim baim rot bilong ol medikel tim long raun i go long wanwan etpos long ples.

Wanpela ten helt senta, wanpela eben klinik na wanpela ten siks etpos bai stap insait long dispela program.

Igat 200 ples bilong kisimsut, tripela ten foa tim, 61 wokman na 134 ol voluntia olsem ol draiva bilong kar na opereta bilong bot husat bai mekim dispela wok.

Namba olsem 6,761 ol bebi i bon nau tasol i go 59 mun bai kisim Orol Polio banis sut, 13,071 bebi siks mun i go 10 krismas na 11 mun bai kisim Misels banis sut na 6,761 bebi i gat 6 mun i go 59 mun bai kisim Vaitamin A. 5,506 ol pikinini i stap long skul i mekim Gret 4 inap Gret 8 bai kisim Misels banis sut.

Mista Nungu i tok olgeta helt senta na etpos bai statim SIA program long Novemba 10 i go inap de 21.

Ol liklik ailan olsem Mal na Wuvulu bai i kisim ol banis sut sapos i no ren na solwara i bagarap. Nogat ol bai kisim ol banis sut bilong ol neks yia.



• Dokta Yang Baoping (klostu long foto), WHO Rijinel Imunaisesen Etvaisa long Manila i lukluk long helt opisa bilong Lwa ples etpos i skelim banis sut long givim long ol pikinini. Lwa etpos bai sevim 7-pela arapela klostu long em insait long dispela SIA program. Ol foto: BARBARA TOMI

Kirap na pait

MAUSMAN bilong Wol Helt Oganaisesen long Papua Niugini Dokta Yves Renault i mekim strong singaut i go long ol pipel bilong Manus na kantri tu long kirap na pait egensim dispela sik misels.

Em i bin askim moa long wan tausen manmeri na pikinini sanap raunim Lorengau maket olsem: Sapos wanpela ami i laik kam pait wantaim yupela o wanpela bom i pundaun long ailan bilong yupela, bai yupela mekim wanem? Yupela bai kirap, painim ol naip, tamiok na gan na go pait, laka!

"Orait bilong wanem yupela i no mekim wan-

pela samting egensim sik misels?

"Em inap nau, yupela i mas sanap nau, kisim ol pikinini bilong yupela i go long ol helt senta na klinik na givim ol banis sut long lukautim ol pikinini bilong yupela long dispela sik misels. "Yupela i mas soim ol arapela olsem yupela i ken mekim na bai ol i bihainim lek mak bilong yupela?"

Dokta Renault i tok Saplimentri Imunaisesen Eksen program em i olsem gan em Helt Dipatmen i givim long ol papa na mama na ol i ken kirap na kilim dispela birua em dispela sik misels.

Ol provins putim was long Manus

MANUS em namba wan provins long statim nesene Saplimentri Imunaisesen Eksen (SIA) program bilong Helt Dipatmen na arapela provins i putim was long lukim olsem dispela SIA program i ron gut.

Dispela salens em Dokta Yang Baoping i bin mekim long opim SIA program long Lorengau maket long las Sarere.

Dokta Baoping i makim Wol Helt Oganaisesen olsem wanpela rijinel etvaisa long opis bilong ol long Manila, Pilipins.

Em i tok sapos dispela SIA program i ken karamapim 90 o 95 pesen bilong ol pikinini

insait long kantri, yumi i ken stat long kontrolim dispela sik misels na lukautim na banisim ol pikinini long kisim dispela sik.

Dokta Baoping i tok binatang bilong sik misels i save kisim na kilim moa long 800,000 pikinini insait long wol planti bilong ol em ol i stap bebi yet, i no abrusim siks mun.

Em i tok dispela i min olsem ol dispela pikinini i no bin kisim gut banis sut long pait egensim dispela binatang bilong sik misels.

Em i tok tu olsem ol pikinini i mas kisim gut banis sut, tripela taim taim ol i bebi. Namba wan taim bebi i kisim


banis sut em taim em i siks mun, bihain taim em i 9 mun na taim em i abrusim 12 mun.

Dokta Baoping i tok dispela SIA em i wanpela moa sut long banisim pikinini gut antap long ol arapela em i kisim pinis o sapos ol pikinini i bin abrusim wanpela sut bipo dispela nau bai kisim ples bilong en.

Em i tok bikpela wok bilong Helt dipatmen em long givim dispela banis sut gut long ol pikinini.

Dokta Baoping i tok long dispela pasin ol i ken daunim binatang bilong sik misels na rausim olgeta na ol pikinini bai i no moa sik na dai long dispela sik.

Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM



Rotary i pait egens Malaria Kam lukim mipela long 6 mile o Ringim - 325 8900 Prais i daunbilo na i gutpela stret- Yu ken balm planti long wanpela prais DEPT OF HEALTH - WHO - UNICEF



TAIWAN/ROC-PACIFIC ISLANDS FORUM SCHOLARSHIPS FOR 2004

Citizens of PAPUA NEW GUINEA are invited to apply for scholarships under the Taiwan/ROC-Pacific Islands Forum Scholarship Scheme. Scholarships will be awarded **only** for full time, undergraduate and postgraduate studies in the listed priority fields. Awards are tenable in accredited tertiary institutions in Forum Island Countries, special cases in the Universities of Hawaii and Guam, and in Taiwan/ROC. The list of eligible institutions is available on the website: www.forumsec.org.fj.

THE SCHOLARSHIP

will cover tuition and institution fees, text books, living allowance, medical insurance, and one return economy airfare to country of study. **Note:** There are no allowances for dependants.

ELIGIBILITY REQUIREMENTS - Applicant must:

- be a citizen of Papua New Guinea and resident in Papua New Guinea for five years prior to application, excluding years of study overseas;
- not be a recipient on any other scholarship at tertiary level within the past two years;
- be applying to commence a new programme of study and not seeking support for study already commenced;
- have secured a place in the institution for the required study programme, or will confirm placement by January 2004;
- be under 35 years of age for undergraduate, and 40 years for post graduate studies;
- be in a good health, and not have a criminal record.

PRIORITY FIELDS FOR PAPUA NEW GUINEA (in order of priority)

1. Education (primary/secondary/physical education)
2. Health & Medicine
3. Engineering (electrical, electronics, civil)
4. Public Management (finance, business, administration, economics)
5. Government & Law

SELECTION CRITERIA - Selection will be on the basis of fulfillment of the the Eligibility Requirements and merit within the priority fields for Papua New Guinea. Gender equity will also be considered.

PROCEDURES - Applicants should:

- Obtain application forms from the National Scholarship Office or alternatively from the Forum Secretariat website: www.forumsec.org.fj, or the Programme Implementation Officer.
- Submit the completed application form and supporting documents to the Office of Higher Education (OHE) and the Foreign Affairs Department for their endorsements before forwarding to the Forum Secretariat. These national authorities may have their own internal procedures to be followed.

CLOSING DATE: Applications must reach the Pacific Islands Forum Secretariat, Private Mail Bag, Suva, FIJI by 28 November, 2003.

ONLY Successful Applicants Will Be Notified

Direct Enquiries to: Programme Implementation Officer, Development and Economic Policy Division, Pacific Islands Forum Secretariat; Tel: (679) 3312 600 / 3220 333; Fax: (679) 330 5880; Email: scholarship@forumsec.org.fj

TAIWAN/ROC-PACIFIC ISLANDS FORUM SCHOLARSHIP APPLICATION FORM

Family/Last Name		Given names	
Postal Address		Other contact address: (telephone, fax, email)	
Country of Citizenship	Country of Residence (if different)	Female / Male	Date of Birth
Have you resided continuously for five years in your country of citizenship up to the time of this application? If not, state reason.	Have you accepted any other scholarships in the past two years?	Are you under any scholarship bonds to your government?	
Marital Status: Married <input type="checkbox"/> Single <input type="checkbox"/> Other (specify) <input type="checkbox"/>			
If in family relationship state the number of dependents:			
Name and Address of Institution offering the Programme of Study (Check the list of eligible institutions)		Field of Study (Check the priority fields for your country)	
		Under-graduate	Post-graduate
		Programme of Study (Qualification that will be attained)	
Have you been accepted into the Programme of Study? Yes / No		Attach offer letter from institution. State when you expect the institution to confirm your acceptance if you do not have an offer letter yet.	
Duration of the Study Programme - number of years under normal full time enrolment			
Education Profile - Attach certified copies of official results			
Name of Secondary School	Years	Qualification Achieved & grades	
Tertiary Institutes	Years	Qualification & Grades	
Employment Profile			
Present occupation	Years	Name of Employer and Address	
Any other employment			
References - Names and contact addresses (telephone/fax/email) of 3 people who can be contacted for references.			
1			
2			
3			
Declarations			
I have never been convicted of a criminal offence. This must be supported with a police clearance.			
I am in good health.			
I declare that all the information given in this application is accurate to the best of my knowledge.			Signature of Applicant
Date:			
Endorsements - by the Foreign Affairs and the National Scholarship Authority of the applicant's home country are required			
National Scholarship Authority		Foreign Affairs	
Name of Authorising Officer:		Name of Authorising Officer:	
Title:		Title:	
Date:		Date:	

Ol ripot long Nesenel Edukesen Reitings Konfrens wantaim Veronica Hatufasi

Ol skul i mas gat gutpela visen long wok gut ...Minista Laimo i tok

OL tisa na ol skul etministreta i kisim salens long ol i mas gat visen o gutpela piksa na lukluk long rot bilong skruim gut wok, gutpela menesmen, plening na hatwok na ol wok bilong edukesen insait long kantri bai go gut.

Salens i bin kam long Edukesen Minista Michael Laimo long opening bilong Nesenel Reitings Konfrens (NRC) i bin kamap long dispela Mande long Crowne Plaza hotel long Mosbi.

Mista Laimo i no bin kamap long opening na Nesenel Edukesen Seketeri Peter Baki i bin ritim pepa bilong Minista long makim maus bilong em.

Mista Laimo i tok kantri i sot long mani em i bikpela hevi na Edukesen Dipatmen i

kisim taim long em taim elementeri na apa sekenderi level i wok long gro hariap tru na i abrusim mak long mani bilong karimaut ol wok.

"Bikos gro i hariap stret long elementeri na apa sekenderi level we ol politiks i go insait long em i no stap insait long plen, hevi i kamap long sot long ol tisa na wok-lain, mani i sot na gavman i no inap long sapatim ol skul na dispela i kamapim hevi tu long stended o level bilong ol skul. Mekim na nau ol i mas slo o isi long noken kirapim moa nupela elementeri o sekenderi skul.

"Mekim na ol skul i mas prektisim self rilaiens o wokim ol samtign long pulim mani na sapatim ol yet.

"Olsem long olgeta level bilong skul, ol i

mas mekim moa long promotim self rilaiens, prektikel edukesen long ol sumatin i laikim ol laip skil o save we bai helpim ol long laip na sindaun na tu, skul kurikulum o ol progrem i mas gat ol asples samting ol sumatin i ken lainim long en.

"Long olgeta level bilong gavman olsem nesenel, provinsen na lokol gavman, mani hevi i kamap bihainim mani hevi we kantri i bungim na tu gro hariap bilong edukesen sistem aninit long nupela rifom o edukesen senis we i bin stat long 1993.

"Wantaim ol dispela salens, ol edukesen polisi bilong nau gavman i laik autim ol dispela hevi.

Na yupela ol tisa na edukesen etministreta husat i gat save long



• Sampela ol tisa na etministreta i go pas long dispela Nesenel Edukesen Reitings Konfren long las wik. Bikpela toktok i kamap long strongim edukesen long olgeta skul. Stat long elementeri inap i go apa sekenderi skul. Foto: JOE IVAHARIA

nesenel na provinsel dipatmen i gat wok long painim ol rot long ol salens ya," Mista Laimo i tok.

Em i tok i nogat ol isi ansa na i nogat sot kat tasol ol eduketa i mas karimaut gut wok, wokim gutpela plening, menesim gut ol wok na mani na i gat visen long futja bilong wok long edukesen.

Em bin tok long edukesen i wok gut long PNG aninit long stail bilong PNG yet, em i mas sut long kain envaironmen ol sumatin na pipel i stap long en, wok long bildim kantri na helpim ol pipel long dispela taim ol senis i

wok long kamap hariap.

Olsem na em i tok em i bikpela samting long komyuniti i go insait na

givim sapat i long kamapim balens divelopmen.

"Edukesen em i samt-

ing bilong olgeta long redim ol sumatin long laip ausait long klasrum," Mista Laimo i tok.



Ol Miss PNG Kwin long bihaintaim • Ol yanpela sumatin bilong Coronation lowa gret skul i mekim liklik charity wok na ol i makim ol olsem Miss PNG Skul. Foapela i win. Foto: PAULUS TALI

Salens long olgeta skul long kamap top na moa save skul

SALENS i go long olgeta skul na kolis insait long kantri long gat visen o strongpela tingting long gat ol gutpela plen long stiaim ol skul long neks yia na kamapim ol sotpela na gutpela Misin Stetmen.

Edukesen Minista Michael Laimo taim em i wokim dispela salens i bin tok wok long redim dispela Misin Stetmen i mas kam long wok bung bilong ol tisa, sumatin, ol papamama na komyuniti.

Em bin tok tu olsem strongpela tingting na eksen i mas kamap long menesim gut ol skul na ol provinsel edukesen opisa i mas strong long skul i gat gutpela kwaliti skul etministresen we i bihainim visen, Misin Stetmen na gol.

Mista Laimo i bin tok visen i mas gat insait long em ol samtign we bai kamapim "School of Excellence" we bai kamapim ol gutpela sumatin i gat gutpela pasin na tu wokim gut long akademik sait o ol mak long ol

sabjek. Em i tok skul i gat visen na ol gol bai i strongim luksave long futja bilong skul na mekim ol sumatin na ol tisa na komyuniti i surik long wok wantaim na karimaut ol wok we bai kamapim gut skul.

Mista Laimo i bin salensim ol tisa, eduketa, skul plena na inspekta na tok "Olsem ol plena na eduketa, yupela i mas gat visen long wanem samtign skul inap long kamapim na rot we skul. bai go hetim strong wok long en.

Na mi salensim i no yupela tasol ol lain i stap insait long konfrens long helpim na sapatim ol skul long kamapim visen na bai ol i kamp gutpela long 2004 na i go moa yet."

Em i tok sampela skul em ol komyuniti i lukim ol olsem ol i feil o lus na edukesen dipatmen i lukim ol olsem ol skul wantaim hevi bikos ol dispela skul i nogat visen o gutpela polisi long stiaim ol.

Em ol dispela skul i lusim ol risos, bagarapim ol samting long skul, bikhet pasin i go moa yet na planti tisa na sumatin i save lusim skul.

Mista Laimo i tok ol ripot bilong ol skul inspekta bilong ol i soim olsem enrolmen i go daun, planti tisa i trense aut na planti papamama i no peim skul fi bikos ol i nogat bilip long skul ya.

Mista Laimo i tok ol tisa i mas soim gutpela piksa long ol sumatin bilong ol bikos korap pasin na

pasin bilong paulim ol samtign na tu yusim ol samting bilong skul olsem samting bilong ol wan wan tisa yet i save pondaunim na bagarapim gutpela luksave bilong ol sumatin long ol tisa na skul i save pindaun.

Em i tok taim ol tisa i soim gutpela piksa long pasin na wok bilong ol, ol sumatin i save bihainim ol na kamap gutpela menesa ol yet tu.

Rausim skul subsidi

STRONGPELA toktok i kamap long Nesenel Gavman i mas rausim skul subsidi peimen o helpim em i save givim na larim skul fi tasol i stap.

Bikman bilong Edukesen long Sentrel provins Caspar Sarea i bin wokim dispela toktok long Nesenel Stendets Konfrens we i bin stat long Mande long Mosbi na bai pinis long tumora Fraide Novemba 7.

Em bin autim tingting bilong em long dispela samting taim moa long 150 skul inspekta, ol asisten seke-

teri, ol edukesen plena bilong ol skul long kantri i bung long wokim ripot bilong olgeta tisa insait long ol skul na i karamapim ol elementeri, praimer, sekonderi na vokesenel level.

Ripot we ol skul inspekta i mekim long ol wan wan skul em ol bai glasim gen na skelim ol sapos ol i kamap olsem ol ful na rejista tisa long ol wan wan level na tu long kisim promosen.

Samting olsem 3,720 tisa long olgeta level em ol i glasim ol ripot

Ol skul i mas kamapim ol projek long helpim ol yet

OL skul i kisim strongpela singaut long kamap "self reliant" o wokim samting bilong sapatim ol yet bikos kantri na gavman i bungim hevi long mani i sot.

Na dispela self reliance pasin i mas kan aninit long kurikulum wok plen na progrem bilong skul yet.

Ol dispela Nesenel Stendets Konfrens (NSC), moa long 150 ol bikman long edukesen husat i makim olgeta 19-pela provins long

PNG i bin paitim toktok long self reliance o wanem samting ol skul i ken mekim long sapatim ol yet.

Planti i bin wanbel long ol skul i mas go insait long ol liklik projek bilong sapatim ol yet, tasol olgeta ol samting ya i mas kam aninit long wok progrem na plen bilong skul yet. Long wankain taim tu, dispela ol projek i no ken stopim o pasim wok bilong ol tisa na sumatin long skul wok bilong ol.

Ol bikman i bin tok tru

dispela wok long ol skul i mekim ol samting long sapatim ol yet i stap pinis long planti skul, tasol ol i mas menesim na stiaim ol gut na noken larim ol i dai o kaikaim mani bilong ol.

Ol bin tok aninit long dispela ol projek long sapatim skul, ol sumatin bai lainim tu long strongim pesenel divelopmen na lukautim ol yet long bihain taim na tu long kamap ol gutpela menesa.

bilong ol.

Orait, Mista Sarea i tok taim nogat gavman skul subsidi fi i stap, ol skul i save stap na karimaut wok long ol skul fi we ol papamama i save baim. Na nogat hevi i save kamapim long em.

Mista Sarea i tok nau skul subsidi i kamap na stap, planti papamama i lukluk long dispela na ol i no save gat bikpela tingting long peim skul fi.

Em i tok long dispela taim, man i no inap long kisim ol samting fri.

Na em i tok em i wanbel long ol skul i mas kirapim ol self reliance projek we i mas kisim sapat.

"Sapat i mas kamap long ol self reliance projek insait long neks faiv na sevenpela yia. Bikos long hatpela taim we sot long mani i kamapim long gavman na kantri, ol skul i mas gat ol self reliance projek na gupela sapat long dispela i mas kamap. Dispela ol projek i stap pinis long skul we i mas kam aninit long skul kurikulum o progrem," Mista Sarea i tok.

WANTOK KOMENTRI

PNG mas stopim ol ronawe lain

AUSTRALIA i wok long tubel nau olsem Papua Niugini bai kamap isi long ol lain bilong ovasis i ken ronawe i kam stap na painim isi rot long go daun long Australia. Planti lain long ol kantri olsem long Esia na Midel Is we kantri bilong ol i gat woa o sindaun i no gutpela i save laik ronawe lusim kantri bilong ol na go painim narapela kantri long stap gut long en. Planti i save laik go long Australia.

Planti ripot i kamap pinis long planti lain long Esia na Midel Is i save ronawe i kam olsem long Indonesia na sampela lain i save hait na mekim bisnis long dispela pasin we ol i save stretim ol pepa na putim ol long sip na salim ol hait i go long Australia. Sampela lain em Australia i bin salim ol i go stap long Lombrum kem long Manus.

Tude Australia i ting PNG bai kamap isi hap bilong ol kain lain olsem bai ronawe i kam stap na bihain painim rot bilong go daun long Australia.

Olsem na long dispela as ol plisman bilong Australia i kamap pinis long Lae siti long holim wanpela strongpela trening kos wantaim ol plisman bilong Papua Niugini long skulim ol long luksave na wok insait long stapim dispela kain hevi we inap kamap bihain.

Ol arapela kantri i ken ting PNG inap opim rot bilong ol ronawe lain olsem long kam em bikos long polisi bilong gavman tude long lukluk igo long Not. Gavman bilong PNG tude i laik wok poroman wantaim ol kantri long Esia olsem Saina, Taiwan, Malaysia na arapela moa long kisim o pulim moa bisnis wok i kam long kantri.

Wanpela rot em sapos wantok i kam, moa wantok bai i kam. Olsem na rot bilong skelim gut na tok yesa long ol lain i gat wok tru long kam mekim na tok nogat long ol lain i laik hait nating na i kam i mas kamap strong.

Dispela rot i mas strong tu bikos sapos ol lain i hait i kam olsem, ol inap kam na stap olgeta na mekim kainkain liklik wok bisnis we i ken pasim spes bilong ol PNG yet na tu ol inap mekim ol kain wok we ol PNG yet bai mekim olsem stua kipa, draiva, wok long mes, ol kuskus bilong opis na arapela moa.

Olsem na PNG i mas sanap strong tu long dispela wok Australia i laik strongim long stapim kain hevi olsem long i noken kamap bihain taim. Australia i tingting long sait bilong em na mekim long stapim ol ausait lain i noken go nabaut long kantri bilong em.

PNG tu i taitim rot tu long ol ausait lain i noken kam insait nating. Nogut ol bai givim hevi long PNG long bihain taim.



MBA kago i mekim tru o giaman

Dia Edita,

Mi laik autim liklik wari bilong mi long hamas tru MBA kago i save sasim ol manmeri taim ol laik salim ol liklik kago bilong ol i go.

Orait nau mi laik mekim liklik stori bilong mi yet taim mi karim wanpela 10kg rais i go long MBA kago long salim i go long Daru. Daru i nogat rais long olgeta stua long hap na tambu man i ringim mi long salim tupela 10kg rais i go long em.

Nau mi bin go baim wanpela

10kg rais long K22 na karim i go long MBA kago long salim i go long Daru. Mi karim K30 wantaim long wanem mi save bai i gat kago fi long peim.

Taim mi givim dispela liklik 10kg rais long ol kago boi ol i skelim pinis na tokim mi olsem prais bilong dispela liklik rais em i K75 olgeta.

Man, mi kirap nogut olgeta na askim bilong wanem na liklik rais beg tasol na kago prais bilong em K75? Ol i kirap na tokim mi olsem i gat kago fi long K25 na sapos yu skelim

wantaim 4.50 long 1kg x 10kg em K40 + K25 em K70 olgeta.

Mi no save wai na ol sasim mi K75 olgeta na narapela ekstra K5 em ol i putim long wanem samting tru? Ating ol i giaman tru. Dispela kago boi i laik konim mi na kisim ekstra win moni long mi bikos em i Fraide.

Taim mi lukim wanpela sain o notis ol i putim klostu long dua i tok; *Effective of November 8 K25 cargo fee will be charged to all cargoes.*

(Long Novemba 8 bai mipela i sasim K25 kago fi long olgeta kago).

Nau mi bin askim olsem dispela mun em i Oktoba yet na wai na yupela i sasim kago fi long mi?

Ol i kirap na mekim wanpela kon toktok olsem dispela notis mi lukim em bilong las yia yet (2002).

Man, em nambatu taim mi kirap nogut long harim dispela kain toktok bilong ol.

Mi tanim tasol kisim dispela liklik rais beg na wokabaut i go ausait.

Plis moabeta gavman i mas sekim ol dispela sas bilong MBA.

Ol i ting mipela ol bisnis man na ol i ken sasim mipela wansait.

Na tu ol i save stil tu long kago eria bilong ol. Planti manmeri i komplem olsem kago bilong ol i no save go kamap long ples ol i laik long em.

Tenkiu, yu laik bekim, em yu yet nau.

Bekim long *Wantok Niuspepa* na mi skelim.

Jada Wilson Mosbi

Esian kampani i paulim yumi ol Papua Niugini

Dia Edita

Komplem bilong mi igo olsem. Gavman inap lukluk long ol dispela kain Esian kampani we i wok long paulim ol manmeri long PNG. Ol i lain bilong gridi long mani na tu sampela kampani ino save pinis long taim. Tasol ol i save kisim liklik mani long fotnait. Na tu ol i no save gat lans. Dispela em wanem kain pasin ya. Em i no gutpela tumas. Gavman i mas lukluk gut long dispela rabis pasin bilong mani pes lain ya.

Hia long Madang, nau mi

wok long lukim na harim dispela kain pasin i wok long kamap. Las toktok bilong mi em mi laik sapotim toktok bilong John Hickey, we em i bin mekim long RD Tuna dispela em i tru. Wok we yumi ol PNG yet i ken wokim tasol nogat, ol Kororia i stap pinis long olgeta liklik wok. Olsem tru kantri bilong ol na ol wok long paulim yumi stap.

Husat yu laik sapotim o egensim em ol welkam tasol.

Amos Pando Madang

Tano Wati em rong

Dia Edita

Mi laik sapotim tok bilong Hosea Raabson bilong Wewak long de namba 9, 2003 long mun Oktoba.

Na mi laik tokim Tano Wati bilong Mt Hagen olsem em i mas tromoi tok stret na noken konarim tumas toktok bilong em.

Em i mas tok klia olsem Sande em de namba wan na ino namba seven de bikos mipela olgeta i save olsem Sarere em namba Seven de. Sapos yu bin go long skul

pinis, hau na yu no save long kauntim ol de bilong wik.

Sapos yu no go, em olsem sapos yu edim o rausim tok bilong God em yu sin ya. Sapos yu laik raitim kain samting olsem na yu save em rong, noken raitim bikos tok bilong God i no samting bilong kros.

Na wanpela samting tu em olsem God i givim yumi choice long makim long lotu wanpela bilong dispela tupela de.

Dekay Pange Wewak, ESP

Dia Edita

Wantok Niuspepa P.O. Box 1982, Boroko NCD - Phone: 325 2500 Fax: 325 2579 Email: word@global.net.pg

Traim na lusim sanguma pasim long Telefomin Oksapmin distrik

Dia Edita

Dispela pas igo long ol pipol bilong Telefomin na Oksapmin olsem yupela mas harim gut na stopim sanguma pasin. Blak na wait man sanguma pasin i kamap bikpela tumas long Eliptamin, Telefomin na Oksapmin. Dispela sanguma pasin tasol pinisim planti saveman insait long distrik.

Plis mi laik autim dispela bikpela toktok long pasin sanguma long Telefomin/Oksapmin ino stret tumas. Bikos ol planti saveman long distrik idai long sanguma rot tasol. Traim na yupela lusim ol saveman na ino ken kilim ol saveman long sanguma pasin moa. Ol pipol bilong Telefomin/Oksapmin i mas harim gut. Mi laik askim olsem watpo yupela bagarapim Kepten Elit lng pasin bilong sanguma?

Mi laik askim yupela olsem wai na yupela bagarapim dispela kain saveman long kantri ya. Yupela mas save olsem Kepten Elit em i wanpela top kepten long dispela kantri. Na tu save em bin kisim long en em i topim save

bilong en long Sauten rijon. Stat long Indonesia na igo olgeta long Saut Amerika na tu Gavman bilong Amerika i kisim em pinis woa balus kepten long flaim woa balus long Amerika. Tasol em kres na dai long las yia.

Dispela kepten yupela Oksapmin/Telefomin yet kilim em long rot bilong sanguma. Sapos nogat em bai flaim PNG fleg long Amerika taim em i flaim woa balus bilong Amerika ya na tu long kantri. Husat mangi laik kisim dispela kain save, em bai yumi kisim taim inap long 30 to 40 yias taim.

Bikos save bilong kepten Elit ya Gavman bilong olgeta bikpela kantri long wol isave long en. Save bilong Kepten Elit i topim long Sauten rijon.

Long pinisim toktok, plis ol sanguma pipol bilong Telefomin na Oksapmin yupela inogat het long bagarapim ol saveman long kisim senis i kam long distrik bilong yumi. Em tasol na God blesim yumi olgeta.

Apipmon Apieyan Oksapmin

WANTOK

Publishing Weekly, Wednesday, for Word Publishing Company Ltd. P.O. BOX 1982, BOROKO, NCD PAPUA NEW GUINEA

TELIPON: 325 2500

FEKS: 325 2579

EMAIL: word@global.net.pg

PE BILONG WANPELA YIA 52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager: Jeremy Burgess

Editor of Wantok: Yakam Kelo

Printed and Published by Jeremy Burgess, at Allotment 2, Section 209, Spring Garden Road (Poreporena Highway), Hohola for Word Publishing Co. Ltd.



Viles kot mejistret ino karim aut gut wok

Dia Edita

Mi wanpela mangi long ples Tinboli insait long Angoram distrik, Wewak, ESP. Mi laik autim belhevi bilong mi long magistret na ol klak bilong Angoram taun viles kot eria insait long Angoram taun viles kot. I

no moa karim aut gut lo na oda bikos saitwok na wantok sistem pasin i wok long kamap bikpela

tru. Maski man i brukim lo, na kot i painim em olsem em i rong, em i ken go fri.

Bikos trabel man i pasim maus bilong ol pinis long 10 toea buai, wanpela hap brus, wanpela hap suga kein, na wanpela K20 o K10 antap long ol dispela samting.

Em pinis, em sistem. Na mejistret wanpela man we em i stap insait long dispela sistem na

i save sasim nating man we i save kama olsem komplainent long stretim wari bilong em.

Dispela kain pasin bilong yupela ol klak na magistret, bilong Angoram taun viles kot ino stret tumas, bikos yupela i save bagarapim bel na tingting bilong ol man husat i save igo long kisim helpim long sait bilong lo.

Lo em i namel man, na yu

husat i holim lo, na lukautim lo, yu noken igo insait wantaim sistem gen. Dispela kain pasin we i wok long kamap long Angoram taun viles kot eria, i wok long bagarapim planti manmeri, long kisim helpim long sait bilong lo na tu bikhet pasin i wok long kamap bikpela moa.

Em tasol belhevi bilong mi. Mi yet, mi pikinini Angoram, mi stap

bipo, mi stap nau.

Dispela pasin iwok long kamap long ai bilong mi. Na mi rait long Wantok, long kisim sampela moa sapat na stopim ol dispela pasin. Na yu husat i laik agensim, welkam.

Kumbui Ava
Kasimin No. 2, ESP

Mi sapatim toktok bilong Praim minista

Dia Edita

Mi laik sapatim tasol toktok bilong Praim Minista Sir Michael Somare olsem bikpela kampani bilong Papua Niugini na Austrelia em ol yet Austrelia i bos long olgeta kampani.

Na ol yet i ronim na stap long bikpela bikpela posisen.

Na taim Gavman bilong Australia i fandim mani kam insait long dispela ol kampani em mani save go bek long ol yet.

Dispela tok bilong Praim Minista em i tru na tru. Mi no bikpela man.

Mi wanpela liklik mangi tasol long skelim bilong mi, dispela ol toktok em i tru.

Mi harim long nius na mi sapatim dispela ol toktok.

Amos Pando
Madang

Sief i raun long Abau



• Praim Minista Michael Somare i sekhan wantaim ol asples bilong Abau viles long Sentral provins. Ol i go sapatim olupela memba bilong Abau Dr. Puka Temu husat i resis gen long Bai Ileksen long las mun. POTO: JOE IVAHARIA

Noken bagarapim nem bilong Haniyak viles long Post Courier niuspepa

Dia Edita

Mi laik bekim pas bilong wanpela boi Kofaik o mangi long ples Haniyak, Is Sepik husait istap long Mt Hagen na i bin rait long *Post Courier niuspepa* long 13/10/2003 na bagarapim nem bilong ples na kaunsila blong ples long wai na nogat developmen long 20 yias.

Long tingting bilong mi, ino gutpela long toktok nating long ol niuspepa tasol i moa gutpela long

kam long ples na wokim sampela wok gaden na planim vanilla na noken westim taim long Hagen.

Mi sem liklik long lukim nem bilong Haniyak ples istap long niuspepa na mi wari liklik. Plis noken raitim nem bilong ples na tok bilas.

John Kriosaki
Wewak, ESP

Meri i kamap man na man bai pasim malo

Dia Edita

Mi laik sapatim toktok bilong brata bilong mi Jerry Urari, husat i bilong Madang, tasol nau em istap long Oil Pam Blok long Popondetta, Oro provins.

Komplein bilong em i bin kamap long *Wantok niuspepa* bilong Oktoba 2-8, 2003. Pasin bilong werim 6 poket, na ol narapela bilas bilong ol man i wok long paulim mipela ol man.

Werim bilas bilong yupela ol meri stret. Mipela ol man bai sem long werim siket na kolos bilong yupela ol meri.

Mi askim yupela ol meri, yupela save sem tu long werim 6-poket wantaim kola T-Shirt o nogat.

Wanpela tok mi laik mekim em i olsem, taim yu tingting long werim dispela 6-poket wantaim kola T-shirt, yu mas tingting gut pastaim. Okei taim yu werim pinis, yu tingting long movim yu yet ausait long strit. Orait yu go bek long rum na lukim yu yet long bikpela glas pas-

taim.

Em gutpela o em i nogut. Harim gut, yupela ol meri i wok long mekim olsem, em sem yah.

Taim mama karim yu, em lukautim yu na yu kamap bikpela meri.

Bihain em i stori long yu, long ol pasin bilong ples olsem, tumbuna stori, na ol pasin kastom.

Na yu save lukim tu ol pasin kalsa we papa tumbuna i save soim long ples bilong yu wanwan. Bihain long dispela, yu go ausait long taun na siti, yu no moa tingting long pasin bilong ples.

Bikos yu bihainim tasol long kamap kain meri olsem long taun na siti. Na igo bek long kamap bilong yu long ples em narapela kain.

Olsem na stopim yupela yet. Em tasol komplein bilong mi. Yu laik agensim o sapatim, welkam tasol.

Henry Ganja
Indikum ples, ESP

Wantok sistem i pulap long OTML PAD

Dia Edita

Mi wanpela mangi Telefomin long Sandaun provins. Nau mi stap long Tabubil long Westen provins.

Mi laik autim liklik belhevi bilong mi wei mi save lukim ino stret tumas.

Telefomin Distrik (Min eria) em i kam aninit long Prepared Area (PA) long Ok Tedi Mining Ltd.

Ok Tedi aninit long Prepared Area Development ol save putim advetismen bilong training na sponsasip long go long teknikal skul bilong ol PA tasol.

Plantu taim ol mangi yet long Min

Areas igat gutpela skul mak tasol ol Seleksen komiti o kodineitas i save mekim klia wantok sistem long ol lain bilong ol yet na husat i ausait tru long Prepared Area.

Mipela ol mangi Min lukim ino stret. Plantu ol mangi Min istap nating nau nogat training wei Ok Tedi wok long kisim ol ausait lain.

Klostu bai main i pas na nogat wanpela gutpela training bilong ol

Prepared Area stret.

Ol lain ausait bai kisim save o training na go taim main i pinis. Traim na lukluk long dispela hevi nau yet.

Em tasol, husat i laik sapat o agensim em yu ken rait tasol long *Wantok*.

Tru Min
Tabubil, Western provins

OL PAS

Dia Edita

Wantok Niuspepa
P.O. Box 1982, Boroko, NCD.
PH: 325 2500
FAX: 325 2678

Email: eddi@global.net.pg

Sekyuriti rausim ol manmeri long pablik toilet

Dia Edita

Olsem wanem tru mi save lukim ol taun atoriti i save rausim ol man long taun long Kimbe.

Taim ol man i laik igo toilet long Garapa ol securiti bai bihainim ol igo insait long Garapa na sasim ol man na meri.

Dispela hevi long toilet em rong ino stap long ol pipel nogat em rong istap long yupela yet ol taun atoriti bikos Kimbe taun inogat pablik toilet.

Ol pipel i hat long painim ples bilong toilet na sapos pablik toilet i stap long taun em orait yupela ol sekuriti i gat rait long arestim ol

manmeri long ol bus nambaut. Na mi save lukim ol man i save arestim ol manmeri long pipia na ol i kisim dispela mani ol i save baim kaikai long dispela mani na ol isave kaikai long em.

Mi laik save long dispela lo na oda em bilong husat tru. Husat i putim dispela lo tru em lo bilong taun atoriti o em lo na oda em bilong husat tru na lo bilong taun atoriti em olsem ol sekuriti.

Olgeta moning ol igo long ofis bilong taun atoriti ol i kisim ol pepa bilong arestim ol man na meri na kisim kalenda tu em de bilong mun em i stap long em na ol i karim ol dispela pepa na ol i sanap long

olgeta kona long taun na lukluk long ol manmeri long husat i tromoi pipia.

Na taim ol man i tromoi pipia orait yu holim ol na sasim ol na tokim ol olsem yu karim dispela pepa wantaim mani igo stret long ofis bilong taun atoriti na yu baim dispela trabel bilong yu.

Ol pipol i noken baim nating long ol sekuriti em tambu tru ol sekuriti i save kaikai mani bilong ol pipel bikos ol i raun nating long taun i nogat mani.

Jonny Takem
Kimbe, WNB

Lo na oda i mas strong long kantri

Dia Edita

Long lukluk bilong yumi long kantri tude planti bikhet pasin olsem raskol na kriminel i wok long kamap strong long kantri long olgeta hap long provins, inogat moa rispek long lo na oda.

Dispela ol hevi i kamap em bikos igat as long en. Yumi wok long komplein long hevi, tasol populesen i wok long go bikpela tru olgeta taim.

Namba wan, ol papa i wok long kamapim planti pikinini, sampela long ol i nogat inap kaikai, klos, nogat mani bilong baim skul fi.

Namba tu, pikinini man igo raun nambaut na i givim bel, o pasin pamuk wantaim ol meri, na karim pikinini i nogat papa.

Namba tri, pikinini meri i no

marit stret. Ol i bikhet nambaut i karim 2-pela o 3-pela pikinini i nogat papa.

Dispela pasin i wok long kamap olgeta taim olsem na hevi wok long kamap bikpela.

Gavman i mas gat we bilong mekim save long ol bikhet lain. No ken givim sans.

Ol i go kalabus o laif yia kalabus o narapela kain mekim save, rausim tupela kiau bilong ai o katim lek na han bai ol i no ken raun na mekim rong gen.

Mekim samting (action) bai ol i lukim na bai ol i pret. Sapos nogat, kantri bilong yumi bai bagarap.

Luke Gorea
Kimbe, WNB

courts we got **everything** for **everyone**

DEPOSIT



DEPOSIT K1.00 Tassel for All Products Advertised.

SAVE K600



FORTNIGHTLY
K58
REGULAR WAS CASH SALE ONLY
K1,599 K1,999 **K1,399**

PHILIPS VR730/55 VCR

SAVE K100



FORTNIGHTLY
K66
REGULAR WAS CASH SALE ONLY
K1,839 K1,699 **K1,599**

SONY KV-PG14M40 14" COLOUR TV

SAVE K660



FORTNIGHTLY
K68
REGULAR WAS CASH SALE ONLY
K1,839 K2,259 **K1,599**

TOSHIBA 21N3XE/XM 21" COLOUR TV


SAVE K1,004



FORTNIGHTLY
K76
REGULAR WAS CASH SALE ONLY
K2,065 K2,799 **K1,795**

PHILIPS FWV520 MINI HI-FI SYSTEM

SAVE K500



FORTNIGHTLY
K102
REGULAR WAS CASH SALE ONLY
K2,879 K2,999 **K2,499**

PANASONIC SCVK550 HI-SYSTEM

SAVE K700



FORTNIGHTLY
K113
REGULAR WAS CASH SALE ONLY
K3,219 K3,499 **K2,799**

SONY MHC-RV6 HI-FI SYSTEM

JUST SPEND K501 - K1,500

JUST SPEND K1,501 - K3,000




*Our Prices in this press advertisement are subject to change at any one time without notice. The Products shown in this press advertisement were available at the time of press printing. Not all these are available in all branches.



PNG's FAVOURITE FURNITURE AND ELECTRICAL SUPERSTORES

BOROKO Ph: 323 6802	TOWN Ph: 321 2143	GORDONS Ph: 302 5808	GOROKA Ph: 732 2033	LAE Ph: 472 4800	MADANG Ph: 852 3711	HAGEN Ph: 542 140
-------------------------------	-----------------------------	--------------------------------	-------------------------------	----------------------------	-------------------------------	-----------------------------



Resis bilong mausgras:

Nevada USA

Gerhard Knapp bilong Pforzheim long Germani long Wol Maus Gras Sempionsip long Carson Siti, Nevada long U.S.A las Sarere.

Long dispela resis, husat i gat stail mausgras tru bai win.

Knapp i winim gren wol sempionsip tupela taim pinis. Taim tasol bai tok sapos em i ken win gen.



Pasin pamuk bai no inap brukim lo

Bangkok, Thailand:

THAILAND i wok long lukluk long kamapim lo we i tok orait long pasin pamuk long kamap long kantri.

Tasol papa bilong ol klap na ol pamuk manmeri i tok olsem dispela

i no inap senisim wanpela samting na gavman i laik kisim mani tasol i kam long dispela indastri.

Jastis Ministri bai holim wanpela bung long dispela mun long painimaut sapos gavman i ken mekim dispela lo i kamap o nogat.

King Kobra em abus tru

Hong Kong:

Dispela poto i soim Tam Ying-chin, husat i save wok insait long wanpela haus kaikai we ol i save kukim sinek.

Nau abus tru em King Kobra, planti manmeri i save go long haus kaikai bilong em long kaikaim dispela sinek.



Laitning kilim 7-pela

Manilla, Filipins:

7-pela pipel i dai las Sande taim laitning i paitim ol. Long dispela taim ol i wok long raun long lukim ol matmat bilong ol famili-bilong ol husat i dai pinis.

Ol pipel i stap klostu taim dispela birua i kamap i kisim ol i go long haus sik tasol i bin leit pinis.

Tingim sapos yu go raun long matmat long taim bilong ren, lukaut, yu bagarapim silip bilong ol indai man. Ol i ken kros na salim laitning i kam na kilim yu.

Meri bilong olupela praim minista bilong Australia Bob Hawke i gat sik

Sydney, Australia:

MERI bilong bipo praim minista bilong Australia, Bob Hawke, Hazel Hawke, i tokaut olsem em i gat sik ol i kolim alzheimers we i save mekim tingting bilong man i lus o sot na tu bagarapim ol samting bodi i ken mekim.

Misis Hawke, husat i gat 74 krismas, i bilip olsem sapos em i tokaut long pablik long dispela sik bai i gat sampela helpim long putim mani go insait long wok painimaut long dispela sik.

Tru tru PNG kar...

DISPELA kar em i wampela kar we i soim stret kala bilong Papua Niugini. Em i kar bilong Simon Goh (raithan), menesa bilong Active Enjiniaring, wampela bisnis we ol i save stretim ol kar na salim ol spe pats bilong kar.

Simon i save gut tru long stretim ol kar. Em i tok dispela kar i bin stap long embesi bilong wampela arapela kantri insait long Pot Mosbi na ol i bin salim long wampela man Saina. Bihain dispela man i salim gen na Active Enjiniaring i kisim. Taim em i kisim dispela Volkswagon, wampela olupela kar bilong Germany, em wantaim ol wokman bilong em i stretim na penim kala bilong PNG fleg antap long en.

Mista Goh em i stap na wok insait long PNG inap long 22 yia, na em i save amamas taim em i draivim dispela kar raun na ol manmeri long rot i save amamas taim ol i save lukim dispela PNG fleg kar.

Man sanap long lephan em wokman bilong Active Enjiniaring, Benny Ademe.

Poto: WILLIAM NATERA



igat nambawan pawa

igat nambawan prais

i nambawan olgeta



Go na lubta rau long PNG Motors

HYUNDAI HILUX



PNG MOTORS

WE ARE PNG PEOPLE

- PORT MORESBY 325 5788
- LAE 472 4733
- GOROKA 732 2821
- MT HAGEN 542 2100
- KOKOPO 982 8514




FOR THE BEST

USED VEHICLE DEALS WHO DO YOU CALL

Tasol

4WD / 2WD LITES & WAGONS



FROM **K39,000**
NISSAN NARDARA
Single Cab Diesel 4WD
3 to choose from




FROM **K49,000**
NISSAN NARDARA D22
Double Cab 4x4, less than 4yrs old fully fitted, 4 to choose from



AS IS **K19,990**
NISSAN PATROL Y20
4x4

READY TO WORK COMMERCIALS AT THE RIGHT PRICE!



K19,950
TOYOTA HILUX
2WD Double Cab Diesel Engine as traded

HURRY IN WHILE STOCKS LAST

SEDANS ★ SEDANS



NISSAN SUNNY
K28,990
Manual Transmission, Silver



TOYOTA CAMRY
K17,000
White, Manual petrol engine



K6,900
MITSUBISHI TENDER SALE
AS IS



NISSAN SUNNY
K19,995
Sporty Sedan Fully optioned



NISSAN CEDRIC
K19,545
Sporty Sedan Fully optioned




TOYOTA COROLLA
K28,990
Manual Transmission, Blue



TOYOTA COROLLA
K32,000
Automatic



NISSAN NV2000
K68,000
4 ton 6000cc Diesel Engine Big Cargo Tray



NISSAN NV2000
K64,000
65 Seater 3 to choose from



NISSAN NV2000
K79,000
8 ton capacity Diesel engine



NISSAN NV2000
K58,000
Diesel engine



NISSAN FORKLIFT
K39,990
2.5 ton Diesel engine

*Photos for illustration purposes only.

Finance available to approved purchasers.

Port Moresby: 325 5255 Email: info@borokomotors.com.pg

Boroko Motors. Hap bilong painim ol rait kar na trak



• Boroko Motors Used Car Sales Reps. L-R Fiddy Wane, Ray Gairo, Peter Cossan na Patrick Tore. Ol hap lain long salim kar. Sapos yu laikim wanpela gutpela sekenhan kar, go lukim ol. Foto: JOE IVAHARIA

PLANTI kainkain kar liklik i go long bikpela ol i kolim; light commercials, buses, delivery vans, fourwheel drives, light & heavy trucks long PNG, go long Boroko Motors long kona bilong Cameron Road na Waigani Drive, Port Moresby na Milfordhaven

Road long Lae.

Go insait long ol dispela hap na yu ken painim wanpela stail kar we i stret long laik na tingting bilong yu, o bisnis bilong yu. Sedans, Nissan range, Sunny na Cefiro.

Ol lain husat i save laikim Mitsubishi model yu ken makim long Lancer, Galant o ol nupela Magna.

Long sait bilong ol bisnis o bikman, yu ken lukluk long Mercedes Benz we i ken stret long laik bilong yu.

Mipela i ken givim tu tripela kain kar. Nissan range bilong ol liklik bisnis wok, mipela i ken givim Nissan Navara we i ken 2 wheel drive, 4 wheel drive, single cab, double cab o Nissan Patrol ute.

Long sait bilong Isuzu Utility. Yu ken mekim long 2 wheel drive, 4 wheel

drive, single cab double cab o space cab.

Mitsubishi L200 ute i stap redi tu long 2 wheel drive, 4 wheel drive,

single cab na double cab.

Gutpela long ol skul na staf trenspot em ol dispela bas olsem

11 seater Nissan Vanette, 15 seater Nissan Urvan, na 12 seater

Mitsubishi L300. Mipela i gat ol bikpela 25 seater Mitsubishi Rosa, we planti Papua Niugini i save ronim olsem PMV.

Sapos yu laik karim ol kago i go long ol opis o haus, yu ken lukluk long ol

vans. I gat ol Nissan Vanette panel vans, Nissan Urvan vans, Mitsubishi L300 Vans, na ol Mercedes vans we i ken karim ol liklik kago olsem bilong opis na ol haus.

Long ol kantri sait na maunten sait hap yu

ken train 4 wheel drives olsem Nissan X

Trail, Pathfinder, na Patrol bai kisim yu i go long hap yu laik i go long en stret.

Na tu i gat ol Mitsubishi Pajero IO, Outlander, Pajero Challenger, na

Pajero Wagon long ol lain husat i laikim naispela stail raun. Sapos yu laikim narapela model, orait Isuzu Trooper tu i stap sambai.

Boroko Motors Port Moresby na Lae i gat ol kainkain bikpela trak bilong kainkain bisnis wok.

Maski yu liklik praivet kontrakta o long logging indastri, Boroko Motors i gat ol dispela trak bilong mekim wok bilong yu i kamap gut.

I stap nau em Isuzu, Nissan Diesel, Mitsubishi na Mercedes Benz trucks.

Ol Isuzu trak i stap long 2.5 tonne tippers go long 45 tonne prime

movers taim Nissan diesel i stap long 6 tonne na igo antap long ol spesol wok olsem

logging. Ol Mitsubishi trak i stap long 2.5 tonne tippers i go long 4 tonne trak gutpela long ol rurel PMV taim Mercedes Benz

prime movers i kam long nupela na rikondisen wantaim tu ol trak bilong ol wok logging.

Long Boroko Motors, yu no inap kisim tasol kar yu laikim tasol. Yu bai kisim tuol nupela pats na gutpela kastoma sevis.


Wantaim bikpela nupela mali milion kina investmen long nupela Lae Sevis Senta na

nupela Panel shop we olgeta nupela samting i stap, dispela i mekim Boroko Motors

em rait kar dila insait long kantri.

Boroko Motors i givim yu ol kainkain stail nupela ka na gutpela sels

sspot insait long Papua Niugini. Long save gut moa long ol automotiv bisnis, plis ringim brens bilong mipela, o salim e-mail long info@borokomotors.com.pg



Stori bilong wokmeri

Nem: Rose Angeli

Adres: C/- P.O Box 8799, Boroko

Marit - 5-pela pikinini

Wok nau: Boroko Motors - 10-pela mun

Fainens Eksperiens: 18 krismas

Olpele Fainens Kampani: Nambawan Finance Limited, 17 krismas 6-pela mun (PNGBC/BSP)

Wok em holim long Nambawan Finance:

Lending Assistant / Lending Officer/Senior Lending Officer/ Lending Supervisor/ Credit Officer/ Senior Credit Officer.

Ol rekot bilong wok:

Wok helpim long Boroko Motors long 1997 inap tripela mun na opening bilong dispela opis bhainim save na tingting bilong Kevin Eckersly na Gerald Castell. Em i bin las Jenerel Menesa bilong Nambawan Finance.

Long Boroko Motors ol kastomas bilong mipela i save gat dispela stua bilong mekim sopong. Mipela i save givim:

- Kar long laik bilong yu yet.
- Ol rot bilong yu stretim mani bilong peim kar bilong yu.
- Ol rot bilong stretim gut ol insurens.

Yu ken kam insait tude na draivim wanpela kar long laik bilong yu yet long neks de.

ATTENTION

Stocks are running low and time is running out

Check out the FREE ACCESSORIES on selected models as we celebrate 40 years in the South Pacific

OFFER MUST END NOV 15TH 2003



TOYOTA Ela Motors

OFFER MUST END NOV 15TH 2003

www.toyota.tsusho.com • www.elamotors.com.pg

Lukautim gut ol pikinini bilong yumi

Kiwuram Kanako i raitim

WANPELA liklik pikinini i krai long biknait. Tasol, mama bilong em ino stap wantaim em. Mama i go stap we tru? Ating em igo long bus! Nogut em i go pilai laki? Nogut em i go painim papa! Yumi no save mama hia i go we tru.

Liklik pikinini i krai bikos hangre i kilim em. Mama i no bin givim em gut kaikai long apinun. Ating mama hia i no wari long pikinini. Em i tingting long em yet na arapela samting long laip.

Tasol yumi olgeta manmeri i mas save olsem yumi gat bikpela wok long lukautim gut ol pikinini bilong yumi. Yumi mas givim gutpela kaikai, givim gutpela stia tingting na toktok, mekimsave long ol sapos ol i krangi na asua liklik, painim gutpela bilas na klos bilong ol na was long ol taim ol i sik na taim hevi i bungim ol.

PNG i stap memba bilong Yunaitet Nesens (UN) olsem na em i mas luksave long ol kainkain lo we i sut i go long was na lukaut bilong ol pikinini. Ol dispela kainkain lo i stap long banisim ol pikinini bilong yumi, we yumi ol bikpela manmeri i mas luksave na wok long strongim ol dispela lo. Yumi ol bikpela manmeri i mas banisim ol pikinini long ol kainkain birua na pasin nogut we i wok long bagarapim ol pikinini long arapela hap bilong ples graun.

Olsem long ol kantri long Latin Amerika (Latin America) na Esia (Asia), we ol pikinini i wok long fektori we ol i wok nating tasol. Planti bilong ol pikinini husat i wok long ol fektori i yangpela tumas long wok insait long ol fektori.

Planti bilong ol dispela pikinini i stap kalabus pikinini bilong ol bikpela mani manmeri. Ol i save stat wok long 6 kilok long



• Mipela mas skulim ol pikinini long ol gutpela pasin na ol bai i gat gutpela sindaun long bihain taim. Ol dispela yangpela em ol lain bilong ples Kuru long Karkar ailan long Madang provins. Foto: KIWURAM KANAKO

long askim long kisim moni . . ." Yes, em tru olsem ol i no save kisim potnait pe. Tasol, ol i save gat kaikai na ples bilong slip. Ol i stap

Meksiko, em long taun ol i kolim long El Paso, planti yangpela pikinini bilong Meksiko i stap wok kalabus long ol fektori we ol i save wokim kamap ol samting olsem su na sandal (footwear), ol kainkain trausis na siot wantaim ol samting bilong pilai (toys).

Ol dispela bisnis manmeri (papamama bilong ol dispela fektori) i brukim olgeta lo bilong wok (labour laws) na ol arapela lo we i banisim ol pikinini. Ol dispela pesmoni i save olsem ol pikinini i no inap long askim long kisim potnait pe na ol i no inap long kros long wok sapos ol i wok long moning igo inap avinun.

Tru tumas, ol mani manmeri hia i bagarapim ol pikinini bikos winmoni (profits) i stap olsem nambawan samting long laip bilong ol. Ol pikinini i stap samting nating bilong yusim long mekim mani na biknem.

Traim tingim gut, nogut dispela Nike su yu wok long karamapim lek bilong yu, em i kamap long han bilong wanpela liklik pikinini meri we krismas bilong em i 6-pela yia na em bilong ples Saipan, long wansolwara bilong yumi.

Ol bikpela lo i tambuim tru ol pikinini husat i gat krismas aninit long 18-pela yia long mekim ol wok long fektori na ol arapela wok olsem long plantasin o strongpela wok we ol pikinini i no inap long wokim.

Ol i kolim dispela kain pasin bilong yusim ol pikinini long wok olsem - "Child labour" o ol pikinini i mekim wok bilong ol bikpela manmeri. Long kantri Myanmar (Burma) we ol ami i ronim gavman, ol i yusim ol yangpela pikinini long katim bus na maunten long wokim rot bilong ol tren (train).

Ol dispela yangpela pikinini i save digim na brukim graun wantaim ol kroba, pik na han bilong ol. Na tu i gat o' soldia i was long ol. Nogut, ol i laik ronowe long wokim rot. Planti bilong ol i save painim birua na sik taim ol i wok. Planti tu i save dai bikos dispela wok em i strongpela tumas na bodi bilong ol i no inap long mekim dispela kain ol wok.

Yumi long PNG i noken yusim ol pikinini bilong yumi long mekim ol dispela kain wok olsem.

Yumi mas bihainim gut ol lo we gavman i

sainim pinis na was gut na banisim ol pikinini bilong yumi.

Ol kantri olsem Myanmar, Philippines, Thailand, Bangladesh na ol arapela kantri long Esia, Latin Amerika na tu long Afrika i save bagarapim ol yangpela pikinini bilong ol bikos ol i gat strongpela tingting long yusim samting ol i tok olsem - "Child labour is free labour", olsem ol i no inap baim tuhat na hatwok bilong ol pikinini. Ol bai wokim wok nating.

Yumi noken kisim krangki tingting na tok olsem, nogat yumi save yusim ol pikinini long mekim ol kainkain wok long ol ples bilong yumi! Long ples, taim mi stap liklik pikinini yet, mi wantaim ol arapela pikinini long ples i save go halivim ol papamama na ol brata susa long mekim wok bilong ol.

Mipela save go bungim ol pikinini bilong diwai long bus, go halivim long katim bus bilong nupela gaden, brukim paiawut, karim wara na bungim na brukim ol trai kokonas na save karim ol trai kokonas i go long haus smok.

Ol dispela wok em mipela i wokim bilong lainim wok na pasin bilong ples. Na tu mipela i wok long famili bilong mipela yet. Nogat wanpela samting i asua long dispela ol wok mipela ol pikinini i save wokim long ples. Sindaun bilong yumi long ples istap olsem.

Ol papamama bilong yumi i laik skulim ol yangpela pikinini long pasin bilong wok na sindaun long ples. Olsem na taim ol pikinini i kamap bikpela, ol yet inap long mekim ol kainkain wok na lukautim ol yet long ples. Olsem na wok i stap nau long yumi ol papamama long skulim ol pikinini bilong yumi long gutpela pasin na sindaun long wanwan haus na ples bilong yumi. Yumi noken bagarapim ol pikinini long ol kainkain long-long pasin we i wok long kamap long arapela kantri.

Ol pikinini bai kamap gutpela manmeri sapos yumi lukautim ol gut nau. Sapos yumi bagarapim sindaun bilong ol long nau, sindaun na stap bilong ol bai stap nogut. Olsem na lukautim gut ol pikinini bilong na kantri bai stap gut long ol planti yar kam. Na ol pikinini bilong yumi i ken givim bikpela tok tenkyu na hamamas i go long yumi ol papamama.



• Mona Lisa Metta, husat i gat 5-pela krismas, i save laikim ol samting we i gutpela na naispela olsem ol plawa na rebit. Rebit i kisim filings na slip sore long han bilong em. Foto: SARE METTA

moning i go inap 6 kilok long apinun. Taim wok i pinis, ol bikpela kar i save karim ol i go bek long kompaun bilong kampani. Ol i no save kisim pe bikos ol bisnis manmeri (papamama bilong kampani) i tok olsem, "Em ol liklik pikinini nating na ol bai no inap

olsem kalabus pikinini bilong ol bikpela bisnis manmeri mani manmeri.

Yes, tru tumas long kantri olsem Meksiko (Mexico), Guatemala na Brazil na tu long bodamak bilong Yunaite! Stets (USA) na

Straky lukautim PNG musik bilong bihain taim

Dispela stori i kam long Justin Kili bilong PNGFM. Justin em i wanpela man husat i save gut tru long musik bilong PNG. Nau em i save raitim stori bilong PNG musik aninit long wanpela hap kona bilong Post Courier niuspepa ol i kolim 'Tok Musik'.

MI BIN lukim wanpela piksa long Zeus, wanpela god bilong ol Greek. Em i holim wol long han bilong em. Dispela em i soim olsem em holim pawa antap long olgeta samting long wol.

Stori bilong PNG musik em i wankain tasol.

Senisim nem na wol, na putim Straky na PNG musik insait na stori i wankain tasol.

Straky em wanpela PNG musik atis we i wok long mekim musik we planti yangpela tude i save laikim, na nau em i wok long lukluk long wanem kain musik bai kamap long bihain taim.

Long taim bilong skul, long ol siti na taun na insait long ol pis tu we ol yangpela manmeri i wok, musik bilong em i stap.

"Mi no save bai mi kolim wanem, tasol em i hap tropikel regei, ridem na blus, hip hop na ol hap hap liklik musik wantaim," Straky i tok. "Em i no wankain olsem musik we PNG i wok long harim inap long 25 yia nau."

Straky em nem we i stap long maus bilong ol yangpela bilong PNG tude. Ol i luksave long musik bilong em, ol i save laikim kain nek na danis bilong em tu.

Dispela nem 'Straky' em i kamap taim Mista Chin bilong Chin H Meen studios i senisim niknem bilong em 'STRA'. Em i givim em long dispela nem bai ol inap long yusim long salim musik bilong em.

Nem tru tru bilong em, em Steven Francis Ani na em i gat 20 krismas.

Insait long wanpela yia tasol olsem wanpela musik atis na planti man, meri na pikinini i indai kirap long musik bilong em.

Wanpela meri, krismas bilong em i olsem 30 samting i mekim dispela toktok long Straky: "Pilis, man ya bin stap we taim mi bin yangpela liklik bai mi inap long danis long musik bilong em".

Straky bin mekim nem bilong em long PNG musik industri long 12-pela mun samting i go pinis wantaim namba wan albam bilong em 'Hard Times', tasol nem bilong em i bikpela moa olsem em i wanpela biknem musik man bilong bipo yet.

Stori bilong rot we dispela yangpela man i bihainim long kamap wanpela biknem musik man insait long PNG i bin stat taim em i bin 18 tasol. Wanpela ovasis ben i kam long Manila long Filipins i bin kam long PNG na ol i wok long painim wanpela yangpela PNG nek long tromoi sampela toktok long sait bilong PNG.

Brata bilong Straky, husat i save wok olsem wanpela anaunsa long brekfes so long NauFM, i bin givim nem bilong em i go.

Long ol so bilong dispela ovasis ben, Straky i mekim nem bilong em. Bihain em pilai wantaim brata bilong ol long ben bilong ol 'RawMatch'. Em i save singsing regei, hip hop na rap.

Straky bin pulim ai bilong Bernard Schlichting, man i go pas na menesim wanpela ben bilong Mosbi ol i kolim 'X-Tension', na em i askim em long go singsing wantaim ol taim ol i pilai nabaut long Mosbi siti.

Long wanpela nait, taim em i wok long singsing long Pondo Tavern, ol talen skaut bilong CHM Supersounds studios i lukim em na harim nek bilong em.

Bikpela bos bilong CHM, Raymond Chin i kisim em na salim em i go long Maketing Menesa bilong CHM, Aaron Chin.

Ol i givim em long dispela nem Straky, givim em ol klos em i laikim long promotim musik na video musik klip bilong em na wanpela kontrak long rekodim musik bilong em.

Namba wan musik albam bilong em i rausim tupela bikpela singsing 'Island Girls', wanpela singsing we i makim singsing bilong George Fiji Veikoso long Fiji, na 'I'll Be There', wanpela singsing we em i singim wantaim Jamie Lee Chan, pikinini meri bilong biknem PNG musik meri, Cathy Lee Chan.

Mou, wanpela arapela yangpela PNG musikman husat i save rap, i tromoi sampela stail bilong em tu i go insait long albam bilong Straky.

Aaron Chin, husat i bin menesim Straky na albam bilong em, i tok: "Mi luksave olsem Straky bai inap long mekim nem bilong em olsem na CHM i tokim em olsem ol bai lukautim na givim em ol samting we ol studio i no save givim long ol musikman bilong bipo. Mipela i givim em kontrak long rekodim wanpela albam we i miksim regei, hip hop na rap long stail bilong PNG yet, na mipela i givim em ol kolos bilong werim long ol musik vidio."

Tim lida bilong NauFM, Lawrence Lahari i tok olsem ol manmeri husat i save putim iau long redio i save laikim stret musik bilong Straky.

"Olgeta dei, bai yu inap long harim tupela o tripela musik bilong Straky we ol lisina yet i save rikwestim. Mipela i save pilaim musik bilong ol lain we krismas bilong ol i stat long 5 na i go inap long 25. Ol dispela lain i save laikim stret musik bilong em," Lahari i tok.

Em i tok ol singsing bilong Straky we ol manmeri i save laikim stret em 'Noken Lus Tingting', 'Dedicated To You', 'Soldier Boy', na 'Never Let You Go'.

Mista Chin i tok olsem CHM i gat bilip long Straky olsem em inap long kisim PNG musik i go moa yet bikos em i save mekim musik bilong ol yangpela. Em i tok long dispela as tasol na ol i laik promotim musik bilong em.

Albam bilong em i kamaut mun Ogas long 2002, bihain ol i rilisim vidio klip bilong Island Girls. Long mun Septemba, Straky bin go raun na pilai wantaim O'Shen, Hausboi na rap ben bilong em, Ugly B & LJ long Lae, Rabaul na Pot Mosbi long promotim albam bilong em. Dispela em bin namba wan taim bilong Straky long pilai ausait long Mosbi.

Nau dispela yangpela musikman bilong Taurama Kos long Sentrel provins i wok long stretim namba tu albam bilong em we bai i kamaut long krismas.

"Mi no givim nem long nupela albam yet, tasol mi ken tokim yu olsem dispela bai winim stret namba wan albam bilong mi.

"Singsing we ol manmeri i mas lukaut long en long nupela albam em 'Thug Luv'. Dispela em i wanpela singsing we mi yet mi raitim na mi singsing wantaim wanpela meri Fiji husat i stap skul long Mosbi 'Lady Vass'.

Straky i gat planti samting em i laik mekim long developim musik bilong PNG i go moa yet.

"Nau yet mi amamas long promosen na kisim eksperiens olsem wanpela musik atis insait long PNG. Mi wok long wok hat long kamap wantaim ol nupela tingting bilong prodaksen, nupela musik stail na ol gutpela albam bilong ol fans bilong me.

"Mi gat bikpela bilip long bikman long lukautim mi taim mi save painim hat long mekim musik, na mi save olsem em bai soim mi rot bilong PNG musik long bihain taim."

EM TV

Fonde
06/11/2003

<p>5.30 JOYCE MEYER MINISTRY 6.00 NINE'S EARLY NEWS 7.00 TODAY SHOW 9.00 CREFFLO DOLLAR 9.30 EMTV CLASSIFIEDS 10.20 GRADE 7 SCIENCE 11.10 GRADE 7 SOCIAL SCIENCE 11.50 EMTV CLASSIFIEDS 12.00 GRADE 11 MATHS A 12.40 GRADE 11 GEOGRAPHY 1.30 EMTV CLASSIFIEDS 2.30 SESAME STREET 3.30 FLINTSTONES 4.00 BUSH BEAT 4.30 SNOBS 4.47 EMTV TOKSAVE 5.00 BURGO'S CATCH PHRASE 5.30 THE PRICE IS RIGHT 6.00 EMTV NEWS 6.30 A CURRENT AFFAIR 6.59 NEWS UPDATE TOK PISIN 7.00 LOTTO DRAW 7.01 CHM SUPERSOUND 8.00 SPORTS SCENE 9.27 EMTV TOKSAVE 9.30 ER 10.30 THIRD WATCH 11.30 EMTV NEWS REPLAY 12.00 NIGHTLINE 12.30 EMTV CLASSIFIEDS</p>	<p>11.00 RUGBY WORLD CUP QUARTER FINAL Winner B vs Runner Up A 1.00 NEWS REPLAY 1.30 EMTV CLASSIFIEDS</p>	<p style="text-align: center; font-weight: bold;">Mande 10/11/2003</p> <p>5.30 JOYCE MEYER MINISTRY 6.00 NINE'S EARLY NEWS 7.00 TODAY SHOW 9.00 CREFFLO DOLLAR 9.30 EMTV CLASSIFIEDS 10.20 GRADE 7 SCIENCE 11.10 GRADE 7 SOCIAL SCIENCE 11.50 EMTV CLASSIFIEDS 12.00 GRADE 11 MATH A 12.40 GRADE 11 GEOGRAPHY 1.30 EMTV CLASSIFIEDS 2.30 SESAME STREET 3.30 BATTLE JUICE 4.00 WONDERWORLD 4.30 SNOBS 4.47 EMTV TOKSAVE 5.00 BURGO'S CATCH PHRASE 5.29 NEWS BREAK 5.30 THE PRICE IS RIGHT 6.00 NATIONAL EMTV NEWS 6.30 A CURRENT AFFAIR 6.59 NEWS UPDATE 7.00 LOTTO DRAW 7.01 PRAISE 8.00 INSAIT PNG 8.35 SOUL CITY 8.57 EMTV TOKSAVE 9.00 MONDAY NIGHT MOVIE: DEEP BLUE SEA Searching for a cure to Alzheimer's disease a group of scientists on an isolated research facility become the bait as a trio of intelligent sharks fight back. Stars: Thomas Ane, Saffron Burros, LL Cool J.</p>
---	---	--

Fraide
07/11/2003

<p>5.30 JOYCE MEYER MINISTRY 6.00 NINE'S EARLY NEWS 7.00 TODAY SHOW 9.00 CREFFLO DOLLAR 9.30 EMTV CLASSIFIEDS 10.20 GRADE 7 SCIENCE PRIMARY 11.10 GRADE 7 SOCIAL SCIENCE PRIMARY 11.50 EMTV CLASSIFIEDS 12.00 GRADE 11 MATH A 12.40 GRADE 11 GEOGRAPHY 1.30 EMTV CLASSIFIEDS 2.30 SESAME STREET 3.30 FLINTSTONES 4.00 WORNERD WORLD 4.30 SNOBS 4.47 EMTV TOKSAVE 5.00 BURGO'S CATCH PHRASE 5.30 THE PRICE IS RIGHT 6.00 NATIONAL EMTV NEWS 6.30 A CURRENT AFFAIR 6.59 NEWS UPDATE IN TOK PISIN 7.00 LOTTO DRAW 7.01 TOK PIKSA 7.01 FRIDAY NIGHT MOVIE: AMSTAD Fact-based story of the 1839 revolt by Africans on the slave ship Amstard and their subsequent trial when they are taken on American soil. Stars: Morgan Freeman, Nigel Hawthorne, Anthony Hopkins. 10.30 EMTV NEWS REPLAY 11.00 NIGHTLINE 11.30 TULAIT</p>	<p>11.00 WHO WANTS TO BE A MILLIONAIRE 12.00 NIGHTLINE 12.30 EMTV CLASSIFIED</p>	<p style="text-align: center; font-weight: bold;">Tunde 11/11/2003</p> <p>5.30 JOYCE MEYER MINISTRY 6.00 NINE'S EARLY NEWS 7.00 TODAY SHOW 9.00 CREFFLO DOLLAR 9.30 'EMTV CLASSIFIEDS' 10.20 GRADE 7 SCIENCE 11.10 GRADE 7 SOCIAL SCIENCE 11.50 EMTV CLASSIFIEDS 12.00 GRADE 11 MATH A 12.40 GRADE 11 GEOGRAPHY 1.30 EMTV CLASSIFIEDS 2.30 SESAME STREET 3.30 BATTLE JUICE 4.00 WONDERWORLD 4.30 SNOBS 4.47 EMTV TOKSAVE 5.00 BURGO'S CATCH PHRASE 5.29 NEWSBREAK 5.30 THE PRICE IS RIGHT 6.00 NATIONAL EMTV NEWS 6.30 A CURRENT AFFAIRS 6.58 NEWS UPDATE 6.59 LOTTO DRAW 7.00 HAUS AND HOME 8.00 REPORT 8.27 EMTV TOKSAVE 8.30 MCLEOD'S DAUGHTERS 9.30 STINGERS 10.30 EMTV NEWS REPLAY 11.00 BABYLON 5 12.00 NIGHTLINE 12.30 EMTV CLASSIFIEDS</p>
---	--	--

Sarere
08/11/2003

<p>8.00 PLANET FANTA 9.30 PINKY & THE BRAIN 10.00 THE OUTRIDERS 10.30 CHALLENGER 11.00 BURKE'S BACKYARD 12.00 THE PACIFIC WAY 1.00 MOVIE MATINEE: MY DOG SKIP 3.00 EMTV SPORT 5.00 FISHING NORTH AUSTRALIA 5.30 ESCAPE WITH ET 6.00 NATIONAL EMTV NEWS 6.30 NCDC NEWS 7.00 AUSTRALIA'S FUNNIEST HOME VIDEO SHOW 7.30 CAMERA TRAP 8.00 RUGBY WORLD CUP: QUARTER FINAL Winner A vs Runner Up B 9.55 EMTV TOKSAVE 10.00 RUGBY WORLD CUP: QUARTER FINAL Winner D vs Runner Up C 00.00 EMTV NEWS REPLAY 00.30 TULAIT</p>	<p>11.00 NIGHTLINE 11.30 TULAIT</p>	<p style="text-align: center; font-weight: bold;">Trinde 12/11/2003</p> <p>5.30 JOYCE MEYER MINISTRY 6.00 NINE'S EARLY MORNING NEWS 7.00 TODAY SHOW 9.00 CREFFLO DOLLAR 9.30 "EMTV CLASSIFIEDS" 10.20 GRADE 7 SCIENCE 11.10 GRADE 7 SOCIAL SCIENCE 11.50 EMTV CLASSIFIEDS 12.00 GRADE 11 MATH A 12.40 GRADE 11 GEOGRAPHY 1.30 "EMTV CLASSIFIEDS" 2.30 SESAME STREET 3.30 FLINTSTONES 4.00 WONDER WORLD 4.30 SNOBS 4.47 EMTV TOKSAVE 5.00 BURGO'S CATCH PHRASE 5.30 THE PRICE IS RIGHT 6.00 NATIONAL EMTV NEWS 6.30 A CURRENT AFFAIR 6.59 TOK PISIN NEWS UPDATE 7.00 LOTTO DRAW 7.01 IN FOCUS 7.30 THE BLOCK 8.27 EMTV TOKSAVE 8.30 WEDNESDAY NIGHT MOVIE: TARZAN AND THE LOST CITY Tarzan returns to his homeland of Africa to save his home from destruction. Stars: Casper Van Dien, Jane March 10.30 NIGHTLINE 11.00 NEWS REPLAY 11.30 SOUTH PACIFIC MUSIC 12.30 EMTV CLASSIFIEDS</p>
---	---	--

Sande
09/11/2003

<p>4.00 RUGBY LEAGUE TEST Great Britain vs Australia 6.00 EXTREME WIPEOUT 6.30 WORLD OF WILDLIFE 6.57 EMTV TOKSAVE 7.00 THE TEACHING MINISTRY 7.30 IT IS WRITTEN 8.00 BUSINESS SUNDAY 9.00 SUNDAY 11.00 ING CUP CRICKET South Australia vs Western Australia 12.30 TBA 1.00 ING CUP CRICKET SA vs WA 4.30 X-TREME SPORT 5.00 DOCUMENTARY: DUGONG - VANISHING SIREN 6.00 NATIONAL EMTV NEWS 6.30 2004 MISS PNG RED CROSS 8.00 RUGBY WORLD CUP: QUARTER FINAL Winner C vs Runner Up D 10.00 60 MINUTES</p>	<p>11.00 NIGHTLINE 11.30 SOUTH PACIFIC MUSIC 12.30 EMTV CLASSIFIEDS</p>	<p style="text-align: center; font-weight: bold;">Sande 09/11/2003</p> <p>4.00 RUGBY LEAGUE TEST Great Britain vs Australia 6.00 EXTREME WIPEOUT 6.30 WORLD OF WILDLIFE 6.57 EMTV TOKSAVE 7.00 THE TEACHING MINISTRY 7.30 IT IS WRITTEN 8.00 BUSINESS SUNDAY 9.00 SUNDAY 11.00 ING CUP CRICKET South Australia vs Western Australia 12.30 TBA 1.00 ING CUP CRICKET SA vs WA 4.30 X-TREME SPORT 5.00 DOCUMENTARY: DUGONG - VANISHING SIREN 6.00 NATIONAL EMTV NEWS 6.30 2004 MISS PNG RED CROSS 8.00 RUGBY WORLD CUP: QUARTER FINAL Winner C vs Runner Up D 10.00 60 MINUTES</p>
--	---	---

Fraide Nait muvi - Novemba 7, 2003



AMISTAD em i nem bilong wanpela sip bilong Amerika we i bin ron long 1839 na i save karim ol turangu manmeri bilong Afrika i go long Yurop na Amerika long wok olsem ol kago boi. Dispela muvi em long dispela sip we i karim ol lain Afrika i go long Amerika, na ol kago boi ya i paitim na kilim ol lain bilong sip na holim sip long ranawe. Bihain ol i holim ol gen na kisim ol i go long snap kot.

NATIONAL WEEKLY HIT PARADE

Novemba 8, 2003
Sponsa: Twisties

Song	Artist	Last Week	This Week
Yapma	Bosi Souls	1	1
Christina	Crew 5	4	2
Miya	Sharzy & Bamzie	2	3
Cellian	Blue Mates	5	4
Only Yu	Sharzy & Bamzie	3	5
Freedom	Vanessa Quai	7	6
Roangagu	Patti Potts Doi	6	7
Casino Mama	Bannex	8	8
Iarowari Flower	Bannex	9	9
A Kini	Patti Potts Doi	10	10
Sobo	Gou Gaoma	11	11
Niugini Stylee	Hausboi	12	12
Nama Vavine	Martin Rawali	0	13
A Vaira	Patti Potts Doi	14	14
PNG Pes Blong Yumi	Alison & Giro	0	15
Pusu Image	Original Sirois	15	16
Selen No Staka	Third World Crew	0	17
Berberat	Patti Potts Doi	18	18
Toku Tiare	Sharzy	13	19
Sore Tumas	Paeva	16	20

The Weekly Hit Parade is provided by PNG FM.



Nem: Denila Perie
 Krismas: 18 (meri)
 Adres: PO Box 887, Wewak, East Sepik Province
 Save laikim: Go waswas, pilai spot, mitim ol nupela pren na mekim fani wantaim ol poro.

Nem: Claudia Andrew
 Krismas: 20 (meri)
 Adres: PO Box 502, Wewak, East Sepik Province
 Save laikim: Go lotu, lukim TV, harim musik, senisim foto na presen wantaim ol lain long Madang.

Nem: Saraphine Van-Lare
 Krismas: 20 (meri)
 Adres: P.O. Box 197, Agona Nyakrom, Central Region, Ghana, West Africa
 Save laikim: Harim musik na waswas.

Nem: John Skaz
 Krismas: 20 (man)
 Adres: PO Box 34, Vanimo, Sandaun Province
 Save laikim: Pilai volibol, ridim niuspepa, lukim muvi na harim musik.

Nem: Nancy Yualomo
 Krismas: 16 (meri)
 Adres: Mercy High School, PO Box 580, Wewak, East Sepik Province
 Save laikim: Ridim buk, pilai volibol, waswas long nambis, harim musik na lukim TV.

Nem: Doreen Neirahi
 Krismas: 17 (meri)
 Adres: Mercy High School, PO Box 580, Wewak, East Sepik Province
 Save laikim: Pilai volibol, soka, basketbol, go lotu, stori wantaim ol pren, ridim buk na lukluk raun long ol ples.

Nem: Manuel Ganai
 Krismas: 21 (man)
 Adres: C/- Junior Namoin, PO Box 1122, Wewak, East Sepik Province
 Save laikim: Harim musik, raun long bus, wara na vanila gaden. Toktok long musik na bisnis.

Nem: Denila Perie
 Krismas: 18 (meri)
 Adres: PO Box 887, Wewak, East Sepik Province
 Save laikim: Go waswas, pilai spot, mitim ol nupela pren na mekim fani wantaim ol poro.

Nem: Claudia Andrew
 Krismas: 20 (meri)
 Adres: PO Box 502, Wewak, East Sepik Province
 Save laikim: Go lotu, lukim TV, harim musik, senisim foto na presen wantaim ol lain long Madang.

Nem: Saraphine Van-Lare
 Krismas: 20 (meri)
 Adres: P.O. Box 197, Agona Nyakrom, Central Region, Ghana, West Africa
 Save laikim: Harim musik na waswas.



Long taim bipo, taim bilong tumbuna long hap bilong Erap i gat tupela ples i stap. Wanpela liklik ples em i antap na bikples em i daunbilo.

Na taim ol manmeri bilong dispela tupela ples olgeta i go long gaden bilong ol, na i gat wanpela masalai snek em tanim olsem liklik mangi na em i save i kam pilai wantaim ol liklik mangi bilong ples.

Na em i lukim taim i apinun nau, em i save igo bek long ples bilong em na tanim em yet olsem snek moran na slip i stap.


Taim ol bik manmeri i go bek long gaden, em i tanim em yet olsem liklik mangi na i kam pilai wantaim ol liklik mangi bilong ples. Em i mekim olsem inap planti taim pinis.

Na long wanpela de nau wanpela lapun meri em i stap wantaim ol tumbuna bilong em.

Taim ol lain tumbuna bilong em ol i wok long pilai pilai na dispela masalai snek moran em tu em yet i tanim olsem liklik boi na i kam insait wantaim ol na pilai wantaim ol.

Na lapun tumbuna em i lukim em igat narapela pes na em i tingting olsem, dispela boi ya em pikinini bilong husat? Em i lukim em olsem na em i wok long lukluk strong long em.

Taim apinun nau, lapun meri i no lukim dispela boi na em painim em na i



Watpo Retpela Raunwara

lukim ol lain tumbuna bilong em tasol. Na em pes taim bilong em i lukim na em i no tok klia long ol sampela bikman em yet i lukim na lusim.

Bihain long narapela de nau masalai snek em i kam bek na pilai wantaim ol liklik boi gen na lapun meri ya i lukim em nau na i tok, he, yu tasol yu trikimi. Nau mi save long yu.

Long apinun ol bik manmeri i kam bek long gaden na em i tokim ol: "Taim yupela olgeta igo long gaden na wanpela masalai snek moran em i save i kam pilai wantaim ol lain pikinini bilong yupela". Lapun meri ya i tokim ol olsem na ol bik man meri ol i belhat nogut tru.

Na wanpela de nau ol i pasim tok long kilim masalai. Na lapun meri ya i stapim ol na tok: "Yupela ino ken kilim em. Larim em i stap. Em i olsem tumbuna bilong mi."

Tasol ol man ino bilip long tok bilong em. Ol i tokim lapun meri: "Yu blari

lapun meri nating. Yu larim em, bai yu mekim wanem long em?" Na lapun meri ya i krai.

Nau ol i pasim tok long redim kaikai na kumu na wara na paiawut na wasim ol sospen nambaut. Redim pinis, nau wanpela bilong ol i sapim tamiok ston bilong em. Em i sapim igo na i sap nogut tru. Na em i traim katim wanpela rop, em i wan raun na katim dispela rop.

Okei, nau ol i redim olgeta samting pinis na ol singautim snek moran long i kam kaikai wantaim ol. Tasol snek i no bin save olsem ol i laik kilim em. Na tarangu lapun meri ya wantaim wanpela tumbuna, em i wok long krai tasol i stap.

Taim ol i go toksave long em pinis, man bilong sapim tamiok ston em i putim wanpela hap diwai long dispela rot em i mas kam long en.

Tasol masalai snek moran i no bin save olsem. Em i kam tasol na

putim het bilong em antap long hap diwai na man ya i kirap putim tamiok ston bilong em, katim nek bilong snek.

Ol i kilim snek pinis na ol i katim liklik na ol i kukim wantaim kaikai long tin. Taim wara ya i boi na het bilong snek ya i no dai. Em i lukluk yet i stap.

Na tarangu lapun meri ya na tumbuna bilong em i kisim bel bilong snek na igo long wara na rausim bel bilong snek.

Na wara i doti na em i tokim ol man, "Yupela, wara ya i doti tumas." Na ol sampela meri ol i tokim em: "Ol pik i digim graun long het bilong wara na wara i doti."

Tasol lapun wantaim tumbuna bilong em, tupela i save pinis. Na tupela ino laikim ol kaikai ol i kukim.

Tudak liklik, nau snek moran em i kam na tokim tupela lapun na tumbuna bilong em: "Yutupela ino ken slip long hia. Yutupela wetim mi." Orait olgeta manmeri ol i save kaikai

nambaut i kamap long ples. Nau snek ya i salim tupela igo long wanpela liklik maunten na i stap na lukluk. Taim tupela i lukluk yet, bikpela raunwara i kamap na kilim ol manmeri bilong dispela tupela ples.

Sapos yu go long hap bilong Erap na lukim, long liklik ples i gat raunwara i makim olsem snek i krungut nambaut. Na insait long raunwara i blak nogut tru.

Na long namba tu ples we ol i kilim em, i retpela long wanem em blut bilong masalai snek i mekim na wara i kamap retpela. Sapos yu go long dispela hap ples na lukim, sampela snek i sotpela na nogat het bilong em.

Nau long dispela taim yet dispela tupela raunwara ya i stap. Na ol i kolim nem bilong tupela raunwara ya i olsem Guankaya. Long tok ples em i min olsem, raunwara i pait.

Popondetta

Mi laikim kliapela toktok long winmoni tiket

Dia Laiplain.
Em i sinpasin long tromoi mani long winmani tiket?

Mani em i bilong mi na mi no ting em i rong long yusim bilong mi long baim ol laki loteri tiket long em.

Tasol em i sin sapos mi opim tiket we mi yet i no bin baim.
TRAIM TASOL

Laiplain
 Mipela i wari long yu tromoi nating mani bilong yu olsem. Sampela lain i bin tokim yu olsem em i sin long yu baim ol loteri ol laik tiket?

Sapos ol sios lida bilong yu i bin wokim toktok olsem, orait, yu go na lukim ol na ol bai ansaim o bekim ol toktok yu no klia long em we i sut long dispela samting.

Tasol sapos em i tingting bilong yu yet, wanem samting i mekim yu askim ol dispela kwesten? Em tingting bilong yu o Santu Spirit bilong God i mekim yu na yu kamap wantaim ol askim ya.

Long opim tiket we yu yet i no baim long em i sin. Na long i no askim na wokim o kisim o opim samting we i no bilong yu em



i sin.
 Em i sin long yusim mani bilong yu long baim ol winmani tiket. Pastaim, wanem tru em sin? Sinpasin em i sakim lo bilong God na John i skruim dispela long Baibel, na Gospel bilong John, Sapta 3, Ves 4.
 Yu ken tok olsem i nogat lo we i egesim man i baim laki tiket. Em i tru. Na sapos yu askim, em i rong long brukim marit na lusim marit patna bilong yu, long wokim stil pasin, long kilim dai narapela, mipela i ken tok, yes bikos buk Baibel i tokim mipela ol dispela samting i egesim

lo bilong God.
 Tasol long baim winmani tiket em i narakain. Mipela i no inap long tok em i sinpasin o i nogat. Tasol buk Baibel i gat toktok long sinpasin.

Long Nupela Testamen Baibel, James i rait long ol Kristen husat i askim God long fogivim ol long ol sin. "Ol Kristen i save taim ol i wokim pasin i no stret olsem ol i wokim sin na ol i rong long em."

Long Sapta 4 ves 17, James i putim tok lukaut long ol Kristen olsem ol bai rong long sin, maski ol i no wokim rong.

Kristen i save wok long amamasim Bikpela na bihainim Lod Jisas husat i bin stap long graun na wokim gut long ol manmeri.

I gat sampela gutpela samting we yu ken mwkim wantaim mani bilong yu? Sapos i gat sampela gutpela samting yu laik wokim wantaim mani bilong yu tasol yu no wokim, em i sin.

Askim i go olsem sapos dispela i gutpela we yu laikim bai God i laikim yu long yusim mani bilong yu em i rait long westim mani long baim laki loto tiket?

Laiplain

TOKSAVE

Salim hevi na wari bilong yu i kam long - LAIPPLAIN, PO Box 6047, BOROKO, NCD. Yu ken ringim mipela long telpon namba 3260011. Mipela i no inap autim trupela nem bilong yu tasol bai mipela i yusim nem tru na etres bilong yu long salim bekim pas i go long yu.



Tok pilai wantaim Kanage olgeta wik

bi ino save kaikaim ol. Ol i save makim Kanage tasol.

Kanage nau tingting i sot pinis long hau bai em i pinis laip bilong ol dispela bi. Olgeta lain long haus i wok long putim was long husat stret bai i win long dispela pait. Kanage bai i burukim hul bilong ol bi na kilim kwin bi o ol bi bai salim Kanage igo silip long haus sik.

Babu Sapoki
Erima, NCD

Kanage em i bilong ples Ubu long Woginara, Wewak. Wanpela taim em wantaim pikinini man i ron long balus igo long Lae.

Balus i pundaun long Madang eapot na eahostes i toksave long ol pasindia long go autsait na kisim win.

Pikinini bilong Kanage igo autsait pinis na Kanage em i painim hat long lusim sit belt. Em i wok long taitim bun long kirap sanap na muv long sait to sait tasol sit belt i holim em strong tru.

Taim Air Hostes i lukim Kanage i traim hat long kirap em i tok, Paps yu laik go aut ah? Tasol Kanage i sem long tok stret na emi tok, em orait yangpela mi lukim Madang las yia pinis. Tasol samting tru em i pes taim long kam long Madang.

Em nau pikinini man i kam insait gen long balus na i tok, 'Paps yu no go austai na lukim Madang eapot ah?' Kanage i belhat na i tok, 'yu askim mama bilong yu o tumbuna bilong yu? Bihain moa noken kisim mi ron long balus. Mi laik ron long sip na bas, yu harim!!'

Tom Raino
Woginara, ESP

Kanage em bilong Munipti long Kagua na em i laik igo long Madang bilong lukim betde pati bilong bebi bilong pikinini meri bilong em. Lapun Kanage em brukim maunten Wagalu na kam kamap long Kirene haiwe na wetim bas. Paps Kanage em boi long bus na em ino wari tumas long werim trausis.

Em pasim skin bilong diwai na pasim bilum bruk long fran bilong em na em pasim drai tanget long haitim as bilong em. Taim em i wetim bas longpela taim na drai tanget ya em igo pas stret long as bilong em.

Em nau em sanap na stretim baksait bilong em stap na long rot em i lukim sampela yangpela bilong Kirene wakabout i kam na singaut, Paps yu bilas nogut tru na yu laik

go we nau? Lapun Kanage kirap bekim olsem, 'I go were, don't ask mi but, Munix is Madang'. Em na bas kam na stop stret nau Lapun Kanage igo insait long bas.

Taim em sindaun long bas sit em kirap tokim ol manmeri long bas, 'bas sit em ino bilong ol trausis tasol, ol as tanget tu ol i save brukim plastik tu ya'. Em nau paps Kanage em igo kamap long Madang na bungim pikinini meri wantaim bebi bilong em long bas stop stret.

Pikinini meri kirap tok gutde long paps Kanage, na paps Kanage kirap tokim em, 'Yes I don't care and wel come you baby'. Nau tupela papa pikinini igo long haus na long haus ol i mekim bikipela betde pati nau. Dispela taim san i hot moa yet, na manmeri tu pulap tru long dispela pati.

Paps Kanage em yet sindaun long wanpela hap kona na pikinini meri igo givim plet kaikai long em. Em i givim wanpela hot kopi tu wantaim plet kaikai.

Taim em i kaikai nek bilong em i pas, nau em i ting kol wara so em i drink olsem kol wara nau bel bilong paps Kanage paya kirap. Turangu em hat long sanap na singaut olsem na em larim ai wara na kus mambu rong nating nau ol manmeri kam long em na askim em, 'Paps yu kisim wanem kain tingting nau?' Nogat ya mi tingting bek long ol famili bilong mi long Munix na mi krai.

Tasol kus mambu mi no save mi wok long kaikai stap na em yet rong ikam daun long nus na mi pret tu ya.

Dominic Awape
lalibu, SHP

Kanage em mangi bilong ples. Em mangi pitpit stret tasol em i bin go raun long Mosbi na maritim wanpela meri Papua.

Tupela i gat 5-pela pikinini olgeta. Tupela i stap long hai skul na tripela i stap long komuniti skul. Kanage painim hat tru long baim skul fi bilong ol. Em i tingting go i nogat nau, wanpela taim em igo painim wok long taun.

Kanage go kamap long wanpela opis na nok long dua, nau wanpela waitman kam opim dua bilong Kanage na em i go insait na sindaun long sia.

Nau waitman kirap na askim em, what's your name? Baga kirap na tokim waitman, oh bos, nem bilong mi em Kisi Sang. Nau bos askim em gen, where's your certificate? Kanage kirap na bekim, oh bos sefiteket bilong mi, mi lusim long haus. Orait nau bos

tokim em, Kisi Sang you go na just hang around outside. Nau Kanage wokabout i kam autsait na tingting tasol, bos mas givim mi wok pinis, mi mas stat wok nau. Kanage kalap igo antap long han bilong diwai na hangamap i stap. Em i hangamap i stap i go inap 3 kilok apinun nau Kanage kalap i kam daun na wokabout go long haus.

Kanage go kamap long haus na tokim meri bilong en, yu noken tingting planti, mi painim wok pinis. Olgeta moning Kanage save go hangamap long ol han bilong diwai.

Fraide em foitait de bilong ol wokmanmeri long kisim mani. Kanage harim olsem tasol warim su pinis putim kep igo antap werim speks pinis baga pes man long kamap long opis. Bos givim mani long ol wok manmeri bilong em pinis nau Kanage em nogat.

Kanage belhat tasol kirap na askim bos, hei bos, what about me? I always doing very hard work for 8 hours hanging on the tree.

Bos kirap tasol hatim Kanage nogut tru, nau Kanage rives long baksait, kam autsait tasol ron siksti go insait long bus na hait.

Bahuai Soroi
Barum Viles, Madang

Kanage i wok long makim hos bilong betim long Melbon Kap. Em wok long stadi gut tru na i no tingting long skelim kaikai na kaikai. Olgeta famili i kaikai pinis na kaikai bilong Kanage i kol pinis long tebol.

Misis Kanage i lukim na belhat pinis. Sem taim dok bilong ol Blekmen i kam sanap long dua na wetim ol hap kaikai tu i stap. Em nau Misis Kanage i tok, mi tingim wanpela hos bai mi betim long tumoro pinis.

Na Kanage askim, wanem hos ya?. Misis tok hos ya em feveret ya. Sem taim dok tu i wok long kaikai i stap na Misis i bisi long toktok long hos i stap na Kanage i bisi tru long harim.

I no longtaim Misis Kanage i tok, feveret hos ya i wok long kaikai gut i stap long kisim strong bilong ron long tumoro. Nem bilong em Blekmen.

Taim Kanage lukim ya, Blekmen i wok long kaikai rais long plet bilong em i stap na em sekim tebol ya, em yet i nogat kaikai.

Tasol tuleit, kaikai bilong em i pinis. Kanage i boilim hot wara na dring ti wantaim bisket na slip.

Brats Kanage
Toks

Kanage



Mi raun tasol!
Yu save, Kain bilong em!!

NOKEN LUS TINGTING!
SALIM OL PANI STORI I KAM LONG KANAGE...
EM STORI PES BILONG YUMI OLGETA YAH!!!





NEW K5 AND K20 KINA COMMEMORATIVE BANKNOTES FOR THE 30TH ANNIVERSARY OF THE BANK OF PAPUA NEW GUINEA

The Bank of Papua New Guinea is pleased to announce the release of the new K20 note to commemorate its 30th Anniversary on 01 November 2003. The K20 note will circulate with other notes as legal tender from Monday 03 November 2003. A commemorative K5 will also be released to circulate with other notes as legal tender early in 2004.

The new K20 note has been converted from paper to polymer, incorporating advanced security features to protect the note from counterfeiting. The polymer note retains the design elements of the original K20 paper note.

Front:

Security features:



- Complex clear window which incorporates a vignette of the logo of the Bank of Papua New Guinea.
- A shadow image of the Bank of Papua New Guinea logo which is visible when the note is raised to a light.
- The numeral '20' is embossed in the clear window.
- Overprint commemorating the 30th Anniversary of the Bank of Papua New Guinea. As you tilt the note at certain angles, the intensity of the bright gold decreases to a pale gold.
- Fluorescing serial numbers. Black serial numbers that fluoresce green/yellow under ultra violet light.

Back:

Security features:



- Complex clear window which incorporates a vignette of the logo of the Bank of Papua New Guinea.
- A shadow image of the Bank of Papua New Guinea logo which is visible when the note is raised to a light.

L Wilson Kamit CBE
Governor

NASFUND bai opim Sevings na Lons Sosaiti

NUPELA Sevings na Lons Sosaiti bai kamap aninit long NASFUND we planti tausen membas bilong olpela NPF na nau NASFUND bai kisim helpim long en.

Long las wik Sentrel Benk Gavana Wilson Kamit i givim laisens bilong kamapim dispela nupela bisnis i go long han bilong Jenerel Menesa bilong NASFUND lan Tarutia. Mista Tarutia bai kamap siaman bilong dispela sevings na lons sosaiti.

Mista Tarutia i bin tokaut olsem wantaim NPF na nau NASFUND, ol i no inap givim inap sevis o helpim i go long olgeta membas bilong ol. Olsem na ol i kamap



• Gavana bilong Sentral Benk Wilson Kamit.

wantaim dispela sevins na lons long helpim ol memba bilong ol wantaim mani bilong helpim ol wantaim wanem kain sot ol i gat long en.

Long pastaim i kam ol memba i save sevim sampela ekstra mani i go antap long sevings bilong long NPF. Olsem na dispela ekstra sevings bilong ol bai ol i tanim i go long sevings na lons akaun bilong ol we ol i ken kisim long wanem taim ol i laik long ol wok olsem skul fi, haus sik fi na arapela samting ol i sot long en.

Long dispela taim NASFUND i tokaut long bikpela profit o win mani ol i bin mekim bihain long kampani i bin bungim hevi long mani tupela krismas i go pinis.

Mista Tarutia i tokaut olsem wantaim dispela gutpela wok na ripot NASFUND i mekim, ol i

lukluk long ranim gut dispela sevings na lons opis aninit long dispela gutpela rot bilong menesmen long ranim ol wok na bisnis bilong lukautim mani bilong ol membas na givim ol sevis i go bek long ol membas bilong ol.

Gavman amamas long Ramu Sugar

RAMU Sugar i wok long mekim gutpela wok long bisnis bilong em insait long Papua Niugini. Na bisnis i wok long ron strong nau long mak bilong surukim na opim bisnis i go bikpela.

Deputi Praim Minista Dokta Allan Marat i mekim dispela toktok bihain long em i bin go lukim wok bilong kampani long Ramu long las mun.

Dokta Marat i tok bihain long olpela Praim Minista long bipo Sir Julius Chan i bin statim dispela bisnis, planti toktok egens i bin kamap tasol kampani i bin wok strong na soim ol kainkain toktok egens ya olsem ol i

ken kamap gutpela na strongpela bisnis long bihain taim.

Ramu Suga nau i wok long salim olgeta suka bilong em i go long ol maket long Papua Niugini na tu long ovasis maket na i gat planti PNG manmeri i holim ol sea insait long kampani.

Dokta Marat i tok tu olsem gavman bilong Somare i amamas long wok bilong Ramu Sugar bikos em i sanap stret long bikpela tingting bilong gavman long mekim samting inia long kantri na salim i go long ol ovasis maket long pulim mani i kam long kantri.

Hidden Veli projek i ron gut

HIDDEN Veli gol projek long Wau Morobe provins i sanap long gutpela mak bilong statim wok bihain long gavman i oraitim ol wok redi bilong Abelle Limited kampani bilong Australia.

Kampani i wok long glasim olgeta ripot bilong ol wok na ol stadi ol i bin karimaut pinis long Hidden Veli long opis bilong ol long Pet, Australia.

Na ol bai givim olgeta pinis ripot na rekot bilong ol i kam bek long gavman long namba wan kota bilong neks ya.

Kampani ripot i soim olsem ol i redi long wok bilong maining we i gat ol risev gol mak olsem 3.5 milien auns gol i stap long dispela hap.

Dispela kain mak o level i putim Hidden Veli long midium sais maining wankain olsem Misima gol main we wok maining inap stap olsem 9-pela krismas inap ol i painim moa risev gol long hap.

Dispela main inap kamapim samting olsem 2.1 grem gol long wanpela ton na kos bilong maining i stap olsem US\$284 milien.

Long nau yet i gat tupela dril i wok long sekim ol hap we ol bai putim ol kem long en.

Dispela em long lukim olsem hap bilong putim kem na ol wok long en i no stap antap long gol we kampani inap digim long bihain taim.

I gat bikpela bilip olsem maining bai kamap long Hidden Veli.

Ol asples i sambai pinis long lukim dispela maining i mas kamap hariap.

Ol i mekim ol wok bilong redim ol yet long grup o asosiesen na tu stretim pinis ol rot bilong skelim ol helpim we inap kam long wok bilong maining.

Ol asples i sanap olsem Nauti Lenonas Asosiesen, Kuwenbu Lenonas Asosiesen na Ninima Lenonas Asosiesen.



BANK OF PAPUA NEW GUINEA

KINA FACILITY RATE FOR NOVEMBER 2003

Based on the Bank of Papua New Guinea's assessment of the recent economic fundamentals and expectations for the last quarter of 2003, the Kina Facility Rate (KFR) remains unchanged at 14.0 percent for November 2003.

L. Wilson Kamit, CBE
Governor

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 05/11/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	17.02	102.81	35.36
63 days	17.56	31.83	31.83
91 days	17.56	49.75	49.75
182 days	17.50	106.46	106.46

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9 439,300.00
S252004	1 Jun. 2004	8.60	19,193,000.00


For further details & application
Telephone: 322 7360 or 322 7271

(1) Tax exempt

WANTOK KLASIFAID

SAPOS YU LAIK ADVATAIS O SAVE MOA LONG KLASIFAID PES BILONG MIPELA, RINGIM BONNER HUI LONG 325 2500 O FEKS LONG 325 2579.
EMAIL ADRES EM wordadvertising@global.net.pg.

BON DEI GRITINGS



Hepi Betde i go long big boi
Emmanel Limmipes.
Yu kamap tripela yia aste 03/11/03.

Bikpela amamas na gritings i kam long ol femili long Madang, Niu Ailan na Pot Mosbi.

Bikpela antap bai blesim yu na lukautim yu oltaim.



Leah Kelo


Hepi 11 betdei - Novemba 5, 2003
Gritings from mummy, daddy and Akep.

Skwat long Rainbow,
Peter family at Tokarara, Daniel and
Natasha at 4 mile and all families at Morobe
and Manus.

May God continue to bless you.


LONG BAIM O RENTIM

FOR SALE OR RENT



Portion 343, Milinch of Malahang Fourmil of
Huon, Busu Road
City of Lae.

Old Rothman's office and warehouse totalling
1,322.35 square metres.
Ample laydown area, with additional land for future
development.



For further information contact Jeremy Burgess General
Manager Word Publishing on telephone
325 2500 or fax: 325 2579,
email: wordgm@global.net.pg.
For inspection of the site
contact Mal Kerro on telephone: 479 1433
fax: 479 1444

TOKSAVE



DEPARTMENT OF LANDS & PHYSICAL PLANNING


PUBLIC NOTICE

FORFEITURE OF STATE LEASES

The Department of Lands & Physical Planning wishes to advise it's Individual & Corporate Clients that;

1. Notice to Show Cause are being served on State Land Lease Rental Defaulters.
2. Following our Notice to Show Cause, you have 14 days as of the Date of Service to respond or Show Cause as to why your property or properties should not be forfeited.
3. Failure to respond will immediately effect forfeiture action to be taken against any property or properties whether improved or unimproved.

If you have changed your address please inform us on telephone 301 3200 or fax 301 3201.


Pepi S. Kimas
Secretary

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 22/10/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	17.43	145.83	93.20
63 days	17.62	50.82	52.72
91 days	17.70	36.66	36.66
182 days	17.78	53.40	53.40

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9,439,300.00
S252004	1 Jun, 2004	8.60	19,193,000.00

For further details & application
Telephone: 322 7360 or 322 7271
(1) Tax exempt

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

ADALT EDUKESAN

NASU TECHNICAL EDUCATION AND CONSULTANTS

- 1. ENROLMENT OPEN FOR TECHNICAL COURSES**
 - Auto Mechanic, Carpentry, Welding, etc...
 - Must have completed grade 6, 7, 8, 9 10 and above
- 2. EMPLOYMENT OR APPRENTISE**
 - Must have completed P.E.T.T. Courses, Vocational Training, I.C.S. etc.....
- 3. CASHIER/SALES COURSE FOR LADIES ONLY**
 - Must have completed grade 6, 7, 8, 9, 10 or above
- 4. SHORT COMMERCIAL COURSES**
 - Stock Taking, Bank Reconciliation, Petty Cash, Management, etc.....
- 5. COACHING OF SCHOOL CHILDREN**
 - Grade 5, 6, 7, 8, 9, 10, Code Students etc.....

Entry test opens for 2003.
Telephone: 325 9976/326 3477/310 9376
Location: 4 Mile

BINS VANILLA

BEANS VANILLA PURITAU LTD

Attention: Vanilla Farmers!!


We buy quality vanilla beans @ good prices.

Freight FREE

Tel: 311 2802; Fax: 311 2551

Email: puritau@global.net.pg

ELECTRICAL & ACCESSORIES



Call in and see us For all your electronic needs

- Spare Parts
- Tools
- Equipments
- Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

MINING KAGO

THE GOLD PAN

Liklik Maining Masin bilong Salim
Proline Gol gredge, 2.5", 3", 4", 5" na 6" hai banka comb, Metol detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti gol hariap long taim yu wok gol.
I gat ol sevis long helpim yu painim gol long Ples bilong yu.
Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok

Contek Gol Pan
POM - Phone/Fax: 323 6052 or fax: 325 2959
Wewak - Phone/Fax: 856 1466

PISIN TANIM TOK



TRANSLATION
WORD PUBLISHING IS OFFERING
TRANSLATION SERVICES,
TRANSLATE ENGLISH TO
TOK PISIN & MOTU

FOR MORE INFORMATION CALL BONNER HUI ON

PHONE 325 2500 OR FAX 325 2579.

email:

wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino nabel man ibaim long yu.
Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani
P.O. Box 3980, Boroko, NCD
Papua Niugini

Phone: 325 2647 or Fax: 325 2959

LITERESI

Nesanel YWCA

i sponsorim wanpela kompetisen bilong o man na meri husait i winim 18-pela kriama long rait. Dispela em long makim dei bilon Nesanel Literesi wik, we bai i kamap long 8th igo inap long 12th Septemba long dispela yia. Dispela oi man na meri i mas staj long literesi skul o greduet pinis long kair skul.

TOPIK: Wai na em i impotent long mi long save long rid, toktok na rait long inglis? Longpela bilong stori em 1-3 peges. Yu ke rait long tokples, tok pisin o motu.

Sapos yu rait long tokples, givim long pasto, kaunsoi o inglis tisa bilong yu long tanim igo long motu, tokpisin o inglis bai i jas iken ridim. Dispela man o meri mas sai long soim olem ol i tanim tokples.

Dispela kompetisen bai pas long 17th Ogas long dispela yia.

MENESMEN SEVISES



MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications
(Reminders automatically remitted)

Contact: Helen, Liz,
Telephone: 321 5491 / 321 5492
Facsimile: 321 5493
Email: manpower@daitron.com.pg



ISLANDS HR MANAGEMENT SERVICES LTD

A bridge to your future career
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at
Suit 8 Level 1 Garden City, Angau Drive, Boroko

Email: islandshrmc@datec.net.pg
PO Box 889, Boroko, NCD
Ph: 323 4955; Fax: 323 4799

MARASIN PRODAKS

BIO-NORMALIZER

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutracential product is totally safe and use by various age group including pregnant mothers, new born babies, etc..

For more information

Phone/Fax: 323 1712

Our Office:

Champion Parade -Town
Garden City Ground Floor

REKODING STUDIO



REKODING STUDIO

WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

PRINTING



For all your Printing Requirements call

THE PRINTING HAUS

P.O. Box 6396 BOROKO, NCD
Ph 325 2415, Fax 325 4743

OR

Come in and see us we are located along the Poreporena Freeway opposite SP Brewery, Gordons

SKIN PROBLEM

SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call Sr Vivienne on 323 6700 or fax 323 0009 for enquiries and appointment.

If you have no access to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

SEKANHAN KLOS

KIM HOLDING

USED CLOTHING CLEARANCE SALE

POM 321 3066 / 326 3680
EX TOBA MOTORS BADILI

Flannel Shirts K299 Laddies 'T' Shirts K250 Laddies Blouses K250 (45kg) Mixed Bales K350 (50kg)

Flannel Shirts K350

- Mt Hagen 542 3864

Cut Rags K3.00 per kilo.

RETAIL - SHOES, LINEN, CLOTHING. CHEAPEST IN TOWN

SHOPS 1 - Ex Toba Motors Spare Parts Badili

2 - Near Waigani Market.

SEKENHAN KLOS

FRIENDTEX LTD

P.O. BOX 5049 BOROKO
PHONE: 323 1471
FAX: 323 1479

Dealers & Wholesaler

Spend Less For Best

Dealers & Wholesaler Secondhand Clothing
A Visit is a Must

Prices range from K495.00 - K660.00
Available & New Stocks

Jeans Shorts, Jeans Trousers, Children Jean, Mixed Short, Beach Short, Hemmed Short, Skirt Cotton Pant, Tropical Pant, Skirt Pant, Ladies Dress Flanel Shirt, Floppy Pants, Cut Jeans, Printed T/S Mix T/Shirts, Golf T/Shirt, R/Neck T/S, Cargo Short, Cargo Trousers, Denim Shirt, Children Shorts, Bed Sheets, Pillow Cases, etc.

Additional New Stocks

Hunting Jackets, Rugby Pollo Jerseys, Pollo T/Shirts, Collar L/S, Ladies Suit Shirts/Blouse, Ladies 3/4 Pants, Cotton Blouse, Mix Jerseys, Ladies Bras.

Mixed Bales AA Supreme @ special price
Special Discount for bulk buyers Located at Kenmore Trade Centre No. 11 off Cameron Road next to Arnotts Biscuit Factory - Gordons. Please contact us for any queries on range of prices (K495 - K660).

TREID NA EKSPOT

FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We buy Crocodile Skins

MON - SAT

BURNS H OUSE
STANLEY ESPLANADE, PORT MORESBY

Tel: 321 4755
Fax: 321 4751

WIKEN SPOT EKSEN




• Pilaia bilong Shipping i nogat hap long ran. Ol pilaia bilong AD 'a' i takolim em pinis.




• Nek takol o? Em Steamships 7's ragbi union ekxen.




• Wesley Jeffery bilong Stop 'N' Shop, Waigani i laik brukim banis bilong ol boi ADN-Lae.



• Frank Rupa bilong Chariots i painim rot long abrusim Jacob Madu bilong Defence insait long Capitol basketbal resis.



• Janet Haul bilong Courts i painim ples long tromoi bal. Ol i bin salensim ol meri Coca Cola long praivet kampani netbal resis.



• Pilaia bilong Courts i laik pasim bal i go long wan tim bilong em. Ol i winim gem 25-16



• Pilaia bilong Gazelle i lusim bal na larim dispela Elcom pilaia i ran igo long fes bes.



• Bikpela fowet bilong ADN - Lae i brukim banis bilong ol Stop 'N' Shop Waigani insait long Steamships 7's tonamen.

Ol Spot Dro

Toksave

Toksave i go long olgeta spot asosiesen insait long Hailans, Momase, Niugini Ailan na Sauten rijon olsem Wantok Niuspepa bai amamas tru long yupela i ken salim ol stori bilong gem na ol spot dro o poin lata bilong yupela i kam long olgeta wik. Wantok niuspepa bai amamas long putim ol stori na dro wantaim poin lata bilong yu bai ol membas bilong yu i ken ritim na save gut long ol gems bilong yupela na taim bilong pilai. Salim ol i kam long:

WANTOK NIUSPEPA - SPOT
P.O. Box 1982. BOROKO. NCD.
Telepon namba: 325 2500
Fax: 325 2579.
email: word@global.net.pg

DRO

Hohola Okkainhens op sisen ragbi lig kompetisen

Hohola Ragbi Lig graun

Sande 02/11/03

- 11:00 Kaiyo Storms v Kanage Spiders
- 12:00 Morata Hawks v June Valley Bull Dogs
- 1:00 Usu United v Negliff Bears
- 2:00 Waribi Brothers v Garden Hill Eagles
- 3:00 Bena Panthers v Yamaso Raiders
- 4:00 Hohola Magpies v TK Maroons

Pot Mosbi Fairfax volibal mesa semi fainel

Sir John Guise Indo Kompleks

Kot 1 meri

- 8:30 Auto Fresh Hits v Telikom (WAR)
- 10:00 CAA v Bismarck Sharks (WAR)
- 11:30 Telikom v Fire Fox (WA)

1:00 Telikom 1 v Bismarck Sharks (WA)

Kot 2 meri

- 8:30 Arnotts v Esi Loan Neibas (WAR)
- 10:00 Mixers v Auto Tech Fresh Hits (WA)
- 11:30 Esi Loan Neibas v United Dolphins (Wa)

Kot 3 man

- 8:30 Telikom v Raukele (MA BQF)
- 9:30 Arnotts IPA v Telikom (MAR)
- 11:00 Boomers v Auto Tech Fresh Hits (MAR)
- 1:30 Loser MA BQF v Auto Tech Fresh Hits (MA)
- 3:00 Boomers v Bismarck Sharks (MA)

Kot 4 man

- 8:30 Fire Fox v United Dolphins (MAR)
- 10:00 Esi Loan Neibas v Bismarck Sharks (MAR)
- 11:30 Arnotts v Esi Loan Neibas (MA)
- 1:00 Fire Fox v Winner MA BQF (MA)

Pot Mosbi man sofbal

Bisini Daimon

Raun 1 Wik 2

Sande 02/11/03

Daimon 1

- 9:30 Samurai v Admiralty
- 10:45 Dolphins v Brown Eagles B red
- 12:00 Manalos v Northern Hawks A
- 1:15 Gazelle v Elcom A
- 2:30 Ice Beer Kopex v AB Bears A

Diamon 2

- 9:30 Manalos v Northern Hawks B
- 10:45 Gazelle v Elcom B
- 12:00 Ice Beer Kopex v AB Bears B
- 1:15 Dolphins v Brown Eagles B
- Bye: Malagan B gred

Ragbi Yunion Wol kap (Ostrelia)

Pul A	poin
kantri	
Ostrelia	14
Airlen	14
Agentina	11
Romania	0
Namibia	0
Pul B	
Frens	15
Skotten	10
Fiji	9
U.S.A	6
Japan	0
Pul C	
Inglen	14
Saut Afrika	10
Samoa	10
Uruguai	4
Georgia	0
Pul D	
Niu Silan	15
Wels	13
Itali	8
Kenada	1
Tonga	1

HAP SPOT NIUS

Okkainhens ragbi lig kompetisen

Paul Zuvani i raitim

BIKNEM Hohola Okkainhens op sisen ragbi lig kompetisen bai stat long dispela sande long Hohola ragbi lig graun.

Long dispela Sande na narapela Sande em bai ol pri sisen pilai. Sisen propa bai stat long Novemba 16.

Bipo long ol klab i kam na pilai ol eksekutiv i askim wan wan klab long luksave long ol dispela toksave:

-Ol pilai bai kamap long Hohola ragbi graun long Sande 02/11/03. Olgeta klab i mas kisim wantaim ol klab profail bilong ol long menesmen straksua, tim menesmen-A & B gred wantaim tim menesa, kos, treina, ol arapela opisal na ol pilaia.

Olgeta klab i mas kisim pilaia medikal setifiket bilong ol.

Ol opisa i no inap kisim ol nupela klab long pilai. Olgeta klab opisal mas bihainim dispela ol toksave. Sapos nogat ol eksekutiv i no inap kisim ol long pilai.

Olgeta klab mas kamap long taim long pilai. Tim i kamap bihain long taim bai fofit.

Pri sisen pilai em wanpela gem long wanpela klab tasol. Long sisen propa bai i

gat tupela pilai bilong klab, wanpela long A gred na narapela long B gred.

Sisen propa bai stat long Novemba 16, 2003.

Ol klab mas pinisim fi bilong registresen long Novemba 23.

Eksekutiv bai lukluk strong long ol klab long bihain ol dispela toksave.

Ostrelia givim K52,000 long PNG spots

i kam long pes 32

Jenuari, 2004; swimming bai holim foa-de teknikel opisal kos na faiv-de nesenel divelopmen swiming kemp, boul bai holim tu-de kosing na trening woksoy long Lae long Mas-Eprel 2004 na boksing bai skelim sapos em inap holim 2004 Eprel teknikal opisal kos o kosing kos em long 2004.

Long soim amamas bilong em Papua Niugini SpotsFederesin general sekreteri Sir John Dawanincura i tok pastaim helpim i bin kamap gut bihain long kantri i mekim gut long Jun/Julai Saut Pasifik Gems.

"Mi tenkim Ostrelia gavman na ol pipel bilong em long helpim nau ol i givim long mipela. Na mi i no inap lus tingting tu long gutpela sapot yupela i bin givim long mipela bipo.

"Long dispela as mi kisim bikpela amamas na givim bikpela tenk you i go long

yupela (AusAIF) long ranim ol spots.

Ol opisa bilong dispela spots tu i soim amamas long dispela progrog.

PNG swimming pablik rilesen/ menesa Elizabeth Wells i tok dispela mani i kisim bai helpim ol long raning spot progrog bilong ol.

"Kos bilong mipela i go bek long Niu Silan na olsem mipela i nogat nesenel swing kos. Dispela mani bai wok kosa bilong mipela.

NCD Praivet kampani netball kompetisen

SIMOK kampani British American Tobacco (BAT) las wiken daunim top tim Benk ov Saut Pasifik (BSP) insait long divisen wan bilong praivet kampani netbal resis long Rita Flynn netbal kots long Sande we i lukim pinis bilong raun foa.

BSP i bin gat planti ol ekspirians praiva olsem Renagi Dringo, Susan Age, Nina Vele, Kay John, Cathy Eric na Madeiene Topelemu tasol dispela i no stapim ol simuk meri long pilai strong we i lukim ol i winim gem 34-24 long ful taim.

Long ol arapela risal kompetisen lida Post Courier i wok long win yet we ol i nekim Courts 47-15 na i luk olsem ol bai go het yet long winim fainel bilong dispela yia. Fairdeal i winim Daltron 38-13 na Brian Bell i bin winim Coca-Cola 36-15



• Netbal eksen long Praivet Kampani resis long Pot Mosbi.

18 tim bai pilai long Wanderers ragbi resis

Paul Zuvani i raitim

em bai kisim K500.

WANPELA ten eit tim i redi pinis long pilai long Wanderers Sevens Ragbi Union tonamen we bai kamap long Lloyd Robson graun stat long tumora na pinis long Sande, Novemba 9.

Ol dispela tim em Daru Cranes, Hagen Wanderers, Goroka Silverbacks, Lae Unitech, Lae Tech, Lae Royals, Kavieng Wanderers, PNG Defence Force, Gabagaba, Avaiki Wanderers na Moi bilong Solomon A'ian. Na Harlequins, Defence, Wanderers, Kone na Marlins bilong Pot Mosbi ragbi union kompetisen bai kamap.

Bipo long dispela ol oganaisa i wok long lukluk long 24 tim tasol i abrus na 18 tim tasol i kamap. Tasol dispela namba i winim yet 14 tim bilong las yia.

Ol i tok olsem klostu total K17.500 win mani bai go aut. Long brukim dispela mani tim husat i winim tonamen bai kisim K10.000, abrusim K5000 prais mani bilong las yia. Tim i pinis namba tu bai kisim K2.500, plet wina bai kisim K2000, rna namba tu bilong em bai kisim K1500 na boud wina bai kisim K1000 na namba tu bilong

Las yia em i fes yia bilong dispela tonamen na long skelim namba bilong ol tim ol oganaisa i gat bilip olsem dispela tonamen bai kamap bikpela yet long olgeta yia.

Sempion bilong las yia em Pot Mosbi Wanderers.

Na long pilai ol tim bai stap long sikpela pul we tripela bai stap long wanpela pul. Pilai bilong Sarere mas lukim ol eliminesen pilai we bai ol fainel bilong Kap, Bous na Plet fainel bai kamap long Sande.

Ol oganaisa i kamapim dispela tonamen long strongim ragbi union pilai long taim bilong op sisen. Na tonamen i klostu wankain olsem ragbi lig SP Inta-siti Kap tasol em i sot long SP Kap kompetisen.

Long promotim kod ol bai givim 100 fri tiket long Pot Mosbi Intenesenel Hai Skul sumatin manki, Gordons Sekenderi, Gerehu Hai Skul, Badihagwa na Kila Kila Sekenderi.

Ol sponsa bilong pilai em Minerol Risoses Developmen Kampani, Posman Kua Aisi Lawyers, Kutubu Sekyuriti Sevises, Petroleum Risoses Gobe, Petroleum Risoses Kutubu na Chemcare.

Long olgeta mani ol kampani i bai yusim long tonamen em K50.000.

Yangpela Sioni bai tren wantaim Brisbane Lions

WANPELA gret 12 sumatin bilong BugandiSekonderi skul long Lae i winim ples na bai go daun long Australia long dispela Mande long kisim tu mun trening wantaim Brisbane Lions, em sempion Ruls Futbol tim bilong Australia.

Pinis bilong Desemba mangi ya bai kam bek long kantri.

Dispela mangi em Alestar Sioni husat i bilong Muligan ples, Wes Kove long Wes Nu Britan. Sioni igat 18 kris-mas na longpela bilong em em 185 senti mit.


Sioni bai go daun aninit long plen bilong Papua Niugini Australia Ruls Futbol junia developmen program bihain long em i pilai gut long Anda 18 nesenel ruls sempionsip we i bin kamap long Lae long Septemba.

Long dispela wik Sioni i sindaun long gred 12 eksam bilong em. Ankel o liklik papa bilong em Paul Sioni i tokim Wantok olsem;

"Mipela olgeta famili i amamas tru long lukim pikinini bilong mipela i go daun na tren wantaim Lions," ankel Paul husat i kosa tu bilong Alestar i tok. "Em i save pilai gut na dispela kain wokabaut i givim bikpela strong long em long pilai gut moa.

"Mi tenk yu tru long Papua Niugini Australia Ruls Junia Developmen program long i gat dispela program long helpim ol mangi," Sioni i tok.

Yangpela Sioni i stat pilai long 2000 wantaim wanpela tim, Wes. Long gutpela pilai bilong em manki nogut i kamap kepten bilong Lae sait we i



• Alestar Sioni.

winim nesenel junia ruls sempionsip long Rabaul.

Em i bin stap insait long PNG Mosquitoes long pilai long Arafura Gems tasol pret bilong sik SARS i pasim dispela pilai.

Tasol dispela abrus bilong gutpela wokabaut i no mekim Sioni giv ap hop. Long dispela yia em i soim tru kala bilong em na ol opisa bilong PNG junia developmen skwat i no inap abrusim em. Long dispela as em i winim ples long go long Brisben long tren wantaim ol Lions.

Bipo long Sioni i pilai ruls em i save swim na long 1998 em i joinim Lae Amata Swimming klab. Tasol long wankain taim em i no stapim lukluk

bilong em long ruls. Wantaim long sapat bilong ankel Paul na papa Enoch Alestar i stat long kisim moa laik long ruls.

Dispela i mekim na long yia 2000 em i stat long pilai ruls.

PNG AFL junia developmen dairekta Scott Reids long amamas long mekim Sioni i mekim wokabaut na kisim dispela trening aninit long program i tok: "Planti ol manki o ol pilaia i gat talen bilong pilai tasol i nogat wei we i ken helpim ol long developim dispela talen.

"Mipela long ruls i lukim dispela na mipela yet i bilip olsem sapos manmeri bai mekim gut long spots taim em i bikpela em long em i mas pilai na kisim gut save taim em i yangpela yet. Dispela em i strongpela bilip bilong mipela.

"Olsem na mipela i kamapim junia developmen program we ol yangpela long komyniti skul na Hai Skul i gat kompetisen long pilai long wiken.

"Dispela kompetisen i kamap pinis long ol skul long Pot Mosbi, Lae, Kimbe, Mt Hagen na mipela i lukluk moa yet long skruim dispela program long ol arapela senta," Reids i tok.

"Alestar i mekim gut long ruls na olsem mipela i amamas long givim em dispela sans long tren wantaim namba wan tim bilong Australia (Brisbane Lions).

"Mipela i hop em bai lainim gutpela samting long dispela wokabaut.

"Mipela i laikim olgeta mangi long kantri i mas save long pilai ruls," em i tok.

Sir Matiabe i tok Australia noken bihainim mani i kam

EM I gutpela long mipela i harim olsem Australia i laik givim K52,000 long helpim ol spot long kantri.

Tru mipela i harim tasol planti taim mipela i save olsem Australia i save bihainim lek mak bilong ol mani em i save givim. Sapos dispela kain pasin i kamap mi pret dispela mani bai go bek long Australia.

Dispela em toktok bilong bipo Mema bilong Tari Sir Matiabe Yuwi.

Em i tok Australia i tok long givim mani long atletiks, swimming, meri bous na boksing tasol bihain em bai salim ol opisa bilong em i kam antap na holim ol kos-ing klinik hia wantaim ol pilaia bilong mipela.

Mani ol i givim long atletiks em K7,530, swimming K21,510, meri bous K17,210 na boksing K6,450.

"Australia i ting olsem mipela i nogat save yet na oltaim em i laik salim ol opisa bilong em long kam hia na lainim mipela? Mipela i gat save lain pinis! Wanpela samting tasol mipela i sot long em em mani. Salim mani tasol i kam. Maski long salim ol opisa," Sir Matiabe i tok.

"Lukim piksa bilong PNG Presiden 13, em kosa bilong mipela, trena na menesa bilong mipela yet, ino Australia

na mipela i winim Junia Kangaroo.

"Mipela i traime ol kosa bilong Australia na mipela i lus oltaim na nau mipela i kisim man bilong mipela yet na em i helpim tim long win. Dispela win em i namba wan taim bilong histori bilong ragbi lig. Dispela em i gutpela piksa long soim ol.

"Olsem na maski long tok mipela i nogat save. Mipela i gat. Mipela i sot tasol long mani. Helpim mipela tasol long mani.

"Mi laik save Australia i salim ol opisa bilong em i kam long ranim ol kos long em i ting mipela i nogat save o i gat narapela hait samting-em i ting mipela i no inap lukautim gut mani? Dispela mi mas save gut pastaim long mi ken bekim tok gut," Sir Matiabe i tok.

"Long tok long save-man, piksa bilong ragbi i ken tokim ol, mipela i gat save pinis. Maski long salim ol save lain bilong em i kam.

Long tok long em i no trastim mipela long lukautim mani, dispela mi ken tok mipela i gat ol gutpela man tu long opis long lukautim mani. I no olgeta lain i stilman o ol i no inap long mekim wok. I gat planti ol gutpela lain, Australia i mas trastim mipela.

"Sapos Australia i no trastim mipela bai i nogat taim bilong em i

gat bilip olsem mipela inap long mekim samting. Dispela bai i givim hevi long em gen. I olsem em bai i gat sot-pela tingting long luk-save long strong bilong mipela.

"Na olgeta taim tok mipela i nogat save i no helpim mipela liklik. Dispela Australia i wok long bagarapim mipela na olsem em i daunim wanem kain strong mipela i gat long em.

"Australia i mas stapim dispela kain wei bilong em long lukluk long mipela.


"Sapos em i ken larim mipela i traime mekim samting mipela yet dispela bai gutpela. I wankain olsem tumbuna singsing. Mipela i traime planti taim bipo long mipela i kisim step bilong danis. I no namba wan taim tasol, nogat.

"Sapos dispela tupela samting mi kolim pinis i no tru na Australia i wok long bihainim lek mak bilong mani bilong em orait mi ting i gat wanpela samting i mekim na Australia i wok long mekim olsem-em i no laik mani bilong i kam aut.

"Sapos dispela tok i tru mi ken tok olsem dispela tingting bilong Australia long helpim mipela long helpim mani i no tru. Em i giaman tingting na toktok," Sir Matiabe i tok.

**JEKPOT
K500
PRAIS MONI**

**PAINIM BAL
RESIS NAMBA 8**




RUL BILONG PILAI"

1. makim X long poto yu ting bal i stap long en insait long bokis stret.
2. makim X long pen tasol.
3. Katim poto long sisos na salim long **PAINIM BAL RESIS NAMBA 8**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:..... **Krismas:**.....



78 Barakau manmeri kamap spot lida

Paul Zuvani i raitim

BARAKAU ples Sentral provins long las wik i lukim 78 manmeri bilong em i kamap spot lida bihain long ol i kisim kos bilong kamap lida.

Dispela kos em ol opisa bilong Papua Niugini Spots Komisen wantaim helpim bilong Trukai Industri i ranim.

Na dispela kos i kam aninit long Trukai Yut Spots Program bilong Komisen we bikpela tingting bilong kos em long kamapim gutpela lidasip long spots na mekim ol yangpela i strong long sait bilong pilai.

Ol dispela manmeri husat i kisim kos i lainim kain samting olsem

administresin, refering, ampaairing na fes eid.

Long pinis bilong kos Program menesa Scott Vavine i tok em i amamas tru long ol lain husat i kamap long kisim dispela kos long wanem olgeta i redi long lain na askim ol samting we ol i no save long em.

Vavine i tok: "Komuniti bilong spots na general komuniti i amamas long we yupela i stap long lainim ol samting.

"Planti bilong yupela i no klia gut long bikpela ol samting olsem administresin long lukautim spots na nau em gutpela sans.

Nau olsem yupel i lain pinis yupela mas yusim dispela save yupela i kisim pinsi long kamapim gutpela spots.

"Long save gut long as tru bilong ol hevi long komuniti spots yu mas oltaim pas wantaim ol wok bilong spots long ples.

Dispela bai i helpim yu long mekim ol disisen long taim bilong kamapim na lukautim ol pilai.

Narapela tupela opisa bilong Komisen, Moses Tolingling na Margaret Opina i tokaut long hevi bilong referim ragbi lig na ampaairim netbal.

Tupela i tok olsem planti bilong ol referi na ampaairi i no save long we bilong wanem bilong mekim ol disisen taim ol i lukautim ol pilai.

Tolingling i tok: "I gat taim bilong stretim ol dispela hevi tasol bikpela samting em i olsem wok bilong referi em long lukim olsem em i kontrolim pilai. I no larim ol

pilala o ol narapela i kontrolim ol pilai.

Na Opina i mekim wankain tok-tok. Em i tok ol ampaia taim ol i kontrolim gem long wankain taim tu ol i mas givim taim long lain long wanem ol i go rong.

Tolingling na Opina i bin gat sans long soim save bilong ol taim ol ples lain i pilai ragbi na netbal long Sarere.

Long amamas long ol manmeri i kisim kos Lahui Rigana, Barakau Spots Asosiesen presiden i tok olgeta i kisim gutpela save tasol nau em i bikpela salens sapos ol inap long yusim dispela save ol i kisim pinis.

"Em wok bilong yupela nau, sapos yupela i yusim dispela save bai pilai bilong mipela i kamap gut

sapos nogat mipela bai stap kran-ki yet," Rigana i tok.

Trukai Industri marketing menesa Scheffield i kamap na givim tok amamas bilong em tu long kos i kamap gut.

"Tru tingting bilong Industri em long promotim rais bai planti lain bai baim rais tasol mi ting olsem kain samting we mipela i kamap i mas helpim yupela long go longwe long wok na pasin bilong spots.

"Mi amamas long lukim planti yangpela i kamap long lain na save gut long wok bilong spots," em i tok.

Wantaim long dispela Trukai i bin givim sampela spots ikupmen na 'T' shirt long ol manmeri i kamap long kos.

Kopex klab kisim sponsa long SP



• Ice Bia Kopex A gret tim i sanap kisim piksa wantaim nupela unifom bilong ol. Foto: JOE IVAHARIA

Kopex softball klap bilong Mosbi bai traime bes long winim taitel bilong dispela yia. Las sisen ol i bin kamap namba tu bihain long Gazalle. Nau yet wantaim gutpela sponsa i kam long SP Brewery we klab nau bai ol i kolim "Ice Bia Kopex" em bai mekim ol pilala i pilai strong moa long winim ol gems bilong ol insait long kompetisen dispela sisen. SP Brewery i sponsarim klab long ol nupela unifom wantaim ol samtin bilong pilai olsem bat, bal na han glav.

Long gem bilong ol long Sande "Ice Bia Kopex" i hamamasim nupela sponsa wantaim win we ol i nekim AB Bears 4-0 we ol pilala olsem Stanley Tavul, pitsa Esau Vinarang, Ilau Paranis na Siani Turlom i go pas long dispela win wantaim sapat long ol arapela pilala tu. Long narapela gem i lukim difendin primias Gazelle i kam long beksait long daunim Elcom 7-4 we tupela olpela pilala Tony Daple na pitsa Patrick Pilak i go pas long lidim ol yangpela skwat bilong ol.

Praivet Kampani Netbal paia lait

Joe Ivaharia i raitim

Praivet kampani netbal kompetisen i wok long paia lait nau we i lukim pinis bilong raun foa long wiken.

Ol wok mama wantaim pikinini na susa i wok long pulap stret long Rita Flynn netbal kot olgeta Sande apinun.

Ol papa tu i wok long kam na givim sapat i stap we i kamap rait olgeta.

Long ol gems long wiken long divisen wan Courts British American Tobacco Supastoa wantaim kain pilala

olsem Janet Haua, Diana Laha, Daga Roga, Kaia Heni, Anne Koae na Koai Movoa i go pas long autim ol meri Coca Cola Amatil (CCA) 25-16 insait long mein gem we i lukim CCA i bin lid 14-11 long hap taim. Tasol ol lain long Courts i kam bek strong long winim gem.

Post Courier i go het yet long win taim ol i waraim stret ol meri Daltron 41-18, Brian Bell i laki long winim ol meri BSP long wan poin tasol 25-24 na Fairdeal i autim ol meri simuk British American Tobacco (BAT) 39-29.

Risal bilong ol Softbal gem long wiken

Long kompetisen bilong ol meri difendin primia AB Bears i nekim SP wansait 14-1 we i lukim top beta Natalie Bart i wok long paitim bal long olgeta hap bilong fil long kisim ol rana bilong em i kam hom.

Narapela ol gems i lukim Gazelle i winim Dolphins 11-5 na Norths i autim Admiralty 8-0. Long B gret Ice Bia Kopex

husat i kisim promosen long C gret las yia i wilwilim stret Chebu 30-15, Manalos i winim SP 20-6, Wantoks i autim Admiralty 19-1 na AB Bears i nekim Dolphins 7-0.

Insait long U/16 divisen Gazelle winim AllStars 7-0, Dolphins i nekim Ice Bia Kopex 19-18 na Admiralty i autim Manalos 7-0.

Defence winim Chariots long Basketball Lig

Joe Ivaharia i raitim

Kosa na pilala bilong Defence Giamsa Yagas i bin kamapim wanpela gem plen long mekim tim bilong em winim Chariots 85-68 insait long Capital Basketball Lig resis long Hohola basketball kots long Sande. Maska tim bilong em i stap daunblo tasol ol pilala i soim stret kala bilong ol long mekim dispela win. Kain pilala olsem Roger Para, Sioni Sialis, Jacob Madu, Richard Moripi, Simon Japo na Yagas wantaim ol risev pilala i bin go pas long dispela win we ol i bin lid long hap taim 34-29. Insait long sekon hap ol i kamapim gutpela difens stret long passim ol

pilala bilong Chariots olsem Virgil Hani, Togaro Asiba, Frank Rupa na Greyson Ohue wantaim ol skuat long noken skoa na dispela i bagarapim gem bilong ol Chariots.

Dispela lus bilong Chariots nau i surukim ol i go daun long namba tri ples long pons lada. Exodus i wok long go pas long lada wantaim 26 pons bihainim narapela gutpela win bilong ol long wiken egensim Muruks we ol i win 95-50.

Ol PNG pilala bilong klap olsem Colin Kila, Peter Davani, Patrick Ani, Dia Muri na John Toua i go pas long dispela win wantaim halipim i kam long ol risev pilala tu. Narapela gem i lukim Saints i autim ol mangi

Oro, Birdwings 48-43 long wanpela gutpela gem tru. Ful pons lada bilong ol man nau i sanap olsem Exodus 26, Jazz 22, Chariots 20, Saints 18, Muruks 14, Defence 10 na Birdwings 4.

Long gems bilong ol meri long wiken Exodus i winim Muruks 62-52, Saints autim Birdwings 83-41 na Chariots i bekim dinau bilong lus bilong ol man tim wantaim 46-36 win egensim Defence.

Poins bilong ol i stap olsem Exodus long 26 pons, Jazz 22, Muruks 20, Chariots 14, Defence 12 na Birdwings wantaim Saints i stap long 10 pons. Dispela wiken em bai laspela gems bilong kompetisen bipo long ol fainals bai kamap.

Pot Mosbi Fairfax Volibal holim priliminari fainals

Paul Zuvani i raitim

LONG A gred pilai bilong meri Telikom bai bungim kompetisen lidas Esi Loan Neibas.

Long dispela pilai Telikom i gat planti ekspirians na olsem ol inap long stapim Neibas. Ol gut taim pilala bilong Telikom olsem Dorothy Eliakim (kepten), Paula Dick, Alice Ito, Pauline Sanginumbuk, Karol Kageni na seta Wendy Yikolisa i mas helpim tim long win isi. Telikom i kwin bilong Pot Mosbi volibal taim ol i stap wantaim NCD volibal na nau ol i stap long Fairfax volibal kompetisen. Ol i kwin klostu olsem 10 yia olgeta na i nogat wanpela meri tim i abrusim ol. Sapos ol i no go long gren fainal na narapela tim i winim gren fainal dispela bai namba wan taim long lukim Telikom i lus.

Long sait bilong Neibas em i

nupela tim. Tasol long gutpela pilai bilong ol na olsem ol i go pas long kompetisen.

Ol i yangpela blut na olsem ol i redi long muv i go i kam long kot long rausim bal long hap bilong ol. Tupela pilala Patricia Iga na Theodora Keneke bai go pas na givim bikpela sapat long tim bilong ol.

Wantaim tupela em Rita Iga, seta Rose Sarei, Maria Liva, Pat Liva, Pat Haro na Pouna Liva. Sapos dispela ol pilala i mekim gut em bai fes taim long 10-pela yia long wanpela tim i stapim Telikom.


Long pilai bilong ol man IPA bai bungim Boomers. Dispela em i riplei bilong kwalifaing fainal we IPA i win long longpela pilala bilong em. Ol IPA pilala olsem Willie Kila, Ivan Gabriel, Ian Toua, Morea Gavera, Michael Miria, Lohia Rarua na Tau Kini inap helpim IPA long win isi.

Tasol ol i no ken daunim Boomers. Boomers i gat nem tu ya. Ol bai traime olgeta strong long bekim dispela dinau.


Ol pilala bilong ol olsem Kabua Patana, Kone Gaudi, Momo Tunapa, Boge Rova, Ben Sturges, Maino Morata, Hir Gureki, Greg Baeau na Sebea Kabua. Ol dispela pilala i helpim Boomers long stretim dinau bilong ol.

Long A resev bilong ol meri Telikom bai bungim Arnotts IPA. Long kompetisen Telikom i no winim yet IPA na dispela bai wanpela gutpela sans bilong em long traime strong bilong em.

Sapos em i stretim sampela hevi em i bin gat bipo taim em i pilai wantaim IPA orait nau em i taim bilong soim dispela strong bilong em. Longpela Oini bilong IPA mas helpim tim bilong em long win.



WANTOK Spots



18 provins redi long PNG Gems

Wewak bai holim volibal sempionsip

Joe Ivaharia i raitim

Paul Zuvani i raitim

OLSEM 18 provins i redi pinis long kamap long bikpela pilai long histori bilong spots long Papua Niugini em wan wik-Inagural Papua Niugini Gems.

Dispela ol pilai bai kamap long biktaun bilong Isten Hailen provins, Goroka we bai stat long dispela Mande 10 Novemba na pinis long Fraide 15 Novemba.

Ol provins we i tokaut pinis na redi long kamap em Bougenvil, Galf, Enga, Is Sepik, Isten Hailens, Madang, Manus, Milne Bay, Morobe, Westen, Nesanel Kapital Distrik, Niu Ailan, Oro, Sandaun, Sauten Hailens, Simbu, Westen Hailens na Wes Niu Britan.

Is Nu Britan na Sentral provins i no tokaut long tingting bilong ol. Ol oganaisa bilong Gems i tok toksave ol i kisim em spots opis bilong tupela provins i sot long mani long salim tim i go olsem na tupela i no inap salim tim.

Long 18 provins 11-pela provins i baim pinis registresin fi bilong ol. Ol dispela provins em Westen, Galf, Oro, NCD, EHP, Simbu, WHP, SHP, Morobe, Niu Ailan na Manus. Ol narapel

provins i tok ol bai baim long taim ol i kamap long ol pilai.

Ol dispela pilai em Papua Niugini Spots Komisen na Papua Niugini Spot Federesin i gat luksave na sponsorim.

Dispela em i bikpela pilai stret bilong histori bilong spots long Papua Niugini. I no bin gat kain pilai bipo na dispela pilai i brukim rekot bilong pilai spots long kantri.

Na ol oganaisa i save olsem em sans bilong eksekutiv bilong wan wan nesanel spots federesin long kamap, lukim na makim ol top pilafa long stap long trening skwad bilong ol na makim kantri long ol bikpela pilai.

Ol i bilip na askim tu lidaman bilong wan wan provins long kamap na lukim ol pipel bilong ol i pilai long dispela gems.

Gems sekreteri general Clement Matona i tokim *Wantok* olsem Is Niu Britan na Sentral provins i no inap kamap long wanem provinsal spots opis bilong ol i tok i nogat inap mani long salim tim bilong ol i kam. Na ol i sori long dispela sindaun.

Tasol em i tok bungim ol spotmanmeri bilong ol arapela provins ol eksekutiv bilong Gems i lukluk

long 2500- 3000 pilaia maski i save tru olsem 2200 atliis na ol opisa ol bilip bai kamap.

Matona i tok bikpela namba bilong ol pilaia na ol opisa bai kam long Isten Hailans provins we bai gat 252 manmeri olgeta, bihain long em Simbu wantaim 187, Galf 174 na Sauten Hailans 168. Long Niugini Ailan Manus bai kamap wantaim bikpela namba olsem 120 pilaia na opisa.

Em i tok tim bilong em i redim pinis long olgeta ples bilong pilai na silip bilong ol wan wan provins long stap na pilai.

Ol pilai bai kamap long YC Hall we basketbol na boksing bai kamap, Nesanel Spots Institut em basketbol, volibol, atletiks, dart, netbol na tas ragbi bai kamap na long Sir Danny Leahy graun em bai ragbi 9's bai kamap.

Isten Hailans provins tasol bai i gat tim long olgeta 9-pela pilai na Westen Hailans na Sauten Hailen provins bai gat tim long 8-pela pilai.

Ol wining tim inap long kamap long sampela bikpela pilai olsem Arafura Gems long Darwin, Ostrelia we ol dispela pilai i save kamap long olgeta yia.

Matona i tok ol tim bai stat

long kamap long Goroka long tomura.

Bai i gat 350 volutia na teknikal manmeri bai helpim long ronim ol dispela pilai.

Long sait bilong sponsasip em i tok dispela i no bin kam gut. I nogat gutpela sapot i kam na ol oganaisa i bilip olsem dispela long mani hevi em kantri i bungim na olsem planti lain i hat long kisim mani long poket bilong ol na helpim.

Tasol Gavana bilong Isten Hailans Mal 'Kela' Smith i givim K10,000. Wantaim long dispela PNG Spot Komisen i givim K14,000 na PNG Spots Federesin i tok em bai givim K10,000.

Ol narapela sponasa em Trukai Industri i tok long givim 30 beil rais, Coca Cola bai givim fri drink long ol teknikal na voluntia manmeri, Steam Ships Treeding Kampani bai stretim basketbol kot na Best Buy i tok long givim belo kaikai long ol teknikal na voluntia manmeri.

Ol oganaisa i lukluk yet sapos sampela moa kampani o haus lain bai redi long sponsorim ol Gems. Ol bai amamas tru long lukim helpim bilong ol.

WEWAK Volibal Asosiesen bai i go pas long holim namba siks (6) Noten Zon Volibal Lig (NZVL) sempionsip long Wewak insait long mun Mas long Ista wiken long neks yia 2004.

Olgeta wok bilong redim dispela bikpela volibal tonamen insait long Noten Zon (bipo nem MOMASE) i wok long kamap gut long Wewak bihainim toktok i kam long Wewak volibal presiden Charles Malenki.

Madang NZVL Tonamen Dairekta Steven Kadam i tokim *Wantok Nius* olsem maski i nogat gutpela sponasa bilong holim dispela tonamen, pilai bai igo het yet na bai i nogat moa senis. Askim igo pinis long olgeta bisnis haus na ol Palamen memba bilong mipela long Momase tasol nogat wanpela gutpela ansa i kam.

"Mi no wari tumas sapos nogat bikpela halipim i kam tasol wari bilong mi em long moni bilong ronim dispela sempionsip. Olsem na nau mi wok hat yet long painim halipim," Mista Kadam i tok.

Em i askim olgeta senta long Noten Zon eria em Lae, Morobe Kantri, Huon Galf, Markham, Kaiapit, Mare, Zifazing, Mutzing, Nadzab, Manus Ailan, Madang na Vanimo long redi long kamap long dispela bikpela sempionsip. Olgeta lain i mas stat wok redi nau long reisim mani o painim wanwan sponasa bilong ol long kamap long Wewak long pilai. Noken tingting planti olsem pilai bai ino inap kamap, Wewak i redi pinis na olgeta samtin i ron gut tasol.

Afiliasen fi bilong wanwan tim bilong pilai em K300, patisipesen fi em K50 na registresin fi bilong ol pilaia em K1.00 tasol.

Mista Kadam i tok Lae na Manus i bin baim pinis fi bilong 2002 sempionsip tasol tupela sentas i no bin kamap na pila' las yia long Vanimo olsem na ol i ken baim hap long karamapim balens na stap insait gen long resis bilong neks yia, 2004.

Nau yet Wewak man tim em i sempion na bilong ol meri em las ples Vanimo. Tupela senta ya i bin mekim dai paia bilong Madang man na meri tim las yia na kamapim histori long rekot bilong Noten Zon Volibal Lig.

"Mi askim gen olgeta senta husat laik pilai i mas redi nau na stat salim nem bilong ol tim bilong yu i kam bikos Ista i no longwei tumas," Kadam i tok.

Long kisim moa kliia toksave bilong dispela sempionsip yu ken ringim Steven Kadam long telefon namba 852 3302/3632 o salim fax long namba 852 3540.



Ol tas meri em ol nogut ya! • Ragbi tas tim bilong ol meri Madang i amamas na kisim poto bihain long wanpela gem long wiken. Foto: MICHAEL NOVINGU

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.